

3

IN LIBROS  
ETHICORVM  
ARISTOTELIS  
AD NICOMACHVM,  
*ALIQVOT CONIMBRICENSIS.*  
*cursus disputationes,*

In quibus præcipua quædam Ethicæ disciplinæ  
capita continentur.

*Cum privilegio & facultate Superiorum.*



LUGDVNI,  
EX OFFICINA IVNTARVM.

---

CIO. IO. XCIII.

CVM PRIVILEGIO.

---

APPROBATIO.

**E**GO F. Bartholomæus Ferrera sacre Theologiæ Magister, & librorum censor, de mandato serenissimi Principis Alberti, Generalis in Lusitaniæ regno Inquisitoris perlegi has quæstiones cursus Conimbricensis in Ethica Aristotelis, nihilq; in eis inueni, quod Catholica fidei, aut bonis moribus repugnaret. Olisipone 22. Iunii, Anno 1593.

F. Bartholomæus Ferrera.

Facultas supremi sanctæ Inquisitionis consilij.

*Imprimatur hoc opus Olisip. 23. Iunii, anno 1593.*

*Episcopus Eluensis. Iacobus à Sousa.*

Facultas Illustrissimæ, ac Reuerendissimæ Domini  
Michaëlis à Castro, Archiep. Olisip.

*Imprimatur Olisip. 20. Maij, anno 1593.*

*Archiepiscopus Olisiponensis.*

Facultas Regij Senatus.

*Imprimatur Olisip. 25. Iunii, Anno 1593.*

*Hieronymus Pereira. Melchior Damaral.*



## P R O O E M I V M.

*De hac diuisione Arist. 1. Top. c. 12. D. August. 8. de Ciuit. cap. 4. Alcin. in lib. de doct. Platonis Euseb. initio libri 11. de Prep. Eu.*



**P**ER FECTVM Philosophum neminē posse euadere, qui Moralis scientiæ præceptis imbutus non fuerit, planē indicat tum vulgata illa diuisio, qua veteres Philosophiam, in Dialecticam, Naturalem, & Moralem distribuebant: tum quia vt ad bene, beatēque viuendum, ita ad rectē Philosophandum, perspicere oportet quid honestum, quid turpe, quid amplectendum, fugiendūve sit: cuius rei cognitio Philosophiæ Moralis propria est. Hinc iis, qui in bonarum artium curriculo versantur, doctrina hæc, quia ad alia tendentibus integra atque omnibus absoluta numeris explicari nequit, aliqua saltem ex parte tradi solet, debētque. Quod vt commodē seruari posset è re fore iudicauimus aliquot disputationes conscribere, in quibus potiora quædam ex iis, quæ ab Aristotele libris Ethicorum ad Nicomachum sparsim tractata sunt, in ordinem summamque redacta comprehenderemus. Omisimus autem, vt in Meteororum, & Paruorum Naturalium libris, interpretationem Aristotelici contextus, non quod eum negligendum putemus: sed quia non quid ab aliis scriptum sit, aut scribi à nobis possit: sed quid Philosophiæ auditoribus, certo annorum spatio eis præscripto, enarrari queat, perpendimus.

IGITUR scientiæ Moralis institutum, ac finis est, honestē viuendi rationem docere, probitate morum informare, atque ad felicem vitæ statum perducere. Et quia homo vt hoc pacto institui, informatique potest, vel spectatur in se absque respectu ad multitudinem, ad quam alioqui pertinet, cum animal politicum sit, vel vt pars est domesticæ

*Huius doctrinæ scopus.*

*Partino.* communitalis: vel ut est totius Reipublicæ quasi membrum: effectum est inde, ut hæc scientia tres contineat partes, Ethicam siue Monasticam, Oeconomicam seu familiarem, Politicam seu Civilem. Quarum prima mores hominis in se absolutè considerati componit: secunda domesticam disciplinam tradit, & ad propriæ familiæ gubernationem erudit: tertia optimam Rempubl. instituit, atque hominem dirigit, ut ea, quæ ad regni totius statum, & vniuersale bonum spectant, probè exequatur. De qua diuisione Alcinoüs in lib. de Doctrina Platonis cap. 4. Philo Iudeus in libro de Temulentia, D. Thomas in 1. 2. quæst. 48. artic. 11. & initio lib. 1. Ethic.

*Subiectum.* SVBIECTVM totius Moralis scientiæ (quod iam ex dictis facillè colligitur) est homo, ut liberè agit, & ut potest bonis moribus excoli, humanamque felicitatem obtinere, sic tamen acceptus, ut eius consideratio tripartitam illam varietatem, de qua paulò ante egimus, comprehendat. Ethicæ, ad quam, ut mox dicemus, Ethicorum libri pertinent, subiectum est homo primo modo sumptus.

*Ordo.* QVEM vero tum doctrinæ, tum dignitatis ordine, tota hæc facultas, inter alias disciplinas locum vendicet, exposuimus in Physicis. E tribus eius partibus, Ethica doctrinæ naturæque ordine reliquas duas præit: quia de re simpliciiori disputat, nimirum de homine secundum se instituendo: qui simplicius quidpiam est, quàm familiæ, quæ ex singulis hominibus, & regnum, quod ex singulis familiis, ac ciuitatibus coalescit. Item quia necesse est propriam vitam prius componere, quàm ad familiæ, aut Reipublicæ gubernaculum accedere. Quare & Aristoteles initio Ethico-

*In præmio  
totius operis.*

rum ad Nicomachum, præmium quoddam toti Morali doctrinæ commune adhibuit, & in calce eiusdem operis, se in progressu & de Republ. & de ratione legum ferendarum disputaturum promisit.

\*





DE LIBRIS MORALIBVS  
ARISTOTELIS: PRIVATIM DE  
ETHICIS AD NICOMACHVM.



Lege Arist.  
lib. 1. Metaph.  
c. 6. & lib. 13.  
cap. 4 & de  
Partibus an.  
c. 1. D. Aug.  
8. de Civi. c. 3.  
Laclan. lib. 3.  
cap. 13.



*V*M veteres Philosophi in solam rerum natura-  
lium peruestigationē, & scientiam incumberent;  
primus Socrates, teste Xenophonte in lib. de eius  
dictis, & Cicerone 1. Academ. questionum, dicitur  
philosophandi studium ad componendam  
vitam inflexisse, eamq; disciplinam, quæ de moribus est, euoca-  
tam è cælo, in urbibus domibûsque collocasse. De qua subinde  
multa præclare scripserunt nobilissimi eius discipuli Plato, &  
Aristoteles. Ac Platonis quidem extant Dialogi nonnulli, qui  
ad mores priuatos spectant, ut Memon, Eutyphro, Philebus, Cri-  
to: alij, qui ad publicos, ut Leges & Respublica.

Socrates.

Plato.  
Aristot.

ARISTOTELES verò omnes huiusce doctrinæ partes  
variis operibus complexus est, videlicet libris circiter centum  
septuaginta octo. E quibus ad nos peruenere de Ethicis decem ad  
Nicomachum: septem ad Eudemum: duo, qui dicuntur H $\eta$ θικὰ  
μείζονα, id est, Moralia magna. De domestica disciplina, duo,  
qui appellantur Oeconomica. De gubernanda Republica octo, qui  
Politica nuncupantur.

Lege Diogen.  
Laer. & Flu-  
tarch. in vita  
Aristot.

CÆTERIS in presentia omisiss, quod attinet ad libros  
Ethicorum ad Nicomachum, è quibus ea, quæ in hæc disputa-  
tiones coniecimus, magna ex parte petita sunt: aduertendum  
nonnihil de ipsorum Auctore dissidij esse. Nam Tullius quinto  
de Finibus, suspicatur compositos à Nicomacho Aristotelis filio.  
Cui opinioni, quam alij quoque secuti sunt, fauet ipsa operis in-  
scriptio. Dicuntur enim Η $\eta$ θικῶν Νικομαχεῶν, id est, Morali-  
um Nicomachiorum. Quæ verba non obscure significare videntur,  
esse illos Nicomachi, id est, à Nicomacho scriptos. Afferendum

Dissensio de  
auctore Ethic.  
ad Nicom.

tamen communi interpretum aliorumque iudicio, eiusmodi libros Aristotelicos esse, ut testatur doctrina conuenientia, breuitas, & pondus sententiarum, argumentorum aculeus, contextus dictionis, & tota precipiendi ratio. Item quia in fine huiusce operis remittit auctor lectorem ad suos libros de Republ seu Politicorum, & lib. 6. cap. 3. ad suos Analyticos, quæ opera constat Aristotelica esse. Nuncupantur ergo ij libri Nicomachij, non quod à Nicomacho compositi fuerint: sed quia sunt Nicomachi, id est, Nicomacho non solum inscripti, sed etiam paternia moris affectu donati.

Distributio  
doctrina Eth.  
ad Nicom.

DIST RIBVITVR hoc opus in libros decem: in quorum primo agitur de fine, ad quem actiones humane diriguntur. In secundo de Virtutibus generatim. In tertio de Principiis honestarum actionum: in quo etiam inchoatur explicatio singularum virtutum. In quarto continuatur earundem virtutum tractatio. In quinto differitur de Iustitia. In sexto de Quinque habitibus intellectus. In septimo de Heroica virtute, de Continentia, & Incontinentia. In octauo de Amicitia, eiusque speciebus. In nono quedam ad Amicitiam pertinentia tractantur. In decimo de Contemplatrice beatitudine disputatur.

\* \* \*

DIS



# DISPVATIO

## PRIMA.

### DE BONO.



**Q**UIA Philosophiæ Moralis institutum est hominem ad fœlicitatem perducere, quæ fœlicitas bonum quoddam est, & vltimus humanæ vitæ finis: acturi paulò post de fœlicitate, & iis, quibus ad eam peruenitur, priùs de bono ac fine differemus: sed cursim, ac breuiter. Nam de fine eiùsque multiplicitate, & causandi vi copiosè scripsimus in secundo Physicæ Auscultationis: de bono autem in quarto Metaphysicæ ex professo agendum. Atque vt à boni definitione exordiamur, quærimus.

#### QVÆSTIO I.

Vtrum bonum rectè definiatur id, quod omnia appetunt.

#### ARTICVLVS I.

*Videri non rectè definiri.*

**I**N primo capite libri primi Ethicorum commendauit Aristoteles illam boni definitionem à veteribus, traditam, Bonum est, quod omnia appetunt. Non desunt tamen, qui eam minus probent eo potissimum argumento, quod homo non bona tantùm, sed etiam turpia, malâque expetit. Itaque præferunt illam, cuius auctor fuisse perhibetur Diogenes Stoicus, videlicet, Bonũ est id, quod est naturâ absolutum: quam etiam complectitur Tullius lib. 3. de Finibus. & Simplicius in Epictetum cap. 5. etsi hic paucis mutatis, aiens bonum esse, quod secundum naturam cuiuslibet est, quatenus suam obtinet perfectionem. Plotinus quoque Enn. 6. lib. 7. c. 19. censet bonum definiendum participationem primi boni, quod ex se bonum est.

*Definitio tradita à Diogene.*

*à Plotino.*

ERIT etiam qui aliam querendam esse definitionem hunc in modum probare contendat. Natura boni per id appositè declaratur, quod ad eius rationem maximè pertinet, sed ad rationem boni maximè pertinet se ipsum diffundere, & communicare: igitur bonum debuit definiri id, quod se diffundit, seu quod est diffusivum sui. Minor probatur in primis auctoritate D. Dionysij cap. 4. de Divinis nominib. Deinde, quia videmus quanto aliquid eminentiorem naturæ gradum obtinet, tanto vniuersaliorem habere se communicandi appetitum, suamque bonitatem latius diffundere. Nam imperfecta in peculiare bonum proprii indiudivi dumtaxat perfecta in bonum speciei: perfectiora in bonum generis: Deus autem, cuius est infinite perfecta bonitas, in bonum totius entis fertur. Quare planum videtur nihil ad boni rationem magis spectare, quàm seipsum diffundere.

Dionys.

D. Th. 3. cont.  
Gent. cap. 24.  
Dur. 2. in 2. d.  
34. q. 3.

## ARTICVLVS II.

*Approbatur, enodaturque proposita boni definitio.*



ON est tamen cur illa antiquorum definitio à nobis reiiciatur, quam communi Peripateticæ scholæ consensus amplexa est. Sed ad vberiorem eius intelligentiam sumendum hîc erit, quod alibi sùsus exponemus: videlicet, bonum, qua bonum, ex sua ratione formali (et si alij secus opinentur) significare relationem convenientiæ: quandoquidem bonum est obiectû appetitus, & vnumquodque eatenus appetitur, quatenus cõueniens est, vel cõueniēs putatur. At istiusmodi convenientiã cõsequitur appetibilitas, vti propria affectio, habens se se ad bonum, vt ad colorē visibilitas: sicut enim color visibilitatis fundamentum est: ita bonum appetibilitatis. Quare si bonum ex sua formali ratione spectetur, definiendum erit id, quod cuique conueniens est: si verò expendatur secundum proprietates, quæ ipsum consequuntur, quarum vna est appetibilitas, rectè describetur id, quod ab omnibus est appetibile, seu (nam eodem recidit) quod omnia appetunt. Vnde iam liquet prædictam boni definitionem, aptam, idoneamque esse: licet non à priori, sed à posteriori tradita sit, vt annotauit D. Thomas.

Quia sit ratio  
formalis boni.

Leg. Cap. in  
2. dist. 34. q. 1.  
artic. 3. ad 2.  
contr. 2. concl.  
Ferra. 1. cont.  
Gent. cap. 37.  
Caie. 1. p. q. 5.  
art. 1.

Appetibilitas  
vs se habeat  
ad bonum.

Quid in pro-  
posita defini-  
tione explicetur.

CÆTERVM Eustathius, alique nonnulli credunt eam non competere in bonum vniuersè sumptum, sed in supremum dumtaxat, summumque bonum, quod est Deus. Pro qua sententia facit, quod non omnia quoduis bonum particulare appetunt. Non enim ignis appetit bonam valetudinem, quam animal, nec animal superum locum, quem ignis. Nobis videtur in primis negandum non esse, eam definitionem suo modo accommodari posse summo bono, vt ad eum locum Diuus Thomas obseruat. Nam cùm omnibus rebus ingenerita sit inclinatio ad bonum, om-  
nisque



nisque actio in bonum feratur: & omne bonum sit quædā summi boni participatio: consequens est, ut omnia, saltem virtute, & implicite in summum bonum tendant. Quod docet D. Augustinus decimo de Trinit. capite sexto. Et Boëtius tertio de Consolatione Philosophiæ prosa secunda, tuereturq; D. Thomas in prima secundæ quæst. 1. art. 6. Et eius sectatores variis in locis. Verum quia ratio illa appetendi implicite, & virtute, recondita est ac non ita propria, atque adeo definitioni minus apta, non videtur de illa intelligenda proposita definitio. Ac quod ab Aristotele in eum sensum nequaquam accepta fuerit, ex eo ostendi potest, quia eodem capite, quo definitionem hanc tradit, explicans quam ratione omnia appetant bonum, & quodnam bonū id sit, docet ex finibus, & bonis, quæ appetuntur, alia amabiliora esse, alia minus amabilia. Itaque nomine boni, quod appetitur, non summum bonū duntaxat, sed alia etiā peculiaritè bona designat.

Nec obstat ratio in contrarium adducta: licet enim definitio illa singulis bonis primò non competat, quia non omnia quoduis particulare bonum appetunt: bono tamen in commune proculdubio conuenit. Hoc enim expetunt omnia, cum in singulis bonis, quæ res quæq; optant, includatur. Ac bonis etiam particularibus prædicta definitio secundaria ratione aptari debet: quia & bona particulatim sumpta dici queunt appeti ab omnibus, quatenus vnaquæque res appetit suum bonum, & bonū cuiusq; est id, quod vnumquodque appetit. Quo etiam pacto in primo Physicæ Auscultationis definitio illa principiorū, Principia sunt, quæ nec ex sese, nec ex aliis, sed ex ipsis sunt omnia, principiis particulatim sumptis accommodatur. Dicuntur enim composita naturalia esse, id est, constare aut fieri ex iis principiis ita acceptis, quia licet non omnia è quibuslibet indefinitè sint, vnumquodque tamen est ex suis.

QVOD attinet ad definitionem à Diogene traditam: Bonum est id, quod natura absolutum est: dicendum eam potius esse definitionem perfecti, quàm boni: siquidem id rite perfectum appellamus, quod, quia tale, absolutum est in sua natura, seu, ut alij apertius declarant, cui nihil deest vel simpliciter, vel in suo genere. Itaque bonum & perfectum, & si apud Theologos & Philosophos pro eodem sæpe vsurpentur: differunt tamen inter se, quod bonum, si secundum suam propriam, formalemq; rationem spectetur, significat relationem conuenientis: perfectū verò (intellige ut est quid transcendens, & ut cum ente reciprocatur) importat negationem defectus modo ante explicato.

DENIQVE definitio Plotini, & illa alia, quæ ex D. Dionysio colligitur, ita probandæ sunt, ut ea, de qua agimus, minimè improbetur. Potest enim vna eadēq; res diuersa consideratione alio, & alio modo aptè describi. Illud autem hic obiter aduerte, cum bonum dicitur diffusiuum sui, id sub quadruplici causarū genere

*Omnis appetitio tendit in summum bonum.*  
D. August.  
Boet.  
D. Thom.

*Quo pacto de finitio boni singulis bonis accommodetur.*

*Perfectū quid sit.*

*Quadruplici causa genere bonū dici diffusiuum sui.*

intelligi posse. Sub genere causæ finalis, quatenus motione metaphorica allicit appetitum. Sub genere causæ efficientis, quatenus aliud quidpiam efficit, ut lux lucē. Sub genere causæ formalis, prout sese alteri tribuit ipsum aduando & perficiendo: quo pacto forma se materiæ communicat: ad quem etiam modum pertinet ea communicatio, qua in mysterio incarnationis personarum Filij humanitati assumptæ diuinitus tributa est. Sub genere causæ materialis, prout se alteri dat fouendo, sustinendove illud: quæ causalitas est propria materiæ respectu formæ, & subiecti comparatione accidentium, quæ recipit. Ut igitur aliquid dicatur diffusiuum sui, sat est aliquo horum modorum posse diffundi.

Quod autem obijciebatur, nos aliquando mala appetere, facile dilucitur ab eo, qui dixerit, sæpe nos appetere; quæ re ipsa mala sunt, ut tamen aliquam boni speciem induunt. Vnde Aristoteles lib. 2. Physic. c. 3. text. 31. docet in iis, quæ optamus nihil referre, num ea bona sint, vel bona appareant, & cap. 1. libri 1. Politicorum ait eius, quod videtur bonum esse, gratia, omnes omnia agere, & in lib. de Communi animalium motione, Bonum euidentium, locum boni tenere.

D. Th. in 1. 2.  
q. 8. art. 1. C.  
1. Ethic. leg. 1.  
Ferr. 3. contra  
Gent. c. 19.

### ARTICVLVS III.

*Quo nam appetitu omnia bonum appetant.*



Ure hic quispiam rogarit quonam appetitu omnia appetant bonum. Pro quo sciendum, appetitum aut esse innatum, aut elicitum. Appetitus innatus est propensio ingenita ab auctore naturæ, qua vnumquodque ad id, quod sibi conueniens est, inclinatur. Hic verò appetitus in tria membra diuiditur, in naturalem sensitiuum, & intellectiuum. Appetitus naturalis, est appetitus innatus, quo res absque vlla notitia inclinatur in id, quod sibi conueniens est. Atque hoc modo non solum appetitus quo materia expetit formam, est appetitus naturalis: sed etiam vis intelligendi, quatenus est inclinatio ad intelligibile, imo, & facultas volendi, ut est propensio ad volibile, spectata in se absque vlla operatione. Appetitus sensitiuus est appetitus innatus, quo res fertur in bonum sibi conueniens præeunte notitia sensus. Distribuiturq; in irascibilem & concupiscibilem, de quibus in progressu. Appetitus intellectiuus, est appetitus innatus, quo res appetit bonum sibi conueniens præeunte notitia intellectus: qui appetitus nihil est aliud; quam voluntas. Denique appetitus elicitus, est appetendi actus, quo potentia, præeunte cognitione, fertur in suum obiectum. Huiusmodi sunt amor, spes, desiderium, aliarq; id genus affectiones animæ, quibus in res ab intellectu, aut sensu propositas incitatur.

*Appetitus innatus.*

*Appetitus elicitus.*

*Triples appetitus innatus.*

*Appetitus naturalis.*

*Sensitiuus.*

*Intellectiuus.*

Hinc facile iam erit propositæ dubitationi occurrere, videlicet appetitum, quo omnia bonum appetunt, esse indiscriminatim quemlibet ex iis appetitibus, quos recēsuimus. Vt enim ex ipsorum definitione constar, omnes in bonum feruntur, etsi nec eodem pacto omnes, nec in cūctis rebus omnes insint. Nam ea, quæ cognitione carent, appetitum naturalem duntaxat sortita sunt, bruta naturalem, & sensitium: homines naturalem, sensitium, & intellectuum.

*Responsio ad  
propositā dub.*

ERIT tamen, qui ita obiiciat. Appetitus sensitivus suapte natura est propensus ad malum, ergo non omnis appetitus est inclinatio ad bonum. Probatur antecedens, primum ex illis verbis Geneseos 8. Sensus hominis ab adolescentia sua proni sunt ad malum. Quæ verba potissimum de appetitu sensitivo intelliguntur. Deinde, quia Concilium Tridētinum sess. 5. docet concupiscentiam (quæ est appetitus sensitivus) interdum vocari ab Apostolo peccatum, quia à peccato est, & ad peccatum inclinatur: unde & fomes peccati dici consuevit.

*Obiectio.*

*Genes.*

*Concil. Trid.*

Hic obiectioni occurrendum est appetitum sensitivum dici inclinari ad malum, quia cū feratur in bonum iucundum, ut in proprium obiectum, plerumque accidit, ut quod ei iucundum & delectabile est, rectæ rationi, & legi diuinæ aduersetur. Quo spectat illud D. Paul. ad Gal. 5. Caro concupiscit aduersus spiritum, & spiritus aduersus carnem. At quamvis appetitus in istiusmodi malum, hoc est in id, quod à recta ratione alienum est, tendat, ideoque peccatum & fomes peccati vocetur, ut Concilium Tridentinum explicat, haud propterea ferri desinit in bonum naturæ suæ conueniens: sicq; adhuc ratum manet appetitum esse inclinationem ad bonum, accepta latè boni appellatione, siue id à recta ratione defleat, siue non.

*Quo pacto  
appetitus sen-  
sitivus dica-  
tur inclinari  
ad malum.*

## QVÆSTIO III.

Vtrum omnis appetitio feratur in bonum.

### ARTICVLVS I.

*Quibus argumentis pars negativa ostendi videatur.*

**I**N hac disceptatione ad negantem partem deflexit Gabriel in 2. d. 6. q. 1. Ochamus in 3. d. & q. 13. ad dub. 3. Angelus Moralium cap. 2. aliiq; nonnulli asserentes posse voluntatē appetere malum, quā malum: & repudiare bonum, quā bonum. Aiunt enim bonum bifariam vsurpari: vno modo, prout distribuitur in honestum, vtile, & delectabile: altero, quatenus idem est atq; vo-

*Assertores  
partis negati-  
uæ.*



libile: similiterq; malum vel sumi, vt diuiditur in turpe, inutile, & molestum, vel vt idem est ac nolibile. Tum statuunt voluntatem nihil posse appetere, nisi sub ratione boni posteriori modo: posse tamen velle aliquid, non sub ratione boni secundum priorem sensum: similiterq; nihil posse nolle nisi sub ratione mali secundo modo: posse tamen aliquid nolle non sub ratione mali primo modo.

1. *argum.* PROBANT verò suam sententiam hisce potissimum argumentis. Ita se habet bonum ad appetitum, sicuti verum ad intellectum, sed intellectus potest intelligere falsum sub ratione falsi: ergo & voluntas potest appetere malum sub ratione mali.

2. *argum.* Secundò voluntas est libera. ergo si hac in re experiri libertatem velit, nihil obstat, quo minus arbitrato suo aliquod malū, quā

3. *argum.* malum, optet. Tertio, qui æternis Inferorum suppliciis puniuntur, habent voluntatem ad malum obfirmatam, voluntq; flagitia, propterea quod sciant illa Deo displicere. Quin etiam in hoc vitæ statu, qui alios odere, optant eis mortem, dedecus, aliq; eiusmodi, quia mala sunt. Igitur voluntas appetit malum, quā malum.

## ARTICVLVS II.

*Concluditur pars affirmatiua: deluuntur aduersariorum argumenta.*



SSERENDVM tamen est omnem appetitionem tendere in bonum, vt docet Aristoteles lib. 8. Ethic. c. 1. lib. 1. de Repub. c. 1. lib. 3. de Anima cap. 10. lib. 6. Top. cap. 4. D. Dionysius 4. c. de Diuinis nominibus. D. Thom. in 1. 2. quæst. 8. art. 1. Durandus in 1. dist. 46. q. 2. Marsilius in 2. q. 16. art. 5. Buridanus 3. Ethic. q. 5. & alij. Probaturnq; ex eo, quia bonum est obiectum appetitus: nulla verò potentia fertur nisi in suum obiectum. Secundò, quia quo vnumquodque melius est, eo magis ad sui amorem allicit: id autem planè indicat bonitatem esse, quæ in qualibet re appetitum ad se rapit. Itaque licet obiectum formale voluntatis sit volibile, sicuti obiectum formale visus est visibile: tamen bonum, vt diuiditur in honestum, vtile & iucundum, non minùs latè patet, quàm volibile, siue appetibile. Vnde absolutè pronuntiandum est voluntatem nihil posse velle, quod non aliquam rationem boni, seu veram, seu adumbratam obtineat.

Solut. *arg.* AD primum argumentum eorum, quæ pro contraria parte attulimus, dicendum erit, ita se habere appetitum ad bonum, vt intellectus ad verum: quatenus sicuti intellectus, non assentitur nisi ei, quod ipsi tanquam verū offertur, nec dissensum exhibet, nisi ei, quod ipsi repræsentatur tanquam falsum: ita voluntas non

Similitudo inter intellectum, & appetitum.



non amplectitur nisi id, quod ei tanquam bonum obicitur, nec repudiat nisi id, quod ipsi proponitur sub specie mali.

Ad secundum, concesso antecedente negetur consecutio: non enim ad libertatem voluntatis spectat, ut possit in malum, quia malum est, tendere, alioqui posset vagari extra metas sui obiecti.

QVIA tamen suam experiri libertatem, habet rationem boni iucundi: non negamus posse quempiam velle aliquod malum sub ea notione: sed hoc non est velle malum, quâ malum, sed ut apparet bonum, seu prout ob experientiam libertatis delectabile sit.

Ad tertium respondendum, damnatos velle flagitia, & displicentiam Numinis diuini, sub aliqua tamen adumbratione boni, non quidem honesti, cum omnem honestatis amorem deposuerint, sed ut quidpiam sibi conueniens ad explendam iram, & odium in Deum, a quo puniuntur. Quod similiter dicendum de iis, qui aliis mala optant, nimirum optare illa tanquam media ad capiendam vindictam, aliûmve eiusmodi finem obtinendum, à quo tale obiectum aliquam boni similitudinem mutuatur.

## QVÆSTIO III.

De diuisione boni in commune.

## ARTICVLVS I.

*Varie bonorum diuisiones.*

**Q**VÆNAM res essent in bonis numerandæ, & quæ bona quibus excellerent, magna fuit in scholis Philosophorum concertatio, ut constat ex iis, quæ tradidit Diuus Augustinus lib. 9. de Ciuitate Dei, cap. 4. Cicero in lib. de Finibus, & 1. Academ. quaestionum. Seneca in lib. qui inscribitur, Quod in sapientem non cadat iniuria.

SED omisis nunc eiusmodi controuersiis, aliquot bonorum diuisiones, quæ celebriores sunt, in mediû afferemus. Plato 1. de Plato. Legibus, distribuit bona in diuina & humana. Bona diuina dixit esse prouidentiam, temperantiam, iustitiam, fortitudinem: humana valetudinem, formam, robur, diuitias. Aristoteles 1. Ethic. Aristoteles. cap. 6. bonum diffundit in decem Categorias, substantiam, quantitatem, qualitatem, &c. Idem lib. 1. Magni Moral. cap. 3. & 1. Rhetoricorum ad Theodectem, cap. 5. post Platonem libro 3. de Legibus, docet bonorum alia esse bona animi, ut virtutes: alia corporis, ut vires, sanitatem: alia exteriora, ut diuitias, famam, honorem, dominatum. Quam distributionem tam Peripatetici, quàm Academici veteres celebrarunt.

*D. August.*

D. A V G V S T I N V S libro 2. de Libero arbitrio, capite 19. & in lib. de Cognitione veræ vitæ, cap. 7. quadripartitam inculcat bonorum varietatem secundum quatuor gradus rerum, nimirum existentium, viuentium, sensibilium, & intelligentium. Idem super Psalm. 134. distribuit bonum in bonum, quod per seipsum bonum est, & in bonum, quod ab alio est bonum: hoc est in bonum per suam essentiam, & bonum participatione. Est autem solus Deus bonus per suam essentiam (quomodo Patres interpretantur illud Christi Domini, Lucæ 18. *Nemo bonus, nisi solus Deus.*) Tum quia solus Deus ex sua essentia independentem à quolibet alio bonitatem habet: tum quia omnis diuina perfectio, tam moralis, quàm naturalis, & denique omnis formalis perfectio in Deo existens, ut potentia, sapientia, iustitia, est ipsa diuina essentia. Quod nulli creaturæ conuenit. Nec enim, verbi gratia, virtus, aut sapientia Angeli, vel hominis, ipse Angelus, aut homo sunt.

*Solus Deus  
bonus per  
suam essentiam.*

*D. Dionys. 4.  
c. de diu. nom.*

A L I I ita diuidunt bonum, ut quædam sunt maxima, alia media, alia infima: ut maxima sint virtutes, quibus rectè viuunt: media, animæ facultates, sine quibus, ut nec viuere, ita nec rectè viuere quisquam potest: infima, bona corporis, & fortuita, temporariaque omnia.

## ARTICVLVS II.

*Distributio boni in honestum, utile, & iucundum.*



R A T E R superiores diuisiones alia quoque est, quam afferunt Aristoteles libro 2. Ethic. cap. 3. D. Ambrosius in lib. de Officiis, cap. 9. Tullius 5. Tusculan. quæstio. aliique Auctores communi consensu, nempe in bonum honestum, utile, & iucundum, siue delectabile: cuius partitionis ratio explicatur à D. Thoma 1. part. quæst. 5. art. 6. in hunc ferè modum. Vnumquodque dicitur bonū prout appetibile est, & ut terminat motum, seu quasi motum facultatis appetentis. Motus autem terminatur simpliciter quidem ad vltimum: secundum quid verò ad medium, quo ad vltimum itur: & vltimum quidem, vel se habet ut res, quæ per se appetitur, vel ut quies in re adepta. Necesse ergo est bonum trifariam dici, nimirum id, in quod tendit appetitus, tanquam in rem per se desideratam, vocaturque bonum honestum: & id, ad quod fertur, tanquam ad medium, quo quidpiam assequatur, quod dicitur utile: & id, quod terminat motum, ut quies, siue delectatio, quæ capitur post addeptionem rei, quod nuncupatur bonum iucundum. Fit tamen interdum, ut vna eademque res, diuersa consideratione, honesta sit, utilis, & delectabilis: ut dilectio Dei, quæ in se actio quædam honesta est, & ad beatam vitam consequendam utilis, & cum animi voluptate, delectationeque exercetur.

*Ratio propo-  
sitionis.*

*Possesse eadē  
re triplicis bo-  
ni rationem  
inueniri.*

EST autem prædicta diuisio, vt aduertit loco citato D. Thomas, non vniuoci, sed analogi, quod à suis membris inæquabiliter participatur. Primum enim dicitur de honesto: secundò de delectabili: tertio de utili, quia honestum appetitur propter se, utile propter honestum, delectabile verò possessionem rei comitatur. Lege etiam M. Albertum 1. part. Summæ, tract. 6. q. 26. membr. 1. Caprcolum in 1. di. 3. art. 1. in solut. argum.

## DISPUTATIO SECVNDA. DE FINE.

### QVÆSTIO I.

Vtrum finis & bonum, idem sint.

#### ARTICVLVS I.

*Quæstionis in utramque partem disputatio.*

**P**OST tractationem boni sequitur, vt de fine disputemus. Ac primum negatiua pars controuersie ex eo ostenditur, quia bonum, qua bonum, significat relationem conuenientie: at finis, qua finis, importat relationem causæ finalis. Vnde & bonum definitur id, quod conueniens est: finis verò id, cuius gratia cætera fiunt.

SECUNDò, quia bonitas diuina comparatione actus diuini amoris non habet rationem finis: alioqui diuina bonitas exerce-  
ret causalitatem aliquam erga diuinum actum, sicque in Deo aliquid esset causatum, quod nefas est dicere. Quare aliquid bonum est respectu alicuius, quod respectu illius non est finis.

*Ratio boni,  
& finis.*

E CONTRARIO, quod finis & bonum idem sint potest suaderi; primum, quia id supponitur ab Aristotele lib. 2. Physic. c. 3. tex. 3. 1. & 1. Ethic. 1. Deinde, quia cum bonum sit, quod omnia appetunt, necesse est omne bonum habere vim ad alliciendum appetitum, at quidquid appetitum allicit, vèdicat rationem finis, quia finis causalitas, vt in 2. Physic. Ausculta. lib. ostendimus, consistit in motione illa metaphorica, qua appetitus mouetur.

*Aristot.*

#### ARTICVLVS II.

*Solutio quæstionis, & argumentorum explicatio.*

**A**DVERTENDVM bisariam quæri posse, vtrum bonum, & finis idem sint: nimirum vel formaliter, ita vt ratio formalis vtriusque eadem sit, vel quoad fundamenti reciprocationem; ita, vt nihil sit bonum, quod non etiam rationem finis sortiatur, & contra: deinde hoc posteriori



riotti modo, vel sumi actu, ita vt quidquid est actu bonum, sit actu finis, & è conuerso : vel potestate, vt omne bonum sit finis actu, vel potentia. Rursus vel accipi comparatione creaturarum dumtaxat, vel etiam comparatione Dei. Quibus positis triplici assertionem respondemus. Prima sit. Bonum, & finis formaliter non sunt idem. Hanc probat prima ratio superioris articuli : eandemque in eo sensu astruximus in Physicis loco citato.

1. assertio.

2. assertio.

SECUNDA assertio. Bonum & finis quocumque modo sumantur, non sunt idem quoad fundamenti reciprocationem respectu Dei, si sermo sit de actionibus diuinis internis. Hanc demonstrat secunda ratio eiusdem articuli. Restrinximus autem assertionem ad actiones internas Dei: quia externæ sunt propter finem, quatenus Deus vnum opus propter aliud efficit, vt incarnationem Verbi diuini propter hominum salutem : & omnia propter se, iuxta illud Prouerb. 16. *Vniuersa propter semetipsum operatus est Dominus.*

Externa actiones Dei sunt gratæ finis.

3. assertio.

TERTIA assertio. Bonum actu, & finis actu comparatione creaturarum non idem sunt quoad reciprocationem: sunt tamen aliquo modo idem, si secundum potestatem sumantur. Prior pars huius, ex eo ostenditur, quia licet omne, quod est actu finis rei creatæ, sit actu bonum (siquidem nihil mouet translatiua illa motionem, de qua paulò ante diximus, nisi quod bonum & conueniens est, vt constat ex iis, quæ superius disputata sunt) non tamen quidquid est actu bonum, est etiam actu finis, vt patet tum aliis exemplis, tum in auro, quod ab eius contemptore minimè procuratur, aut appetitur: atque ita respectu illius non habet rationem finis, etsi in se actu bonum quidpiam sit. Posterior pars eiusdem assertionis inde constat: quia quidquid potest reddi bonum, & conueniens respectu alicuius, & si tunc comparatione illius non sit actu bonum & conueniens: potest suapte natura ab eo appeti, habereque rationem finis respectu illius: & è conuerso, quidquid potest ab aliquo expeti, & obtinere rationem finis comparatione alicuius, potest esse eidem bonum & conueniens, vel saltem, vt tale apprehendi.

Nō quidquid est actu bonum respectu alicuius, est actu finis comparatione eiusdem.

Sol. arg. 1. art.

QVARE ad primum superioris articuli argumentum non est cur respondeamus, cum probet primam assertionem: nec ad secundum, cum probet secundam. Ad tertium, quod ad priorem eius partem attinet, dicimus nihil aliud velle Aristotelem locis citatis, quàm finem & bonum esse idem fundamento (intelligere cum ea moderatione, quam supra attulimus) hoc est, vnam eandemque sanitatē, & esse bonum & finem diuersa tamen consideratione. Ad reliquam partem eiusdem argumēti respondendum est, etsi quodlibet bonum ad aliquem appetitum alliciendum vim habeat, cum necessariò sit conueniens alicui: non tamen oportere, sicuti monuimus, quodlibet bonum actu exercere eam affectionem, in qua actualis causalitas finis consistit.



## QVÆSTIO II.

Vtrum omni, ac soli naturæ intellectuali conueniat  
agere propter finem.

## ARTICVLVS I.

*Argumenta partis negatiuæ.*

**I**N primis quod nō omni naturæ intellectuali com-<sup>1. arg.</sup>  
petat agere propter finem, videtur faciliè concludi  
posse. Primū quia homines multa agunt citra de-  
lectum, quæ proinde non faciunt gratia finis alicuius.<sup>2.</sup> Secundò, quia cognitio intuitiua diuinæ essen-  
tiæ non est propter finem, cū sit ipse vltimus finis creature in-  
tellectualis, vt docet D. Augustinus 11. de Trinit. cap. 6. aiens vo-  
luntatem videndi Deum habere pro fine ipsam visionem. Ter-<sup>3.</sup>  
tiò, quia si omnis humana operatio esset propter finem, nulla  
esset actio humana otiosa: siquidem otiosum est id, quod sine ca-  
ret: cū ramen & verba & opera otiosa multa esse negari non  
possit.

DEINDE quodd non sola intellectualis natura agat propter<sup>4.</sup>  
finem, ostenditur, quia Aristoteles lib. 2. Physic. communi phi-<sup>Aristot.</sup>  
losophorum assensu docet multisque argumentis confirmat, to-  
tam naturam corpoream gratia finis operari.

## ARTICVLVS II.

*Enodatio controuersie.*

**S**IMPLICI conclusione hæc quæstio explicanda est. Pri-<sup>Prima con-</sup>  
ma sit. Si agere propter finem absolutè sumatur, omnia  
agentia, agunt propter finem. Probat. Quia omnia  
agentia, dum operantur, intendunt aliquod bonum, ad quod vel  
se ipsa dirigunt, vel ab auctore naturæ diriguntur: operari au-  
tem hoc modo est propter finem operari. Secundò, quia cū  
multæ causæ sunt inter se essentialiter subordinatæ, sublata cau-  
salitate primæ, necesse est aliarum etiam causalitates tolli: finis  
verò est omnium causarum prima, cui aliæ causæ essentialiter  
subordinantur, vt constat ex iis, quæ in 2. physic. lib. disserui-  
mus. Quare nisi finis moueat, nulla erit efficientis causæ mo-  
tio, aut operatio. Vnde sequitur omnes agentium actiones esse  
propter finem.

SECUNDA conclusio. Agere propter finem dirigendo sese<sup>2. concl.</sup>  
ad illum, proprium est intellectualis naturæ. Hæc ex eo patet,  
In lib. Ethic. Arist. C quia

quia se ipsum dirigere est eius naturæ, quæ delectu, & arbitrati suo agit, quod iis omnibus, ac solis conuenit, quæ intelligendi, & appetendi vi prædita sunt. Vnde cæteræ res dicuntur tendere in finem ab alio directæ, siue ferantur in ipsum aliqua notitia præeunte, vt belluæ: siue nulla, vt arbores & elementa. Tendunt autem hæc in finem impulsæ à motore primo, id est, à Deo, eo modo quo sagitta fertur in scopum à iaculatore directæ. Vt enim sagitta ad scopum attingendum, imperum recipit ab eo, à quo mittitur: ita agentia naturalia consequuntur propensionem ad suos fines à Deo, à quo formas & virtutem ad proprios motus obeundos sortiuntur. Vnde opus naturæ, dicitur opus intelligentiæ. Significatur autem prædicta inclinatio in diuinis litteris nomine ponderis, cum dicitur Sap. 11. Deum disposuisse *omnia in pondere*, vt explicat D. Augustinus lib. 4. in Genes. cap. 3. Quo spectat illud eiusdem Augustini 13. Confes. cap. 9. *Amor meus, pondus meum, illo seror quocunque feror.*

*1. res cognitione carentes in finem tendant.*

*Opus naturæ, opus intelligentiæ.*

*Sol. 1. arg.*

Ad primum verò argumentum eorum, quibus ostendi videbatur naturæ intellectiue non competere propter finem agere, dicendum in primis id non ita conuenire tali naturæ, quasi illa sese dirigat ad omnes suas operationes, cum planum sit multos actus tam internos, quam externos citra omnem deliberationem à nobis exerceri: est ergo id intelligendum de actibus deliberatis. Verum etiam ij, qui liberi non sunt aliquod bonum, & finem spectant: licet non soleant appellari actus humani, quod non sint in hominis potestate, nec ab eo liberè administrarentur.

*Sol. 2.*

Ad secundum, duplicem esse finem, nempe obiectiuum & formalem. Obiectiuus est res, quæ possidetur, formalis est actio, qua possidetur. Ad argumentum igitur id est, in cognitionem intuitiuam diuinæ naturæ, siue beatificam visionem esse finem formalem: Deum verò, circa quem versatur, esse finem obiectiuum. Nihil autem ob stare quo minus eadem actio dicatur finis formalis, & tamen sit propter finem obiectiuum, quatenus per eam finis obiectiuus immediatè attingitur. Quo modo se habet beatifica visio.

*Sol. 3.*

Ad tertium, non dici verba, aut opera otiosa, quod nullum omnino finem spectent, sed quod careant fine conuenienti, qui eis proximè apponi deberet. Ad aliud quid respondendum sit, patet ex dictis.

## QVÆSTIO III.

Sit ne aliquis vltimus finis humanarum  
actionum, an non.

## ARTICVLVS I.

## Diffolutio quæstionis.



**I**N hac controuersia, sit prima conclusio. In quolibet genere humanarum actionum dandus est aliquis finis vltimus. Hæc traditur ab Aristotele 1. Post. c. 3. & lib. 7. Physic. 3. & lib. 8. c. 5. & lib. 2. Metaph. c. 2. & 1. Ethic. c. 7. Probaturq; ex eo, quia sicut in mouentibus per se ordinatis, quorum scilicet vnum pendet ab alio in causando, non potest dari progressus in infinitum, sed necessariò deueniendum. est ad aliquod primum, alioqui non esset motus: ita in finibus consistendum est in aliquo vltimo, quod sit primum mouens finaliter, in quo appetitus conuiescat: aliter nulla esset appetitio.

*Prima conclusio.*

Hinc colligit D. Thomas in 1. 2. q. 1. art. 4. necessariò quoque dandum esse aliquod medium primum. Nam sicut intèrio debet figi in aliquo fine vltimo, à quo voluntas incipiat moueri: ita dandum est aliquod medium primum, vnde incipiat executio, alioqui nunquam incipiet: v. g. aduocat medicum ægrotus, vt venam tenter, & potionem præscribat, potionē ab eo præscriptam accipit, vt corpus extenuet: corpus extenuat, vt sanitatem consequatur. Vt igitur in hoc progressu appetitio ægroti terminatur in sanitatem, & à vocatione medici executionem orditur, atque iis demptis, nihil ægrotus circa sanitatem comparandam moliretur: ita in cæteris quoque appetitionibus idem eueniet.

*Necessario datur primum medium.*

**SECUNDA** conclusio sit. Omnis appetitio tendit in vltimum finem, & in summum bonum. Hæc asseritur ab Aristot. 1. Ethic. c. 7. vbi ait omnia, quæ à nobis expetuntur, ob felicitatem expeti, est etiam D. Augustini 10. de Trinit. cap. 6. & lib. 13. eiusdem operis cap. 5. & Boetij 3. de Consolatione philosophi. profa 2. D. Thomæ cum Magistro Sent. in 4. d. 49. q. 1. ar. 5. quæstiuncula 1. & 3. contra gentes à cap. 7. Suadetur autē ex eo, quia quidquid appetitur, non nisi sub ratione boni alicuius appetitur: vel ergo eiusmodi bonum est omnino perfectum, atque ita est vltimus finis: vel non est perfectum omnino, sicq; appetitur in ordine ad perfectum: (semper enim inchoatio alicuius ad perfectionem ipsius ordinatur) patet autem imperfectum tam in naturalibus, quam in artefactis esse inchoationem perfecti. Quo circa D. Augustinus 13. de Trinit. c. 3. cum dixisset omnes homines velle esse beatos, & nolle esse miseros, subdidit, quicquid aliud quisquam latenter velit, ab hac voluntate, quæ omnibus satis nota est, non recedit.

*2. conclusio.*

*D. Aug.*

*Magister.*

*D. Aug.*

SECUNDO, confirmatur eadem conclusio, quia ita se habet ultimus finis in mouendo appetitum, sicuti in aliis motibus primum mouens. Vt ergo causæ secundæ non mouent, aut quicquam agunt, nisi concurrente ac mouente prima, ita creata & secundaria appetibilia non mouebunt, nisi mouente sine ultimo.

## ARTICVLVS II.

*Obiecta, eorumq; solutio.*

*Obiect. 1.*



*Arist.*

*Solen.*

VNT tamen contra superiores conclusiones argumenta. Contra primā hæc. Non repugnat dari progressum infinitum in finibus: ergo non necesse est dari aliquem finem ultimum. Antecedens probatur, quia auarus, qui finem statuit in diuitiis, nunquam iis satiatur: sed alias, atque alias in infinitum desiderat iuxta illud Solonis apud Aristotelem 1. Polit. cap. 5. Finis opum positus non est mortalibus ullus. Igitur non datur in rebus appetendis terminus, in quo appetitus consistat. Præterea in numeris datur subordinatio essentialis, cum in iis inueniatur per se ordo prioris & posterioris. Nam ternarius sequitur per se binarium & ternariū quaternarius, sicq; in infinitū: ergo non repugnat in finibus etiam subordinatis, infinitudinem reperiri.

*Obiect. 2.*

DEINDE contra secundam conclusionem hunc in modum obicitur. Multi, dū agunt, nihil de summo bono cogitant: multi etiam beatitudinem constituerunt in diuitiis, & voluptatibus, & ad hunc finem suas collimarunt actiones: igitur non quicquid ab his appetitur, propter summum bonum appetitur.

*Dilut. 1.*

*Obiectio.*

AD primum horum, concedendum est, quod eo probatur, videlicet vt in causis efficientibus, ita & in finibus non essentialiter subordinatis, id est, quæ ita se habent, vt actualis motio vnius ab actuali motione alterius non dependeat, haud incommodum esse dari progressum infinitum. Ex quo tamen non sequitur illam appetitionum infinitatem non tendere in summum bonum, quatenus bona particularia, in quæ fertur, sunt participationes summi boni. Item ad id, quod de numeris obiciebatur, dicimus numeros non crescere in infinitum, nisi procedendo à minoribus ad maiores: at minores non pendere à maioribus, sed contra, non enim binarius à ternario, sed ternarius à binario dependet. Quo fit, vt in numerorum dependentia non detur progressus infinitus.

*Dilut. 2.*

AD aliud, quo secunda conclusio oppugnabatur, respondendum, quod iam ex dictis patet videlicet, vt quis in summum bonum tendat, non opus esse de eo cogitare, vel ad ipsum actiones suas actu explicite dirigere: sed sat esse appetere aliquid bonum, vel quod boni speciem habeat, cum id omne necessariò summum bonum aliquo modo participet.



## DISPV TATIO TERTIA.

## DE FOELICITATE.

## QVÆSTIO I.

Vtrum fœlicitas consistat in bonis externis.

## ARTICVLVS I.

*Quæ argumenta ostendere videantur in iis consistere.*

Boët. lib. 2. de  
 Consola. Phil.  
 D. Tho. 1. 2. q.  
 2. & li. 3. cont.  
 Gent. à ca. 25.  
 Tullius in lib.  
 de Fin. & in  
 quæst. Tuscul.  
 Sene. in lib. de  
 Vita beat.

**I**N hac disceptatione sciendum in primis beatitudinem nihil aliud esse, quàm summum hominis bonum. Quod à Boëtio 3. de Consolatione, Prof. 2. definitur, status omnium bonorum aggregatione perfectus : & à Tullio 3. Tusculan. quæst. secretis malis omnibus cumulata bonorum cōplexio. De nulla autem re apud Philosophos tanta dogmatum varietate certatum fuit, vt de hominis fœlicitate : de qua Aristoteles 1. & 10. Ethicor. Lactantius lib. 3. Diuin. institut. Diuus Ambrosius lib. 2. de Officiis. Clemens 2. Strom. Eusebius lib. 11. de Præparatione Euang. cap. 20. Diuus Augustinus 13. de Trinit. cap. 4. & 19. de Ciuit. Dei, cap. 1. vbi ait M. Varronem collegisse 288. sententias, quæ esse poterant, Philosophorum de Beatitudine.

*Quid sit beatitudo.*

*Mira opinio-  
 nū discrepan-  
 tia circa bea-  
 titudinem.*

**Q**UONIAM inter omnes constat fœlicitatem hominis, bonum esse, disquirendum occurrit in quonam bono ea consistat. Cùm verò bonorum, vt superius diximus, tria sint genera, bona externa, bona corporis, bona animi, hæc tria ad controuersiam diiudicandam breuiter percurremus. Sunt autem externa bona potissimum ditiæ, potestas, honor, gloria; ex quibus posteriora duo eo inter se differunt, quòd honor sit reuerentia, quæ alicui exhibetur in testimonium virtutis, aut alterius excellentiæ, quæ in illo est : gloria verò, vt Diuus Augustin. lib. 83. q. q. 3. 1. ait: *Est clara cum laude notitia* : vel, vt definit Tullius in lib. de Inuent. *Est frequens de aliquo fama cum laude*. In primis ergo, quòd fœlicitas, hoc est summum hominis bonum, sit in opibus & diuitiarum affluentia, videtur posse ostendi. Nam fœlicitas est status omnium bonorum aggregatione perfectus, qui status diuitiis maxime obtinetur : siquidem, vt 5. Ethicor. cap. 5. Aristoteles docet, omnia pecuniis possidentur, & vt dicitur Ecclesiastæ 10. *Pecunia obediunt omnia*.

*Honor quid.  
 Gloria quid.*

*1. argum.*

**S**ECVNDÒ, quòd sit in potestate, & dominatu suadet. Nam fœlicitas in eo cōsistit, quo homines ad Dei similitudinem

*2. argum.*

propius accedunt, quod certè interuentu potestatis, ac regiminis assequuntur, vnde ij, qui aliis præfunt, in diuinis litteris *Dij vocantur*, Exod. 13. *Diis non detrahes.*

3. *argum.* TERTIÒ, quod in gloria, siue in honore sita sit, ostenditur.

*Pro Archia.*

Nam in eo esse videtur, quod ab hominibus ardentius expetitur: eiusmodi verò est gloria, siue honor, vt testatur Cicero: *Trahimur*, inquit, *omnes laudis studio, & optimus quisque maximè gloria ducitur.* Est etiam eiusdem rei argumentum, quod nullius boni iacturam, tam iniquo animo patiuntur homines, quàm honoris, & gloriæ.

## ARTICVLVS II.

*Negatiuam partem quæstionis veram esse.*

1. *conclus.*



RO quadripartita illa varietate externorum bonorū, quatuor conclusiones statuemus. Prima sit. *Fœlicitas non consistit in diuitiis.* Probatur primū, quia summum hominis bonum non subiaceret fortunæ: siquidem bona fortuita, cuiusmodi sunt diuitiæ, absque studio rationis obueniunt: summum verò hominis bonum par est, vt non nisi per rationem, quæ in homine potiorem locum obtinet, adipiscatur. Item, quia, vt docet Aristoteles 1. Politic. cap. 6. diuitiarum duo sunt genera, quædam naturales, quæ videlicet à natura nobis ad vsum tribuuntur, vt plantæ, iumenta, prædia: quædam artificiales, vt pecunia, quam ars humana ob facilitatem ad permutationes faciendas inuenit: est enim nummus aliorum bonorum fortunæ, tanquam communis mensura. Quod verò in nullo horum fœlicitas sit posita, ostenditur: quia diuitiæ naturales non comparantur sui gratia, sed ad sustentandam vitam, atque ita non sunt vltimus finis: multò minus autem artificiales, quæ propter naturales quærentur. Tertiò id, in quo distribuendo maius est bonum, quàm in possidendo non potest esse summum bonum: siquidem hoc tale esse oportet, vt possessorem beatum reddat: atqui maius bonum est in distribuendis, quàm in possidentis diuitiis: ergo, &c.

*Aristot.*

2. *conclus.*

SECUNDA conclusio. *Fœlicitas non consistit in potentia.* Probatur, quia potentia humana instabilis est, nec hominis voluntati subiaceret: & tam bonis, quàm malis obuenit. Præterea potest quiuis ea in vtramque partem bonè & malè vri. Item potentiam, & imperium comitatur odium, & timor. Quò pertinet vulgatum illud: *Neceesse est multos timeat, quem multi timent.* & illud Senecæ: *Simul ista posuit conditor mundi Deus odium & regnum.* Cum ergo oporteat fœlicitatem ab hisce malis, & in commodis liberam, & ex omni parte innoxiam esse, patet non debere illam in potentia, & dominatu collocari.

TER

De honore  
Plato 5. de Le-  
gib. Aristot. 1.  
Ethic. 12. &  
1. Rhet. c. 1.

**TERTIA** conclusio. Felicitas non consistit in honore Pro-  
batur, quia, ut disputat Aristoteles 1. Ethic. cap. 5. beatitudo debet  
esse in beato: honor verò est in eo, qui honorem exhibet, non cui  
exhibetur. Item, quia honor impenditur ob aliquam excellen-  
tiam, estque illius quasi testimonium: hominis autem excellen-  
tia, & dignitas in ipsa eius beatitudine maximè continetur. Quo  
fit, ut possit quidem honos beatitudinem consequi, non tamen  
ipsam beatitudinis rationem in se formaliter includere.

3. conclus.

**QUARTA** conclusio. Felicitas non consistit in gloria, seu  
fama. Probat. Nam felicitas est solidum, verumque bonum:  
sæpè autem contingit gloriam, & famam fucam esse, ac falsis  
populi rumoribus collectam: cum sæpè homines decipiantur,  
& arbitrato suo quæ volunt in utramque partem de aliis prædi-  
cent. Item, quia gloria reddit homines elatos, & insolentes, quò  
pertinet illud Senecæ: *Qui vixit notus omnibus, moritur ignotus sibi.*

4. conclus.

## ARTICVLVS III.

*Solutio argumentorum primi articuli.*



**ARGVMENTA** primi articuli hunc in modum soluenda sunt. Ad primum dicendum omnia pecunia possideri, eidemque obedire: omnia inquam non simpliciter, ut planum est: sed omnia venalia, quatenus ea omnia pecunia comparantur: tum etiam quia plerique diuitibus obtemperant, & ad eorum se nutus effingunt.

Dilut.

**AD** secundum respondendum, etsi dominatu fiant homines, admodum similes Deo: aliud tamen esse, quo ad Dei similitudinem propius, & excellentiori modo accedant, nimirum eam contemplationem, in qua, ut progressu dicemus, hominis felicitas consistit.

Dilut. 2.

**AD** tertium vehementius esse contemplationis desiderium, in qua sita est felicitas, quàm honoris cupiditatem. Nec obstare quòd multi tam grauitè ferant honoris iacturam, ut eam etiam aliorum bonorum, quæ ad animum pertinent amissione pluri faciãt: id enim ex deprauato affectu, & ambitionis studio prouenit.

Dilut. 3.

## QVÆSTIO II.

Vtrum felicitas consistat in bonis corporis.

## ARTICVLVS I.

*Argumenta pro parte affirmatiua.*



**ONA** corporis potissimum sunt voluptates sensuum, valetudo, pulchritudo, robur. Quod in his felicitas sit collocata, hæc argumenta videntur ostendere: Felicitas est in eo, quod propter seipsum expetitur: sed

1. argum.

ita

*Aristot.* ita se habet voluptas, ut testatur Aristoteles 10. Ethic. cap. 2. aliens ridiculum esse ab aliquo querere, cur delectari velit. Igitur felicitas est in voluptate. Corroboraturque argumentum: quia, ut summa miseria in doloribus: ita summa beatitudo in dolorum vacuitate, & delectatione videtur ponenda.

2. *argum.* SECUNDO, id quod ipsum esse, & vitam hominis conseruat, est summum hominis bonum: atque valetudo conseruat ipsum esse, & vitam hominis, ut patet: ergo valetudo est summum hominis bonum. Accedit quod valetudo vitam maximè iucundam reddit: ac sine illa nec sensuum functiones, nec ipsa contemplatio suavis est. Ideoque scitè dictum est à D. Augustino in lib. de Bono coniugali, cap. 23. Melius esse habere Zachari staturam, etsi contractam, & breuem cum sanitate, quàm Goliath, cum febris: &

*D. Aug.* à Platone in Gorgia, optimum esse valere, secundò formosum esse, tertio diuitias possidere nulla fraude quasitas.

3. *argum.* ITEM, quod beatitudo collocanda sit in pulchritudine ostenditur, quia pulchritudo, quæ definitur apta membrorum compositio cum coloris suauitate, videtur præcipuum hominis ornamentum: aded, ut præstans forma communibus suffragiis imperio digna iudicetur, & oris venustas ipsam virtutem grauiorem, amabilioremque reddat, uti Latinus Poëta significauit illo carmine:

*Euripides.*

*Virg. 5. Aen.*

*Gratior & pulchro veniens in corpore virtus.*

## ARTICVLVS II.

*Astruitur pars negativa.*

1. *argum.* **P**ROPOSITÆ quæstioni hæc conclusio satisfacit. Felicitas non consistit in bonis corporis. Huiusce conclusionis veritatem hæc argumenta satis ostendunt. Primum. Esse hominis continetur animo & corpore: & esse corporis pendet ab animo, atque ipsum corpus propter animū est, sicuti materia propter formam, & instrumēta propter motorem: igitur omnia bona corporis ad animi bona tanquam finem conseruntur: atque aded fieri nequit, ut beatitudo, quæ est vltimus finis, proindeque ad nihil aliud referri debet, in bonis corporis posita sit.

2. *argum.* SECUNDVM. Summum hominis bonum non potest esse homini, & belluis commune: sed ita se habent bona corporis. Non igitur in iis consistit humana felicitas. *Lege Plin. lib. 10. c. 69.*

3. *argum.* TERTIVM. Multa animantia rationis expertia corporis bonis homini excellunt: quædam enim diuturniora sunt, alia robustiora, alia velociora: igitur si felicitas constituta esset in bonis corporis non præstaret homo, dignitate finis, cæteris animantibus.

QVAT



QVARTVM. Summa felicitas excludit omne turpitudinis dedecus, & miseriam: alioqui idem simul esset miser & beatus: at bona corporis possunt inueniri simul cum vitiorum turpitudine & infamia: ergo felicitas non est in iis bonis constituta.

## ARTICVLVS III.

*Prinatum, quod felicitas non sit in voluptate.*

Lege Laet. lib.  
3. c. 7. Seneca  
libro de Vita  
beata. Laet-  
tium lib. 10.  
de vit. Castru  
7. Beat. bar.  
2. M. Alber-  
tum 1. Ethic.  
et Laet. 5. c. 7.



IRCA voluptatem peculiariter aduertendum varia de illa extitisse philosophantium dogmata. Nam quidam eam malum esse dixerunt: alij neque bonū, neque malum: alij bonum, & ex iis nonnulli in ea felicitatem posuere: alij quidem in voluptate animi, quæ ex contemplatione rerum & actione virtutum oritur: alij in vtraque voluptate, animi videlicet & corporis, & in indolentia, siue dolorum & molestiarum vacuitate: atque ita sensisse Epicurum affirmat Torquatus apud Ciceronem 2. de Finibus, & Seneca in lib. de Vita beata. Hic autem error quatenus sumit voluptatem pro ea quæ ad corpus pertinet, quo modo præsentem attingit disputationem, refellitur tum iis omnibus rationibus quibus ostensum fuit felicitatem non esse in bonis corporis constitutam: tum speciatim argumento illo, quod affert Aristoteles 7. Ethic. c. 11. nimirum quia voluptates corporis impediunt prudentiam, & quod vehementiores sunt, eò densiorem menti caliginem ostundunt, & rationis, ac iudicii arcem occupant, animūq; illecebris in seruitutem pertrahunt, & ita diiiciunt, vt nihil magnum, aut excellens molitur: Vnde illud Senecæ in lib. de Vita beata cap. 7. voluptatē sæpius inuenias latitantem ad tenebras, captiuatam circa balnea, & sudatoria mollem, eneruatā mero atq; vnguento madentem, pallidam obfuscata, in medicamentis inuolutam.

DEINDE confirmatur idem institutum, quia summi boni adeptio debet esse stabilis, & eiusmodi, vt eam non consequatur tristitia: at multò secus habent voluptates corporis, quæ, vt ait Philo Iudæus in libro de Gigant. canum more primū ad blandiuntur, tunc repente mutatæ morsum insigunt insanabilem, quod Boetius lib. 3. de Consolat. metro 7. ita cecinit.

*Habet hoc voluptus omnis  
Stimulis agit furentes,  
Apiumq; par volantum  
Vbi grata mella fudit,  
Fugit & nimis tenaci  
Ferit ista corda morsu.*

Lege D. Augustinum lib. 5. de Ciuit. Dei cap. 20. vbi affert tabulam quandam, quam philosophi nonnulli ad ingereundum pudorem iis, qui corporis voluptatibus virtutes metiebantur, pingebant, in qua voluptas in sella regali quasi delicata quædam re-

In lib. Ethic. Arist.

D

gina

Opinione Philo-  
sophorum de  
voluptate.

Tullius.  
Seneca.

Arist.

Philo.

Boet.

D. August.

gina consideret, eiq; virtutes famulæ subicerentur obseruantes eius nutum, vt facerent quod illa imperaret. Cuius etiam tabulæ meminit Tullius 2. de Finib.

## ARTICVLVS IV.

*Respondetur argumentis in contrariam partem adductis.*

Sol. 1. arg.



RGVMENTA initio proposita hunc in modum explicanda sunt. Ad primum dicendum summum bonum expecti propter se, voluptates autem, saltem ex intentione primaria, auctoris nature datas esse gratia operationum, vt agentia suauius ac promptius munia sua obeant; quemadmodum sal non propter se, sed ad condiendos cibos adhibetur. Itaque voluptates si ordinatæ & ex primarij illius instituti regula appetantur, non propter se, sed propter actiones quærentur. Aristoteles autem loco illo decimi Ethicorum delectationem & operationem, ex qua delectatio percipitur, non tanquam duo, sed tanquam vnum quid accepit: quasi diceret ridiculū esse quærere, cur quis operando delectari, & delectando operari velit: præsertim cum notum sit appetitum voluptatibus magnopere allici & deliniri. Ad confirmationem eiusdem argumenti dicimus summam miseriam non esse positam in doloribus, sed in opposito, seu priuatione eius boni, in quo summa felicitas est: de quo postea.

Sol. 1.

AD secundum negandum est antecedens, & ad reliquam argumenti partem dicendum tantummodo concludere valetudinem ad naturalem huius vitæ beatitudinem & iucunditatem requiri, eandemq; ex sententia Platonis inter bona corporis principem locum habere, non tamen in ea felicitatem consistere. Ad tertium, pulchritudinem præcipuum esse ornamentū non totius hominis, sed corporis, ac tamen si virtutem ipsam decoret, non ideo homini maiorem decoris excellentiam, quàm ipsius virtutis actum, contemplationemq; conciliare.

Sol. 3.

## QVÆSTIO III.

Vtrum beatitudo consistat in animi operatione.

## ARTICVLVS I.

*Astruitur pars affirmatiua.*



VM oporteat felicitatem in eo, qui felix dicitur, insidere, & ex superiore disceptatione constet felicitatem non esse in bonis corporis, consequens est vt in bonis animi sita sit. Rursus cum animi bona, si generatim loquamur, sint potentia, habitus, & operationes: dno verò priora ad operationem ordinentur, felicitas autem propter se expectatur: vti que asserendum erit felicitatem in animi operatione consistere.

Arist.

Quod docet etiam Aristoteles 1. lib. Ethicorum cap. 7. & lib. 10. cap.

Lege D. Tho.  
3. contra Gē.  
c. 26. & in 1.  
2. q. 4. art. 2.  
Fer. & Cate.  
Ibidem loc.

Animi bona.

cap. 6. & lib. 2. Polit. cap. 3. & lib. 2. Magnor. Mor. cap. 10. potestq; inde confirmari, quia beatitudo est vltima hominis perfectio; vnumquodque autem tunc perfectum est, cum in actu existit: vltimus verò actus in iis, quæ operationem vendicant, est ipsa operatio.

OBIICIAT tamen aliquis Beatitudo definitur à Boetio status omnium bonorum aggregatione perfectus: igitur beatitudo non consistit in operatione, sed potius in statu, & quasi habitu. Secundò, si beatitudo in operatione consisteret, nemo, nisi cum actu talem edit operationem, esset felix appellandus: hoc autem absurdum est, cum ex eo sequatur eundem hominem breui tempore nunc beatum esse, nunc infelicem: ergo &c. Tertio, Habitus est perfectior actu: igitur beatitudo in habitu, non in actu, siue operatione collocari debet. Antecedens probatur, quia habitus est tum principium actuum, tum finis sui actus, cum ab habitu eliciatur actus, ideoque hunc frequentemus, ut illum perficiamus. Item quia stabiliora perfectioris conditionis sunt, ut docet Aristoteles 3. Ethic. cap. 1. habitus vero ex suo genere stabiliores sunt, cum hi permaneant, illi confestim evanescent.

AD primum horum respondendum ex D. Thoma in 1. 2. 2. art. 2. Cum beatitudo definitur status, solum iudicari beatum esse in statu boni perfecti. Itaque propositio illa, Beatitudo est status, non est essentialis, formalisve, sed causalis, ut ibidem annotavit Caietanus, quasi dictum sit beatitudinem esse causam status perfecti. Ad secundum, ut quis felix vocetur, sat esse versari in actione, uti ratio præscribit, & vitæ huius conditio, atq; humana imbecillitas fert. Quod attinet ad tertium argumentum, quo petitur habitus ne, an actus perfectior sit, asserendum actum simpliciter perfectiorem esse habitu. Primum, quia vnumquodque ut minus dependet, ita excellentioris naturæ est, at minus dependet actus ab habitu, quam contra: Siquidem habitus naturalis, de quo loquimur, non nisi per actum gignitur, cum tamen actus absque habitu elici possit. Secundò, quia præstantius est id, cuius gratia aliud est, ut docet Aristoteles 2. Physic. cap. 3. text. 3. 1. & 1. Magorum Moral. cap. 1. habitus autè propter actum est, tanquam propter quidpiam optimum, vnde Aristoteles 7. Physicor. cap. 3. text. 17. definit virtutem dispositionem perfecti ad optimum, hoc est, ut ibidem D. Thomas interpretatur, qualitatem qua subiectum aptè perficitur ad exercendum actum, qui comparatione habitus virtutis optimum quidpiam est. Quare non videtur negandum actum absolute præitare habitu, saltem in naturalibus. Quid verò de supernaturalibus indicandum sit, quod à quibusdam in utramque partem disputari solet, non est huius loci constituere.

IIS autem, quæ contra nostram assertionem de naturali actu obiecta sunt, facile respondebit qui dixerit, etsi habitus sit

Obiect. 1.

Dilut. 1.  
Obiectio.

Dilut. 2.

Dilut. 3.

Actus perfectior habitu.

Aristot.



principium actus, & causa æquiuoca illius, non proinde nobiliorem esse, cum non sit causa æquiuoca principalis, sed instrumentaria. Item licet operemur, vt habitus perficiamus, tamen cum ipsa habitus perfectio sit gratia operationis, vt videlicet promptius & suauius operari possimus, ratum manere finem habitus, esse operationem.

Ad secundum dico cum Richardo in 4. d. 49. in 1. princip. q. 4. pronuntiatum Aristotelis intelligendum cæteris paribus, quod in re proposita non euenit, vt ex dictis constat, cum operatio aliunde maiorem habeat perfectionem.

## ARTICVLVS II.

*In qua nam operatione felicitas posita sit.*

*Multiplex di-  
uisio felicitatis.*



T autem doceamus in qua nam operatione beatitudo consistat animaduertendum est beatitudinem duplicem esse, supernaturalem & naturalem: rursus utramlibet harum bipartito diuidi, nimirum supernaturalem in eam, quæ ad hanc mortalem vitam, & in eam, quæ ad aliam vitam pertinet: item naturalem in speculatiuam & practicam.

*Beatitudo super-  
naturalis  
alterius vite.*

**S**UPER NATURALIS beatitudo, quæ in alia vita obtinetur, consistit in intuitiua diuinæ naturæ contemplatione, vt sentit D. Tho. 3. contra gent. cap. 25. & 26. & Quodlib. 8. art. 19. eiusq; sectatores variis in locis, & alij contra Scotum in 4. d. 49. q. 4. & 5. Henricum Gandauensem in summa art. 49. q. 6. Egidium quodlib. 3. q. 19. aliosq; non paucos asserentes prædictam beatitudinem suam esse in actu amandi Deum clarè visum: item contra D. Bonauenturam in d. q. 49. 1. p. distinct. q. 5. M. Albertum dist. 48. art. 4. Alensem 3. p. q. 23. memb. 1. & 4. p. q. 92. m. 2. art. 4. & alios, qui eam collocant in utroque actu simul, intellectus & voluntatis, hoc est in intuitiua contemplatione diuinæ naturæ, & in amore seu fruitione eiusdem.

*Ad Corint.*

**S**ENTENTIA D. Thomæ, quam eius assertores multis argumentis confirmant, breuiter hoc modo ostendi potest. Beatitudo formalis nihil est aliud, quàm adeptio & possessio finis ultimi: atqui sola clara Dei visio hoc sibi vendicat: ergo ea sola est beatitudo. Maior in confesso est apud omnes, colligiturq; ex illis verbis primæ ad Corinthios 9. Sic currite, vt comprehendatis, & primæ ad Timoth. 6. Apprehende vitam æternam: Minor probatur, quia voluntas non est potentia apprehendens, sed appetens, & eius actus non est apprehensio, sed inclinatio, qua trahitur ad rem amatam, iuxta illud Diui Augustini libro decimotertio confessionum capite nono: Amor meus pondus meum: intellectus autem est potentia apprehensiuus, quæ ex suo peculiari modo operandi trahit ad se obiectum, sibi que præsens & vnitum possidet, ergo &c. Item summa beatitudo consistit

*D. August.*



consistit in operatione omnium perfectissima, sed intuitiva contemplatio diuinæ essentia est huiusmodi: igitur in ea summa beatitudo consistit. Probatur assumptio, primum quia potentia, à qua elicitur, nempe intellectus, est omnium nobilissima, ut docet Aristoteles 10. Ethic. cap. 7. & 8. quod ex eo quoque suadetur, quia obiectum intellectus est simplicius, & abstractius obiecto voluntatis, cum intellectus perfecto actu feratur in rem, abstrahendo ab existentia: voluntas verò actu perfecto nihil, nisi cum ordine ad existentiam appetat. Nemo enim pecuniam, V. G. nisi ut eam possideat, optat, amat, ut.

*Beatitudo supernaturalis huius vitæ.*

*Matth. 5.*

Quod ad supernaturalem huius vitæ beatitudinem spectat, cum istiusmodi beatitudo sit tendentia quædam ad supremam illam felicitàtem, de qua proximè differuimus, utique oportet eam in actione charitatis supernaturalis potissimum contineri: quia talis tendentia maximè fit per actus meritorios, quos partim elicit, partim imperat charitas. Quare & Christus Dominus, cælestis disciplinae magister in sermone de beatitudinibus huiusce vitæ beatitudinem in virtutum actionibus constituit. Nec obstat, quod voluntas, in qua insidet charitas, secundum gradum ordinemque naturæ minus perfecta sit, quàm intellectus: sat enim est eam perfectiorem esse, si spectetur quoad rationem & officium tendendi per actiones meritorias ad cælestem patriam, & Dei visionem, tanquam ad vltimum terminum creaturæ intellectualis.

Itaque non probatur nobis eorum sententia, qui supernaturalem huius vitæ beatitudinem præcipuè in cognitione supernaturali Dei, siue in dono sapientiæ collocant. Etenim licet donum hoc, aliæque eiusmodi, quæ nostris animis diuinitus infunduntur, ad beatam vitam promoueant: ea tamen promotio in actionibus charitatis præcipuè consistit. Charitatis, potius diximus, quàm gratiæ, quia gratia ex eorum sententia, qui eam à charitate distinguunt, quam magis probamus, non propriè, vel saltem non immediatum dicitur operandi principium, sed charitas. Beatitudo autem cum in operatione sit, ei habitui, à quo talis operatio proximè oritur, tanquam fonti, ac principio ascribenda est.

*Lege D. Tho. in 2. d. 41. q. 1. art. 1.*

Porro de naturalis huius vitæ felicità duplex est, ut ante monuimus, docetque Aristoteles 10. Ethic. à cap. 7. altera practica, quæ vitæ actiue finis est: altera contemplativa, quæ est vitæ contemplatiue finis. Felicitas practica, cum necessariò sita esse debeat in actione vitæ practicæ, utique consistit in operatione secundum virtutem moralem, maximè prudentiam, quæ est virtutum regula, atque inter eas principatum obtinet. Contemplatiua sita est in cōtemplatione, potissimum Dei, & aliarum etiam substantiarum materiæ expertum: siquidem hæc est nobilissima speculatiui intellectus operatio: nec in hoc statu (nulla habita ratione alterius vitæ, ad quam tendimus, & in qua supernaturalem

*Felicitas practica.*

*Felicitas contemplatiua.*

beatitudinem nos adepturos speramus ) secundum naturæ vires perfectiori modo Deum possidemus.

## ARTICVLVS III.

*Enodatur felicitatis definitio ab Arist. tradita.*

*Definitio felicitatis.*



INC non difficile erit intelligere definitionem felicitatis traditam ab Aristotele 1. Ethicor. cap. 7. Felicitas est operatio animæ per rationem , aut non sine ratione, secundum virtutem in vita perfecta. Dicitur enim operatio animæ per rationem sine intellectum , id est , operatio edita à potentia intellectiua : vel non sine ratione , id est , vel ab intellectu præscripta , & regulata : siquidem actiones humanæ , vel ab intellectu per se eliciuntur , vel ab aliis potentiis , quas intellectus regit , & gubernat. Dicitur , secundum virtutem , quia oportet actionem ; in qua felicitas ponitur , studiosam esse , rectæque rationi consentaneam. Additur postremo, in vita perfecta , quia vt vna hirundo non facit ver , ita nec dies vnus vnâ operatione reddit hominem felicem : proindeque vt quis felix dicatur , oportet totius vitæ decursu , aut longo tēpore eam actionem , in qua beatitudo consistit , exercere.

*Cui felicitati cōueniat tradita definitio.*

PROPOSITA definitio si in eo sensu , quem præ se fert , accipitur , vtrique felicitati tam prædictæ , quàm speculatiuæ conuenit , vt consideranti planum erit : ex mente tamen Aristotelis , qui , loco superius adducto , de felicitate dumtaxat actiua differit : soli actiue conuenit : atque adeò secundum eam limitationem nomine virtutis sola virtus moralis accipienda erit , in cuius actione tantum actiua felicitas collocatur.

*Discrimē inter felicitatē contemplatiuam huius & alterius vitæ.*

NONNULLA hîc aduerter. Primum est , cū in hac vita tot ærumnis & incommodis animi corporisque obnoxia , neque actiua , neque contemplatiua felicitas perfecte possideri queat , noutram in hoc statu appetitum hominis perfecte satiare , esto illam aliquo modo expleat : quatenus prudens & sapiens eorum , quæ obtinere non valet , inopiam moderato , & imperturbato animo fert. Secundum est , felicitatem contemplatiuam naturalem non eodem prorsus modo esse in cōtemplatione sitam , quo beatitudo supernaturalis alterius vitæ in intuitiua diuinæ naturæ cognitione. Nam cū Dei & substantiarum separatarum consideratio in hac vita simul cum morum prauitate inueniri possit : cum qua tamen felix nemo dicitur , asserendum est licet essentia felicitatis contemplatiuæ naturalis in ea quam diximus , cōtemplatione præcipue collocata sit : necessario tamen formaliter includere morum probitatem , & virtutum actiones , quas essentia supernaturalis beatitudinis non ita includit. Ratio discriminis est , quia morum sanitas non necessario prædictam cōtemplationem naturalem

turalem comitatur, vt planum est: quæ tamen necessario sequitur ex diuinæ essentia visione, in qua, virtute, continetur, quæq: eodem instanti, quo elicitur, parit ex se voluntatis rectitudinem, amorem Dei, ac cætera, quæ ad statum illum omnibus bonis cumulatum exiguntur.

TERTIVM est, fœlicitatem contemplatiuam perfectiorem esse actiua. Quod ex eo patet, quia contemplatio cum suapte natura propter se quæritur, nobilior & excellentior est, quàm praxis, quod docuit Aristoteles lib. 6. Ethicorum, cap. ult. & lib. 10. eiusdem operis, cap. 7. & lib. 7. Politicor. cap. 2. Idemque censuit Plato in Philebo, vbi ait vitam contemplationi dicatam cæterarum omnium diuinissimam esse: & lib. de Regno, numerans duo regna, vnum Iouis, alterum Saturni, hoc illi prætulit, per illud actionem, per hoc contemplationem significans. Lege in eandem sententiam Alcinoium in lib. de Doctrina Platonis, cap. 2. Tyrium Maximum serm. 6.

*Fœlicitas contemplatiua perfectior, quàm practica.*

*Plato.*

## QVÆSTIO IV.

Vtrum ad fœlicitatem externa bona requirantur.

### ARTICVLVS I.

*Diuersæ Philosophorum opiniones.*



ST de re proposita contentio inter Stoicos & Peripateticos. Stoici partem negatiuam acerrimè tuerentur, appellântque fœlicitatem Peripateticam, quæ externa bona asciscit, mollem & eneruatam. In quam sententiam multa Cicero in 2. Paradoxo, & Tuscul. quæst. lib. 5. & Seneca Stoicæ disciplinæ alumnus variis in locis. Videtur autem dogma hoc ex eo comprobati, quia oportet fœlicitatem à casu & fortuna minimè dependere: à quibus tamen dependeat necesse est, si externa bona, quæ magna ex parte sortita sunt, requirit. Item, quia fœlicitas consistit in actione virtutis: hæc autem probatur splendetque magis in aduersis, quàm in prosperis, vt rectè ait Seneca in libro de Diuina prouidentia: *Gubernatorem, inquit, in tempestate maris, in acie militem intelligas. Unde possum scire quantum aduersus purperatam tibi animi sit, si diuitiis affluas? unde possum scire quantum aduersus ignominiam, & infamiam, odiumq; populare constantè habeas, si inter plausus senescas?*

*Opinio Stoicorum.*

*Seneca.*

QVIN & Poëtæ, vt illustre solida fœlicitatis exemplum hominibus proponerent, Herculeum induxerunt post multorum laborum tolerantiam de fortuna triumphantem, & in cœleste domicilium ascendentem. De quo est illud Boëtii lib. 4. de Consolatione metro 7.

*Boëtius.*



*Ite nunc fortes, ubi celsa magni  
Ducit exempli via: cur inermes  
Terga nudatis? superata tellus  
Sidera donat.*

Postremò idem confirmatur, quia quod ad rectè & laudabiliter viuendum sufficit, id etiam ad felicitàtem sat est: atqui virtus ita se habet: cùm probum virum & omni laude cumularum reddat. Videtur igitur ea per se abundè sufficere ad felicitàtem. Atque huic sententiæ Aristotelem & Platonem subscripsisse ait Tullius

*Tullius.  
Lucianus.*

s. Tusc. quæst. Quare Lucianus in Aristotelem iocatus Alexandrum Magnum apud inferos inducit asserentem, Aristotelem versurum & callidum virum nixum fuisse persuadere munera fortunæ necessaria esse ad summum hominis bonum, ut auderet ea ab ipso petere, ac bona fronte recipere.

*In dial. Diogenis & Alexandri.*

## ARTICVLVS II.

*Aristotelis sententia, eiusque comprobatio.*

*Fortitudo hominis politici.*



E tamen vera Aristoteles 1. lib. Ethicor. cap. 8. censuit ad felicitàtem non qualemcumque, sed hominis politici, & qui in Reipub. luce versatur, requiri externa bona, tanquam instrumenta ad defendendâ Rempub. ad beneficentiam exercendam, ad propulsandas iniurias, aliaque munera eiusmodi. Quæ sententia vera est: etenim nemo externam & politicam felicitàtem obtinere dixerit eum, qui bonis ad hæc præstanda destitutus sit: licet absque iis quilibet priuatus homo in se spectatus, tam contemplatiua, quàm practica felicitàte potiri queat.

*Solarg.*

ARGVMENTA verò, quæ superius adduximus, hanc habent explicationem. Ad primum dicendum non esse absurdum felicitàtem sub aliqua consideratione, & quoad perfectionem accidentariam, pendere aliquo modo à fortuitis euentibus: dummodo quoad essentiam ab iis nequaquam pendeat. Ad secundum respondendum, esto virtus mains specimen sui det magisque luceat in aduersis: tamen, quantum ad beatitudinis splendorem attinet, magis appetere in prosperis, in quibus præstantis animi argumentum est moderationem seruare, euagantes appetitiones comprimere, neque vana iactatione extolli. Qui autem in egestate, & rerum familiarium iactura, ac denique aduersis rebus diu tolerandis animi constantiam exhibuere, etsi magna laudum encomia iure obtinuerint, non ideo putandum eos ciuilem politicamve felicitàtem assecutos fuisse: plura enim ad hanc requiruntur, quàm ad rectè, & cum laude viuendum. Neque aliud sensit Plato ubi rectè sensit, neque Aristoteles cùm de hac felicitàte differunt. Lege D. Thom. in 1. 2. q. 4. art. 7.



## DISPVTATIO QVARTA.

*De tribus principijs humanorum actuum, voluntate, intellectu, & appetitu sensitiuo.*



QVIA præcipua Moralis scientiæ consideratio versatur circa actus humanos, quibus comparatur, in quibusve consistit hominis felicitas: doctrinæ ratio postulat, vt, postquam de felicitate egimus, de humanis actibus disputemus, ac primùm de eorum principiis, voluntate, intellectu, & appetitu sensitiuo.

## QVÆSTIO I.

Vtrum omnes actus humani à libera voluntate proficiantur.

## ARTICVLVS I.

*Argumenta in partem negatiuam.*



PARS negatiua propositæ cōtrouersię his argumentis videtur ostendi. Actus, quibus animæ beatæ diuinam essentiam clarè vident, visamq; amant, humani sunt, cùm in iis supernaturalis beatitudo hominis consistat: & tamen ex communi Theologorum sententia non sunt actus liberi, sed necessarij: nec enim in beatorum potestate est eiusmodi actus non elicere. Non igitur omnes actus humani à libera voluntate proficiuntur. 1. arg.

SECUNDÒ. Actus, quos somniantes, & mente capti exercēt, dum disputant, ratiocinanturq; item actus subiti voluntatis & intellectus, sunt humani, quandoquidem soli homini conueniunt, nec tamen liberi sunt: alioqui posset in eos culpa, aut meritum cadere. Ergo aliqui sunt actus humani absque libera voluntate. 2. arg.

TERTIÒ. Multi actus ab appetitu & externis membris administrati, sunt humani, siquidem bonitatem, malitiãve moralem sortiuntur: & tamen ij non sunt à voluntate, cùm actus voluntatis sint immanentes. Igitur multi actus humani non oriuntur à voluntate. 3. arg.

In lib. Ethic. Arist.

E ARTI

## ARTICVLVS II.

*Explicatio controuersie.*

T propositæ quæstioni satisfaciamus, quædam prænotanda sunt. Primum est bifariam posse aliquem actum dici humanum, nimirum vel quoad substantiam entitatemve, quo pacto omnes ac solæ operationes, quæ manant à potentiis propriis homini, vt homo est, humanæ dicuntur, vt ratiocinari & flere. vel quoad operandi modum. Quia verò proprius modus operandi hominis prout à belluis distinguitur, est ita agere, vt suarum actionum dominium & libertatem gerat (bruta enim impetu naturali operantur, nec tam agunt, quàm aguntur, vt D. Damascenus ait lib. 2. fidei Ortho. cap. 27.) fit vt posteriori modo ex tantum actiones humanæ vocentur, quas homo in sua libera potestate habet.

*Actiones humana quæ.*

SECUNDO aduertendum voluntatem non ideo liberam, seu deliberatam vocari, quòd ipsa deliberet (deliberatio enim ad intellectum magis, quàm ad voluntatem pertinet) sed quia præeuntem intellectus deliberationem sequitur. Quo fit vt illa actio dicatur à libera voluntate proficisci, quæ à voluntate intellectus deliberationem sequente elicitur, aut imperatur.

*Libertas quid.*

Hoc posito respondemus omnes actus humanos proficisci à libera hominis voluntate, quod ex eo ostenditur, quia et si radix libertatis sit in intellectu, formalis tamen libertas à sola voluntate est, vt alibi ex professo declarabitur. Patetq; ex eo, quia libertas dicitur, qua aliquid, vt libet eligimus: electio autem fertur in bonum, quod cum sit obiectum voluntatis, consequens est, vt formalis libertas pertineat ad voluntatem. Quare nullus omnino erit actus humanus, qui non oriatur à voluntate siue eum ipsa in se eliciat, cuiusmodi est actus amoris, siue imperet, vt deliberata motio intellectus, vel appetitus, & vniuersim omnes actiones potentiarum, quæ voluntati subditæ sunt, si ab eis eliciantur, prout voluntati liberè mouenti subiiciuntur.

ARGUMENTA verò pro contraria parte ex dictis facile soluentur. Ad primum & secundum dicendum eiusmodi actus licet sint actus hominis, non tamen esse humanos in eo sensu

& usurpatione, de qua hic agimus. Ad tertium concessa maiori, ad minorem dic non omnes actio-

nes, quæ à voluntate proficiscuntur,

immanentes esse, sed quæ ab

ipsa potentia manant,

& in eadem manent.

## QVÆSTIO II.

Vtrum voluntas intellectum : an intellectus voluntatem moueat.

## ARTICVLVS I.

*Proposita difficultatis enodatio.*



**A**DVERTENDVM moueri facultatem animæ ab aliquo nihil aliud esse, quā ab illo de potentia ad actum educi. Quare cū bifariam possit aliqua facultas animæ esse in potentia : nimirum vel quoad eliciendam, aut non eliciendam actionem, quod vocatur esse in potentia ad exercitium actus: vel quoad hoc illudve agendum, id est, quoad producendum actum huius aut illius speciei, quod dici solet esse in potentia quoad actus specificationem : sit vt duobus modis prædicta facultas indigeat mouente, à quo ad actum perducat; vno quoad actus exercitium, altero quoad determinationem illius ad certam speciem.

**S**IT prima conclusio. Voluntas quoad exercitium mouet intellectum, sicuti & reliquas potentias quoad actus humanos. Hæc quæstione proxime sequenti accuratiùs probabitur; nunc ex eo breuiter ostenditur, quia principium actus cuiusq; potentie actiue est ex fine : finis verò actuum intellectus continetur sub fine voluntatis, proindeq; intellectus ad actus suos eliciendos à voluntate moueri debet. Diximus in conclusione, quoad actus humanos, quia ad actus subitos, qui omnem actum voluntatis antecedunt, non mouetur intellectus à voluntate, sed ab obiecto interuentu speciei intelligibilis & phantasmatis. Qua de re Maior in 1. d. 3. q. 2. Greg. in 2. d. 11. q. vnica. Lege quoq; si placet quæ in hanc sententiam scripsimus lib. 1. Physic. cap. 1. q. 2. art. 4.


*Conclusio.*

*Actus subiti.*

**S**ECUNDA conclusio. Intellectus quoad speciem actus mouet voluntatem. Hæc suadetur, quia intellectus proponit voluntati obiectum, à quo, tanquam à principio formali externo, actus voluntatis speciem sumunt. Vbi aduerte bonum cognitum non solum sese habere ad actus voluntatis vt causam formalem externam, prout illis tanquam terminus, ad quem referuntur, speciem tribuit : sed vt finem, quatenus motu metaphorico allicit voluntatem. Vtrum verò noticia intellectus cōcurrat etiam actiue cum voluntate ad eius actus eliciendos controuersum est. Negatiuam partem sequitur Henricus Quodlib. 9. Capreolus in 2. d. 23. art. 3. ad 1. contra 1. conclus. Hispalensis in 2. d. 25. q. vnica art. 3. not. 1. laueilus 9. Metaph. q. 6. Affirmatiuam tuentur Paludanus in 4. d. 49. q. 3. artic. 1. Gregorius in 2. d. 25. q. 1. contra secundam conclus. Gabriel eadem d. q. vnica dub. 3. Sonecinas 9. Metaph. q. 11. & q. 13. Vtraque nobis admodum probabilis videtur, quæ autem probabilior sit lib. 9. Metaph. diiudicandum erit.

*2. concl.*

*Obiecta, eorumq; dilutio.*

1.  R I T tamen qui probare contendat non posse intellectu à voluntate moueri, hoc argumento. Omne mouens est prius ac nobilius moto : sed intellectus est prior & nobilior voluntate, vt supra statuimus, docetq; Aristot. lib. 10. Ethic. cap. 7. Igitur intellectus non potest à voluntate moueri. Maior probatur, quia quod mouet, agit : agere autem præstantius est, quàm pati, teste D. Augustino 12. super Genes. ad litt.

2. *August.* SECUNDO. Voluntas nihil appetit, nisi quod ei ab intellectu representatur, quia vt docet D. Augustinus lib. 8. de Trinic. cap. 4. Nihil volitum, nisi prius cognitum. Igitur si vt intellectus actum suum eliciat, & voluntati aliquid proponat, debet prius à voluntate moueri : dabitur in actionibus voluntatis & intellectus infinita progressio : siquidem omnem actionem voluntatis antecedit actio intellectus, & omnem actionem intellectus, actio voluntatis absque vlllo primo actu.

3. TERTIO. Intellectus per suam notitiam concurrat effectiue ad actum voluntatis, vt est multorum philosophorum sententia : igitur si voluntas mouet effectiue intellectum, & intellectus voluntatem : idem respectu eiusdem, hoc est eadem voluntas comparatione intellectus, simul erit mouens & motum.

*Sol. 1.* AD primum horum, dicendum fieri posse vt id, quod alio simpliciter deterius est, eodem tamen, alia consideratione & secundum quid præstantius habeatur. Nam v.g. potentia videndi nobilior est, quàm color, & tamen color, quatenus in illâ agit, suam ei speciem imprimendo, excellentior quàm illa est. Sic ergo tametsi intellectus absolutè præstantior sit, quàm voluntas, nihil mirum si voluntas spectata prout intellectum mouet, hac ex parte ipso præstantior censeatur.

*Sol. 2.* AD secundum, concessio antecedente neganda est consecutio : & ad eius confirmationem dicendum, non omni intellectu actioni præire actionem voluntatis : quia tandem consistendum erit in aliquo actu intellectus, ad quem, vt supra diximus, intellectus ab obiecto interuentu phantasmatum moueatur : qui actus, quia saltem in suo primo ortu, naturalis est, & non liber : non oportet ad eum eliciendum concurrere voluntatem.

*Sol. 3.* AD tertium, vtcumque se habeat veritas antecedentis, quæ alibi, vt diximus, perpendenda erit, respondemus non sequi ex eodem secundum idem esse simul mouens, & motum. Nam cum voluntas mouet intellectum ad eliciendam notitiam allicuius rei, non concurrat tunc intellectus per eandem notitiâ ad illam in actionem voluntatis, sed ad aliam : v. g. mouet voluntas intellectum  
ad



ad deliberandum iudiciūque ferendum de pharmaco : intellectus per hanc actionem non concurrat cum voluntate ad illummet actum, quo eum voluntas mouit : sed ad alium, nempe ad electionem pharmaci, quod ei, vt conueniens ad obtinendam valetudinem, repræsentat.

### QUÆSTIO III.

Vtrum voluntas moueat omnes alias potentias ad actus suos exercendos.

#### ARTICVLVS I.

*Constituitur pars affirmatiua.*



ASSERENDUM voluntatem mouere actiue ad suos actus exercendos reliquas animæ potentias, quæ suapte natura eius imperio subduntur. Hæc assertio traditur à D. Augustino lib. 12. de Ciuitate Dei, c. 6. D. Damasceno lib. 2. Fid. cap. 16. D. Anselmo de Conceptu Virg. cap. 4. D. Thoma 1. part. quæst. 82. artic. 4. & aliis. Probatum autem eius veritas tum ipsa experientia : quandoquidem contemplamur, legimus, loco mouemur, præstamusque cætera id genus munia, cum volumus. Tum ratione, etenim principium motionis cuiusque potentie actiue est ex fine, cum omne agens gratia finis operetur; bonum autem in commune, quod rationem finis habet, est obiectum voluntatis. Quare consequens est, vt voluntas omnes alias potentias ad suorum actuum exercitium moueat. Consecutio patet ex eo, quia semper ars & potentia, ad quam spectat finis vniuersalis, mouet ad agendum artem & potentiam, ad quam particularis finis sub illo vniuersali comprehensus pertinet, vt liquet in arte nauigatoria, & nauium confectrice, itemque in duce & tribunis : atqui omnes fines aliarum potentiarum comprehenduntur sub fine ac bono, quod est obiectum voluntatis, quia omnes potentie per suos actus rendunt in aliquid bonum : ergo, &c.

*Conclusio.*

*Obiectum voluntatis.*

QUÆRI solet quonam pacto voluntas hanc motionem præstet. Quam dubitationem duplici pronuntiato explicabimus. Primum sit. Voluntas non mouet alias potentias applicando, si loquamur de ea applicatione, qua res applicata aliquam præuiam motionem ab applicante accipit; vt cum quis admouet securim ad cædenda ligna imprimendo illi impulsus. Hoc ex eo ostenditur, quoniam voluntas nullam præuiam motionem iniicit potentiis, tum quia in hoc rerum genere non apparet quidnam eiusmodi præuia motio sit : tum quia talis motio superflua om-

*De modo, quo voluntas mouet alias potentias.*

nino est, cum absque illa possit voluntas potentias mouere: quod in Physicis ex professo tractauimus, cum ostendimus causam primam non excitare agentia naturalia ad suas actiones præcedente aliqua motione, vt pletique D. Thomæ sectatores arbitrati sunt. Est enim quoad hoc par ratio in Deo, quatenus cum causis secundis concurrat, & in voluntate, vt cum potentiis.

lib. 2. cap. 7. q.  
12. art. 2.

SECVNDVM pronuntiatum sit. Voluntas mouet alias potentias concurrente cum illis tanquam causa vniuersalior; ita vt ex potentia, cum qua voluntas concurrat, & ex ipsa voluntate fiat vna integra causa, à qua vna eadēque numero actio manat. Huius pronuntiati veritas ostenditur, primum ex analogia, quæ est inter alias causas vniuersales, & particulares, præsertim Deū, & causas secundas: quādoquidem voluntas, vt fertur in bonum in commune, aliæ verò in potentia in bona particularia; ita sese habet ad alias potentias, vt vniuersalis causa ad particulares. Quare, vt causa vniuersalis, verbi gratia, Deus, dum concurrat cum causis secundis ad agendum, ex ipso & causa secunda sit vna causa integra, à qua vna, eadēque singularis actio oritur: ita proportionē quadam se habebunt voluntas, cæteræque potentia, quas illa mouet.

Ex dictis intelliges actionem, qua voluntas formaliter mouet alias potentias esse transeuntem: cum in ipsa voluntate non maneat, siquidem non distinguitur re ab actione aliarum potentiarum. Præterea, eiusmodi concursus voluntatis interdum esse quid spiritale, cum nimirum voluntas concurrat cum potentia immateriali, vt cum intellectu: aliquando materiale, si videlicet concurrat cum potentia in hærente organo corporeo, vt cum imaginatione.

## ARTICVLVS II.

*Quo pacto voluntas moueat sensus internos.*



SCIENDVM ex Aristotele 1. Politic. cap. 3. & lib. 1. Ethic. cap. ult. & ex D. Thoma 1. part. quæst. 81. art. 3. ad 2. duplex esse imperium, alterum despoticum, seu dominicum: alterum politicū, seu ciuile, quod etiam regium appellatur. Imperium despoticum est, quo dominus imperat seruis, qui facultatem resistendi non habent, cum nullo modo sui iuris sint. Imperium politicum est, quo Princeps Reipublicæ imperat ciuibus, qui tamen eius præceptis obediunt: tamen, cum liberi sint, aliquid suum habent, quo eius imperio resistere valeant.

Duplex im-  
perium.  
Despoticum,  
Politicum.

QVÆRIMVS ergo num voluntas moueat sensus internos imperio ciuili, an despotico. D. Thomas loco proxime citato videtur docere cogitatiuum, quæ etiam ratio particularis dicitur, regi

regi mouerique à ratione, & voluntate imperio despotico; non ita verò reliquos sensus internos. Nam cur appetitus rationi & voluntati non promptè obediat, causam esse ait, quia appetitus non semper à cogitativa, sed ab aliis sensibus interdum mouetur. Quæ ratio nullius esset momenti, si interni sensus pari obedientia voluntati parerent, vt erit consideranti perspicuum. Nobis tamen asserendum videtur nullum esse internum sensum, qui voluntati semper ad nutum obediat. Nam sensus communis perseverante externi sensus apprehensione necessariò rem apprehendit, & vniuersim omnes sensus interni (quippe omnium, quoad hoc eadem videtur esse ratio) nonnunquam adeò tenaciter res apprehendunt, vt volùtas eorum cogitationem, aut nullo modo, aut difficilè compescat, vt docet quotidiana experientia.

*Appetitus à quo sensu interno moueatur.*

PROVENIT autem ea cogitationum tenacitas ex multis causis: sed ex his potissimum, nimirum vel ex reali præsentia obiecti sese per externos sensus ingerentis, vel ex interna instigatione dæmonum, qui imagines interiori asseruat agitationis spiritibus huc illuc transferunt, & ad rerum, quæ iis repræsentantur, apprehensionem acuunt, accommodantque. Vel ex affectione organi: siquidem melancholici, qui sicco & frigido sunt temperamento, in eiusdem rei apprehensione diutius insistent. Vel ex affectu appetitus sensitui: cum notum sit iis magis affligi internum sensum, ad quæ appetitus maiori impetu fertur.

*Ex quibus causis proveniat cogitationum tenacitas.*

## ARTICVLVS III.

*Qua ratione voluntas appetitum sensitivum moveat.*



VO D ad appetitum sensitivum attinet, dicendum moueri illum à voluntate imperio politico, non autem despotico, vt communi assensu tradunt Aristoteles in calce libri 1. Ethic. & 1. Politic. cap. 3. D. Damascenus lib. 2. Fidei orthodox. cap. 12. D. Gregorius Nyssenus lib. 4. cap. 8. D. Thomas 1. 2. quæst. 17. art. 7. & alij. Ac primum quod appetitus à voluntate moveatur, patet experientia, cum sæpè illius motus arbitrio nostro excitemus, & cohibeamus: confirmatque id verbis illis cap. 4. Geneseos: *Sub te erit appetitus eius, & tu dominaberis illi.* Verùm quod talis subiectio non sit despotica, non minus compertum est, cum passim feratur appetitus in bonum sensibile contra iudicium rationis, & inclinationem voluntatis. Idque testatur D. Paulus illis verbis ad Rom. 7. *Video aliam legem in membris meis repugnantem legi mentis meæ.*

*Arist.*

*Damasc. Nyssen.*

*Genes.*

*D. Paul.*

ORITVR autem hæc repugnantia ex eo, quia appetitus sensitivus sequitur apprehensionem sensus interni, quæ interdum adeò efficax est, vt à ratione & voluntate cohiberi non possit. Tum etiam quia motio appetitus sensitui pædet ex dispositione organi



organi (vnde ij, qui calido sunt temperamento, facillè irascuntur) quæ dispositio, siue affectio imperio non subiaceret. Lege Diuum Thomam in quæst. de Malo, quæst. 7. art. 6. ad 8. & 1. part. quæst. 81. artic. 3.

*Voluntas ordi-  
nariè nõ mo-  
uet immédia-  
tè appetitum.*

ORDINARIVS autem modus, quo voluntas appetitum mouet, est per apprehensionem sensus interni, id est, mouendo imaginatricem facultatem, verbi gratia, vt de hac aut illa re cogitet, quam deinde appetitus amplectatur, aut fugiat. Quæri tamen solet vtrum voluntas non hoc dumtaxat modo, sed per se immediatè interdum appetitum moueat. Diuus Thomas in disput. de Veritate, quæst. 25. art. 4. & quæst. 26. art. 3. affirmatiuam partem asserit, quod in potentiis inuicem ordinatis, & connexis vehemens motus superioris in inferiorem redundet. Vnde Aristoteles 3. de Anima, cap. 11. text. 57. ait appetitum superiorem impellere inferiorem, sicuti in cœlesti mundo sphaera superior inferiorem rapit. Verùm cum appetitus non feratur in ignotum, dicendum videtur tunc solum voluntatem immediatè, & per quandam redundantiam mouere appetitum, cum iam in sensu interno existit notitia eiusdem obiecti: ita nimirum vt absque noua intentione aut efficacitate notitiæ, appetitus magis accendatur ob affectum voluntatis.

*Appetitus ob  
affectum vo-  
luntatis magis  
incenditur.*

#### ARTICVLVS IV.

*Quo pacto voluntas membra externa moueat.*



*Dispar obe-  
dientia mem-  
brorum, &  
appetitus.*

AM verò externa membra, quibus latio arbitraria exercetur, mouet voluntas, vt experimento comperitum est, imperio serui, ac citra vllam repugnantiam, nisi aliquo impediuntur morbo, vt accidit paralyfi laborantibus. Cur autem dispar obtemperandi conditio membris corporis, & appetitui conueniat, ex iis, quæ superius explicata sunt, cõstat videlicet, quia appetitus sequitur apprehensionem, &c. Quibus adde appetitum suam qualemcumque vindicare libertatem, qua rationi, & voluntati obluetur: quod tamen membris non competit.

*Dub.*

QUÆRI solet vtrum voluntas non moueat membra, nisi interuentu appetitus sensitiui. Pro parte negatiua facit, quia interdum membrorum motio est contra propriam appetitus inclinationem. Quare si in huiusmodi euentis appetitus plerumque non obedit voluntati, nullo modo tunc posset voluntas mouere membra perseuerante repugnantia appetitus: cuius oppositum docet experientia in Sanctis martyribus, qui membra acerbissimis cruciatibus offerebant. Pro parte affirmatiua, quam magis verisimilem iudicamus, est ratio illa, quòd voluntas in viribus animæ mouet, vt agens supremum, appetitus vt agens medium: vltimum.

*Responsio.*



ultimum autem est virtus motiua membris insidens. Petit verò harmonia & ordo mouentium, vt supremum non nisi interuentu medij moueat extremum. Ad argumenta pro contraria opinione dicimus appetitum duo obire munia, quorum alterum est bonum sensu oblatum prosequi, malum declinare: alterum, impellere membra corporis ad motum: quoad prius officium posse illum resistere voluntati, quoad posterius non posse.

*Harmonia ex  
do q. mouen-  
tium.*

IN quæstione etiam versatur, num appetitus sensitivus in ho-  
mine possit per se mouere membra absque motione voluntatis. *Dub.*  
Quod possit ex eo videtur ostendi, quia appetitus sensitivus in  
homine non est deterioris conditionis, quàm in belluis. Quare si  
in his, vt planum est, per se mouet, cur non etiam in illo moue-  
bit? Contrariam sententiam tuetur D. Thomas 1. p. q. 81. art. 3. &  
Caietanus eodem loco, eamq; probat ea ratio, quia, vt paulò an-  
te disputabamus, in omnibus mouentibus ordinatis, secundum  
mouens, cuiusmodi est appetitus, non mouet nisi virtute primi  
mouentis. Nec verò in homine de appetitus sensitivi dignitate  
quicquam detrahit, quod non per se ac vi tantum sua, membris  
motionem afferat. Etenim, vt Caietanus loc. cit. inquit, licet in  
nobis natura sensitiva nobilitatem capitis, quam in brutis ha-  
bet, non obtineat: id tamen ei compensatur per coniunctionem,  
& commercium cum ratione, & appetitu intellectiuo: siquidem  
inferius vicinitate sublimioris perficitur: excellentiusq; est mo-  
ueri à nobiliori, quàm mouere inferiora, & Regi in aula subesse,  
quam in tugurio præesse.

*Solut.*

*Natura sen-  
sitiva non ob-  
tinet in nobis  
dignitatē ca-  
pitis, quam in  
belluis.*

VERVM propositæ solutioni ea nobis moderatio viderur  
adhibenda, vt dicamus, si sermo sit de motione, qua appetitus  
ex vsu rationis mouet, non solere appetitum mouere membra,  
nisi mouente voluntate: si autem de aliis motionibus loquamur,  
interdum oppositū accidere: nec opus esse, vt vniuersim in om-  
nibus motionibus appetitus, subordinatio illa seruetur, nec vt  
respectu omnium dicatur appetitus mouens secundarium, esto  
semper ita se habeat comparatione illarum, quæ deliberatæ sunt,  
& homini, quatenus homo est conueniunt. Qua limitatione po-  
test etiam intelligi D. Thomæ sententia, vt nonnulli ex illius se-  
ctatoribus animaduertunt: præsertim cum sit admodum verifi-  
mile motus subitos, quibus interdum membra ciemus, non

*Limitatio su-  
perioris senten-  
tiæ.*

*Subiti motus  
membrorum.*

semper provenire à voluntate etiam in deliberata, sed  
nonnumquam à solo appetitu, vt cum quis na-  
turâ biliosus ex subita appetitione vindi-  
ctæ manum mouet ad inferendam  
iniuriam. Sed ea, quæ ad ap-  
petitum pertinent, pro-  
xima quæst. magis  
illustrabun-  
tur.

## QVÆSTIO IV.

Vtrum appetitus sensitivus moueat voluntatem.

## ARTICVLVS I.

*Solutio quæstionis.**Primum pronuntiatum.*

**H**Æc controuersia aliquot pronuntiatis explicanda est. Primum sit. Negari non potest appetitum mouere voluntatem. Probat in primis sacræ paginæ testimoniis : Ad Rom. 7. *Video aliam legem in membris meis repugnantem legi mentis meæ.* Iacobi. 1. *Vnusquisque tentatur à concupiscentia sua abstractus, & illeceus.* Confirmatur quoque experientia. Nemo est enim, qui non experiatur motum appetitus siue iræ, siue doloris, aut lætitiæ inclinare ad se voluntatem.

*2. pronunt.*

**S**ECVNDVM pronuntiatum. Appetitus non mouet voluntatem imperando illi. Huius pronuntiati veritas plana est : cùm in confesso apud omnes sit facultatem inferiorem, & corporis organo affixam non habere imperium, aut dominium in potentiam superiorem & immaterialem. Itaque non potest voluntas directo motu impelli ab appetitu, vt docet D. Thomas 1. 2. q. 77. art. 1. sed indirectè.

*3. pronunt.*

**T**ERTIVM pronuntiatum. Appetitus mouet voluntatem ex parte obiecti, hoc est interuentu notitiæ intellectiue, quæ obiectum amplectendum, aut declinandum proponit. Quod duobus modis accidit, vno, quia passio appetitus in causa est, vt intellectus hoc aut illo modo : aliter, atque aliter de re iudicet. Vnde illud Aristotel. 3. Ethic. cap. 5. qualis quisque est, talis ei finis esse videtur, vt illud 1. Rhetoricorum, non eadem videntur amanti-bus, & odio habentibus (Quare & ligatos sub Alexandro Macedonum rege, reuocauit sententiam ab Alexandro irato ad Alexandrum non iratum) Quo fit vt voluntas sequens iudicium intellectus idem velit, aut repudiet, quod appetitus. Altero, quia appetitus mouet voluntatem per notitiam interni sensus, quam ipse sequitur : quatenus sensuum phantasmata determinant intellectum ad huius & illius rei conceptionem.

## ARTICVLVS II.

*Dubia quædam enodantur.**1. dub.*

**E**XISTVNT autem circa ea, quæ de motione appetitus asseruimus, aliquot dubia. Primum est, an appetitus aliquando absque interuentu notitiæ intellectiue immediate moueat voluntatem per redundantiam propter solam ipsa-  
rum

rum potentiarum cognitionem, nexumq; Respondemus idem, *Respons.*  
 quod supra de voluntate respectu appetitus: videlicet cum vo-  
 luntas non tendat in ignotum, eatenus appetitum mouere vo-  
 luntatem, quatenus voluntas in bonum repræsentatum sibi per  
 intellectum maiori impetu fertur propter inclinationem appeti-  
 tus. Secundum est. Num aliquando voluntas ita ab appetitu tra- *1. dub.*  
 haratur, vt in eius potestate non sit ei resistere. Respondetur, si ap- *Respons.*  
 petitus aded vehemens fit, vt omnino rationis vsum absorbeat,  
 tunc necessariò mouere voluntatem, alioqui non. Etenim tandiu  
 motus voluntatis liber est, quandiu iudicium integrum ac libe-  
 rum manet. Turbat autem absorbetq; iudicium affectio appeti-  
 tus, cum sensitiua cognitio, quæ tali affectione acrior & impor-  
 tunior fit, aded vehementer intellectum mouet ad cogitandum  
 de obiecto passionis, verbi gratia, de re dolorem, aut delectatio-  
 nem inferente, vt interim ei deliberandi facultatem adimat, in  
 quam sententiam lege quæ scripsit Aristoteles 7. Ethic. cap. 3. &  
 D. August. 14. de Ciuit. cap. 16. D. Thomas in 1. 2. q. 10. art. 3.

## DISPUTATIO QVINTA.

*De bonitate & malitia humanarum actio-  
 num in genere.*

**E** GIMVS de principiis humanorum actuum: nunc de  
 ipsis humanis actibus differemus, non quidem absolu-  
 tè, nec enim ea consideratio Moralis Philosophi est, sed  
 quoad eorum bonitatem, & malitiam quatenus huma-  
 nam attingunt felicitatem ad eam nos promouendo, aut à eius  
 adeptione impediendo.

## QVÆSTIO I.

Vtrum bonitas & malitia humanarum actionum  
 petenda sit ab obiecto, an non.

## ARTICVLVS I.

*Explicatio controuersie.*

**I**N proposita questione hæc assertio statuenda est. *Assertio.*  
 Bonitas & malitia humanarum actionum, sumitur ab  
 obiecto. Probatur. Nam humanæ actiones referuntur  
 ad obiectum, vt ad mensuram sui esse, & tanquam ad  
 causam formalem extrinsecam, à qua proinde speciem & distin-  
 ctionem capiunt.

*Obiectū quid  
nam hoc loco  
sit.*

VT autem huiusce rei veritas magis eluceat, aduertendum erit nomine obiecti intelligendam esse hoc loco materiam, circa quam versatur actio; cuiusmodi est pecunia in quam fertur appetitio. Quia tamen hoc loco de bonitate & malitia morali agitur, spectanda est prædicta materia non secundum suum esse naturale absolutè, sed vt conuenit cum recta ratione & lege diuina, aut ab ea deflectit.

*Libertat.*

DEINDE aduertendum quemadmodum libertas humanarum actionum formaliter est in voluntate, ita bonitatem & malitiam moralem ad actiones humanas pertinentem formaliter reperiri in actione interna ipsius voluntatis, licet obiectiue sit in materia, circa quam versatur.

*De bonitate,  
& malitia a-  
ctus humani  
externi.*

TERTIÒ sciendum est actionem humanam externam dupliciter sumi posse: vno modo secundum se, prout obiectū quoddam est actionis internæ voluntatis, consentaneum rectæ rationi & diuinæ legi, vel ab ea dissentaneū, etsi talis actio à nullo exerceatur, quo pacto dicitur bona vel mala obiectiue solum ex prædicta conformitate, vel difformitate; non autem formaliter per bonitatem vel malitiam à voluntate deriuatam. Alio modo sumi quatenus versatur in executione: sicq; vt est effectus voluntatis, ita dicitur bona vel mala formaliter non quidem intrinseca denominatione à bonitate vel malitia sibi inhærente, sed appellatione extrinseca à bonitate vel malitia existente in voluntate. Vt enim actus à voluntate imperatus, prout in executione est, non à se habet vt humanus sit, sed à voluntate deliberata, à qua imperatur: ita nec bonitatem, vel malitiam formaliter habet, nisi à voluntate. Itaque ab eadem singulari bonitate, vel malitia, à qua volitio interna nuncapatur bona vel mala formaliter & intrinsecè; vocatur etiam externa actio, quæ est obiectum volitionis, bona vel mala formaliter per externam appellationem. Quo fit, vt altera alteri bonitatem, & malitiam vicissim tribuat. Nam externa actio sumpta vt est in apprehensione, in se quidem bona est vel mala obiectiue, & hac consideratione est causa bonitatis, vel malitiæ formalis existentis in interna volitione: rursusq; volitio interna, prout denominatione intrinseca est bona vel mala formaliter, in causa est, cur actio externa posita in executione, sit bona vel mala formaliter denominatione extrinseca.

*Bonū, & ma-  
lū morale dif-  
ferentia hu-  
manarum ac-  
tionum.*

POSTREMÒ nec illud præteriri debet, bonum & malum morale esse differentias essentielles humanarum actionum. Quod hunc in modum breuiter ostendi potest. Actiones humanæ sumunt bonitatem & malitiam ab obiectis, ad quæ respectu transcendentis sibi intrinseco & essentiali referuntur: ergo per bonitatem & malitiā, quam ab iis accipiunt, intrinsecè constituuntur. Item bonum & malum sunt differentię essentielles habituum; sed pro differentia habituum est differentia actionū ex habitibus

pro



prodeuntium, vt docet Aristotel. 2. Ethico. cap. 1. cū similes *Aristot.* habitus similes actus producant: igitur bonum & malum sunt differentię essentielles humanarum actionum. Maior probatur, quia habitus bonus & malus, vt liberalitatis & prodigalitatis, distinguuntur specie inter se, immo & contrarietate mutua sibi repugnant, vt constat ex doctrina Aristotelis cap. de Oppositis, & 2. Ethic. cap. 8. & 1. de Cœlo, cap. 4. distinguuntur autem & pugnant inter se bonitate, & malitia: vnde bonitas ponitur in definitione virtutis, qua virtus dicitur bona qualitas mentis: eodēque modo malum in definitione vitij, qua vitium dicitur qualitas, secundum quam animus malus est, &c. Non est igitur negandum bonum & malum esse differentias essentielles habituum, proindeque & humanarum actionum.

## ARTICVLVS II.

*Dilutio obiectorum.*

**Q**UODAM tamen aliquis. Multę sunt actiones hu- *Obiect. 1.* manę ex specie sua ad bonum & malum indifferentes, vt ambulare, cauere: igitur bonum & malum non sunt differentię humanarum actionum. Deinde, quod malitia non possit esse differentia intrinsecē constituens actum humanum, ita probatur. Actus humanus est positium quid, vt *Obiect.* satis constat: malitia verò moralis non potest esse aliquid positium: igitur non potest esse differentia constituens humanum actum. Minor trifariam ostenditur. Primum, quia malitia moralis est malum quoddam: malum autem nihil aliud est, quàm priuatio boni. Item, quia si malitia esset quid positium, obtineret rationem boni: cū omne ens positium sit bonum, atque ita non iam esset malitia. Tertiò, quia cū Deus sit causa omnis rei creatę, si malitia foret aliquid positium & reale, iam Deus illius causa esset, proindeq; auctor peccati, quod dictu nefas est.

**AD** primum horum dicendum, obiectum, in quod humana actio in toto suo ambitu accepta fertur, triplicem ordinem posse habere ad rectam rationem: vnum conuenientię, quatenus videlicet rectę rationi consentaneum est: alterum difformitatis, prout ab ea discrepat: tertium indifferentię, vt ex se, nec est ei conforme, nec ab ea alienum. Quo patet præter bonum & malum, quas diximus esse differentias humanarum actionum, aliam dari tertiam differentiam positiuam quoque & realem, qua actio suapte natura constituitur in specie indifferentis: atque ad eodē actionem humanam non diuidi perfectā diuisione in bonam & malam, vt probat argumentum: nisi sumatur, prout exercetur in singularibus: sic enim nulla est actio humana, quę re vera non sit actu bona, aut mala: quia aut habet finem consentaneum

*In singularibus non datur actio indifferens ad bonum & malum.*

rectæ rationi, atque ita est bona: aut dissentaneum, & est mala: aut caret sine conuenienti, & est etiam mala, quia otiosa: quilibet enim omnibus actionibus quas edit (hæ verò necessariò sunt in singulari) debet bonum finem apponere, quia tenetur intendere finem accommodatè ad suam naturam, quem si non adhibet, peccat ob defectum huius circumstantiæ. Lege D. Thomam in 1.2. quæst. 18. art. 9. & in 2. dist. 40. quæst. 1. ubi alij etiam Doctores dubitationem hanc contrariis sententiis pertractant. Quidam namque affirmant, alij quibus nos assentimur, negant possè dari actum humanum in singulari indifferentem ad bonitatem & malitiam moralem. Quod enucleare non est huius instituti.

*Dil. 2. obi.*

A d secundum, concessa maiori, neganda est minor, & ad primam eius probationem dicendum, licet malum, si absolutè loquamur, non significet nisi priuationem boni debiti, hoc est, priuationem rectitudinis, quæ actui inesse deberet: tamen malum, quod actum moralem, habitumve, tanquam differentia positiua, intrinsecè constituit, non significare priuationem, nec bono morali priuatiuè, sed contrariè repugnare. Ad secundam dic malum, de quo proximè egimus, esse bonum quid: dici tamen malum, tum quia semper habet coniunctam priuationem rectitudinis, quæ inesse deberet: tum quia est disconueniens homini, cuius bonum, vt D. Dionysius 4. cap. de Diuinis nominib. ait, est secundum rationem se habere. Ad tertiam. Esse quidem Deum causam prædictæ entitatis, non tamen peccati: quia entitas illa non dicitur peccatum, nisi quatenus ad illam resultat priuatio moralis rectitudinis, eamque annexam habet. Quo pacto non proficiscitur à Deo: quippè cùm peccatum sit defectus quidam moralis, qui attribui non debet nisi causæ morali, eique deficièti, quali respectu peccati Deus non est, sed sola voluntas creata.

*D. Dionys.*

## Q V A E S T I O II.

Vtrum bonitas, & malitia humanarum actionum pendeat etiam à circumstantiis.

### ARTICVLVS I.

*Quot sint circumstantiæ humanarum actionum.*

*Circumstantia  
rude dicitur.*



CIRCUMSTANTIÆ humanarum actionum dicuntur, quòd circumstent actiones humanas quasi extrinsecus se habentes ad earum substantiam, siue essentiam, vt explicat D. Thomas in disputatis q. 2. de Malo, art. 6. Numerantur hæ circumstantiæ à D.

*D. Basil.  
Boët.*

Basilio serm. 2. de Baptismo, cap. 8. à Boëtio lib. 4. de Differentiis Topicis,

Topicis, à Tullio 1. de Inventione, à D. Thoma in 1. 2. quæst. 7. & aliis post Aristotelem 3. Ethic. cap. 1. Comprehenduntur autem omnes hoc carmine:

*Quis, quid, ubi, quibus auxiliis, cur, quomodo, quando.*

*Quis*, significat accidentia personæ agentis, ut utrum qui interfecit, ciuis esset, an peregrinus. *Quid*, non significat ipsam actus substantiam: non enim actus potest esse circumstantia sui ipsius, sed notat accidentia effectus per actum producti: ut si is, qui alium frigida abluit, nocumentum intulit. *Ubi* significat accidentia loci, ut utrum palam, an occultè: in loco sacro, an profano scelus patrauerit. *Quibus auxiliis*, id est, quibus instrumentis, aut mediis, ut percussit ne gladio, an fuste. *Cur*, id est, ob quem finem, ut an gratia rei priuatæ, vel ad patriam liberandam periculum adierit. *Quomodo*, significat actionis modum, ut dolo, an bona fide fecerit. *Quando*, significat accidentia temporis, ut utrum die festo, an profesto rem diuinam omiserit.

NON NVLLI, in quibus est D. Bonauentura in 4. distinct. 16. dub. 9. ad litteram. Magistri, & Paludanus eadem distinct. quæst. 3. plures faciunt circumstantias. Verùm illæ omnes ad has septem reducuntur: excepto numero actuum, quem illi vocant circumstantiam, Quoties, sed hæc inter circumstantias recenseri non potest, quia circumstantiæ circa eundem actum sunt: numerus autem non circumstat vnā eandemque operationem: sed diuersas, ac distinctas inducit.

UT autem ea, quæ ad prædictas circumstantias pertinent, melius intelligantur, quædam animaduertenda erunt. Primum est circumstantiarum quasdam notabiliter augere malitiam, vel, bonitatem actionum, moralium, quasdam non. Enim verò cum, exempli gratia, alter furto accipit millo aureos: alter quadrantem: quantitas pecuniæ in priori furto reddit illud notabiliter graue: in posteriori minimè. Secundum est circumstantiarum quasdam inuhere deformitatem, vel bonitatem eiusdem speciei: quasdam specie differentem. Nam circumstantia instrumenti, quo quis hominem interimit, nempe gladij, aut fustis, non reddit homicidio malitiam diuersam specie. At cum quis interficit hominem, ut eum spoliaret, circumstantia spoliationis furtive addit homicidio deformitatem nouæ speciei: quandoquidem

furtum specie differt ab homicidio. Tertium est eam circumstantiam addere actui malitiam, vel bonitatem specie differentem, quæ importat specialem ordinem conformitatis, vel difformitatis ad rectam rationem, & legem Dei,

ut in superioribus exemplis videre est.

\* \*

*Diuersa genera circumstantiarum.*

*Quæ circumstantia differant specie.*

## ARTICVLVS II.

*Responsio ad propositam quæstionem, & aliquot  
obiectorum dilutio.*



X dictis facile quivis intelliget quid ad quæstionem initio excitatam responderi oporteat: videlicet bonitatem & malitiam humanarum actionum pendere etiam à circumstantiis: quandoquidem hæ talem bonitatem & malitiam augere, & minuere, atque interdum ad diuersam speciem trahere solent.

*Obiect. 1.* SED erit, qui ita obiciat. Id, quod confert actui rationem specificam, non potest esse accidens illius: atqui circumstantiæ sunt accidentia actuum moralium, vt suprà diximus: igitur nulla circumstantia potest tribuere actui diuersam rationem specificam,

*Obiect. 2.* proindeque nec ipsum ad speciem diuersam trahere. Item, si aliqua circumstantia mutaret speciem actus: sequeretur posse eandem actionem internam nunc esse bonam, dum videlicet tendit in bonum obiectum nulla circumstantia viciatum: nunc malam, si quis eundemmet actum continuando adhibeat illi in progressu circumstantiam inanis gloriæ, V.G.

*Dilut. 1. ob.* PRIORI tamen obiectioni occurrendum erit, circumstantiam, quæ mutat speciem, neque esse circumstantiam, neque accidens comparatione actionis, cui speciem tribuit: sed respectu alterius, cui adiungitur, verbi gratia, cum quis occidit, vt furtum committat, rem alienam non esse circumstantiam comparatione voluntatis furandi: nam respectu huius est obiectum, per se illi dans speciem, sed tam voluntatem furandi, quam rem alienam, quæ est eius obiectum, esse circumstantiam, si comparetur cum

*Dilut. 2.* homicidio, cui ex accidente adiungitur. Posteriori obiectioni non omnes eodem modo respondent: quidam concedunt vnum numero actum internum, eundem in genere naturæ, posse, vt exemplo illo ostendi videbatur, alio & alio tempore subire formalitates diuersas specie in genere moris: ita vt nunc bonus & meritorius: postea verò malus & demeritorius sit. Alij negant posse id fieri: asserentes vbi primum actui superuenit aliqua

circumstantia mutans speciem, non manere eundem

numero actum internum, etiam in genere natu-

ræ, sed elici iam alium, & specie, & re

distinctum. Quam dubitationem

fusus persequi non est

huius loci.

\* \*



## DISPVTATIO SEXTA.

*De affectionibus animi, quæ passion-  
es vocantur.*

**D**OCTRINÆ ratio postulat, vt ante virtutum tractationem, de passionibus disseramus. Nam cū virtutum moralium nōnullę appetitui sensitiuō hęreant, in eiusq; affectionibus moderādis & conibendis versentur, absq; harum notione, virtutum natura & vis commodè explicari non poterit.

## QVAESTIO I.

An appetitus sensitiuus, rectè diuidatur in concupiscibilem, & irascibilem.

## ARTICVLVS I.

*Quæ argumenta ostendere videantur non  
rectè diuidi.*

**Q**UÆ passionēs, vt progressu patebit, sunt affectiones appetitus sensitiui, priusquam de passionibus ipsis agamus, quædam circa istiusmodi appetitum ad propositam disputationem conducentia pertractabimus. Ac prius n, quod diuisio illa non sit probanda hisce argumentis videtur concludi. Appetitus distinguuntur per affectiones: sed affectiones, quæ attribui solent appetitui irascibili, conueniunt concupiscibili: non ergo ij appetitus inter se differunt. Minor probatur, quia vt docet Tullius 4. lib. Tuscul. quæst. Odium est ira inneterata, & vt asserit D. Damascenus lib. 2. Fidei cap. 16. & D. Greg. Nyss. lib. 4. Phil. cap. 14. ira constat ex tristitia. Cū igitur tristitia & odium pertineant ad appetitum concupiscibilem: sequitur iram, quam irascibili ascribunt, in concupiscibili versari. Rursus amor habet ex parte corporis commotionem similem ei, quam ira: quandoquidem tam iis, qui amant, quam qui irascuntur, sanguis & calor efferuescit: sed huiusmodi alterationes ex parte corporis sunt quasi materiæ passionum, quæ illarum discrimen suo modo arguunt. Non ergo actus amandi ab actu irascendi videtur distingui.

SECVNDÒ in rebus naturalibus vno eodemq; pondere feruntur corpora in natiuam sedem, & resistunt iis, quæ ipsorum

In lib. Ethic. Arist.

G

rum

Tullius.  
D. Damasc.  
D. Greg.  
Nyss.

rum motum impediunt : similiterq; ignis V. C. eodem calore agit in aquam, & repugnat frigori. Pari ergo ratione vnus idemque appetitus sat erit ad noxia fugienda, & conuenientia sectanda, itémque ad resistendum contrariis. Quare, &c.

TERTIÒ, appetitus sensituius supponit apprehensionem: sed eadem vi apprehenditur noxium & conueniens : ergo & eadem facultas appetens feretur in vtranque. Cùm igitur ob nullam aliam rationem videantur distingui appetitus concupiscibilis & irascibilis, nisi quod alter habeat pro obiecto conueniens, alter noxium : non est quod illos re ipsa inter se distinguamus.

QUARTÒ. In parte rationali hominis datur vnus tantùm appetitus, nempe voluntas : ergo & in parte sensitua, vnus duntaxat appetitus dabitur.

## ARTICVLVS II.

### *Explicatio controuersie.*

*Conclus.*



IT tamen conclusio. Rectè diuiditur appetitus sensituius in irascibilem & concupiscibilem, vt in duas potentias realiter distinctas. Hęc est contra Gabrielem in 3. dist. 25. 26. quæst. 1. artic. 3. dub. 1. vbi putat duplicem hunc appetitum differre sola ratione per ordinem ad diuersos actus : est tamen philosophorum communis, Aristotelis 1. Magnorum Moral. cap. 13. Platonis 4. lib. de Republica, vbi vtrumque appetitum à ratione & inter se distinguit, aiens consulari in vrbe respondere in homine rationem, Quæstuario cupiditatem, Auxiliario irascendi appetitum. Est etiam D. Damasceni lib. 2. Fidei Orthod. cap. 12. D. Gregorij Nysseni lib. 4. Philosophiæ cap. 8. D. Thomæ 1. p. quæst. 81. artic. 2. Henrici Gandauensis Quodlib. 8. quæst. 15. D. Bonauenturæ in 3. d. 33. art. 1. quæst. 3. M. Alberti 3. de Anima tract. 4. cap. 2. & in summa de homine tract. de irascib. quæst. 2. Probatur autem à D.

*Arist.  
Plat.*

*D. Damasc.  
D. Greg.  
Nyss.*

*Ratio D. Th.*

Thoma loco citato : quia sicuti aliis rebus naturalibus corruptioni obnoxiiis non solum conuenit inclinatio ac vis ad confectanda sibi conuenientia & fugienda aduersa, sed etiam ad resistendum contrariis, vt patet in igni, qui non solum propensionem ac virtutem obtinet, vt locum infimum deserat, & in superum euadat : sed etiam calorem vt vis, quæ sibi perniciem molliuntur, obsistat : ita oportet in sensitua parte dari duplicem vim appetentem, vnā, per quam animal simpliciter inclinatur ad prosequenda ea, quæ conueniunt secundum sensum, & deuiranda noxia, quæ pars concupiscibilis dicitur : alteram, per quam propulset aduersantia, & obluetetur iis, quæ vtilia, salutariāve remouent, aut oppugnant, vel quoquo modo nocuentum inferunt : unde etiam obiectum dicitur arduum ac difficile. Atque

*Vis concupiscibilis.*

Atque hæc vis, irascibilis nuncupatur: quæ eo differt à priori, *vis irascibilis.* quòd illa tendat in bonum sensibile absolutè; hæc in bonum etiam sensibile: sed tamen quatenus difficile & arduum: non quod ipsam difficultatem expetat, sed utilitatem potius, quæ in concupiscibilem redundat, prout ipsius irascibilis opera, & ministerio ei remouentur impedimenta, & difficultates, quæ obstant, ne bonum, quod optat, adipiscatur.

Quod verò prædictæ potentie siue inclinationes re ipsa diuersæ sint, ex eo ostenditur, primùm quia non resident in eadem omnino parte corporis vt in progressu ostendemus. Deinde quia interdum animal contra appetitionem concupiscibilis ingerit sese rebus tristibus, vt per affectum irascibilis aduersantia impugnet, auertatq; (Quod per eandem potentiam fieri non posset.) Vnde irascibilis passiones intestino ac domestico bello nonnūquam repugnate videntur moribus concupiscibilis, quia concupiscencia inflammata plerumque iram frangit, & ira accensa concupiscenciam minuit. Quo etiam patet irascendi vim esse, quasi propugnatricem concupiscencie, dum arma corripit, certatq; aduersus ea, quæ res concupiscibili gratas ac iucundas impediunt, & noxias inuehere conantur. Ideoque vt D. Thom. tum loco citat. tum ex professo in 1. 2. quæst. 25. art. 1. explicat, iræ à cupiditatis affectibus initium capiunt, in eosdemq; terminantur, & desinunt, vt cum ira ex illata tristitia oritur, & qui vindictam sumit, percepta lætitia ad tranquillitatem redit. Quo spectat illud Aristotelis 4. Ethic. c. 5. vltio modum, finemq; iræ adhibet, cum pro dolore voluptatem efficit.

*Ira à cupiditate oritur. Aristot.*

Quæ rursus solet vtra ex his potentiis alteri, dignitate præferenda sit. Henricus Gandauensis Quodlib. 8. quæst. 15. præfert concupiscibilem. Pro qua opinione facit, quod irascibilis est quasi minister concupiscibilis, vt ex dictis patet, innuitq; Aristoteles lib. 8. de Histor. Animal. cap. 1. docens animalia irasci, & pugnare propter concupiscibilia. D. Thomas de verit. quæst. 25. artic. 2. Oppositam sententiam videtur amplecti, cum dicat irascibilem esse facultatem superiorem, sicuti æstimatiua inter potentias sensitiuas apprehensiuas dignior habetur. Quod ex eo suadet, quia turpius, est non cohibere concupiscenciam, quam iram, cum hæc multò minùs, quàm illa rationem, & iudicium perturbet.

*Dub.*

*Irascibilis minister concupiscibilis.*

Hæc dubitatio ita explicanda est, vt dicamus ex parte obiecti, atque adeo simpliciter appetitum concupiscibilem nobiliorem esse irascibili: quandoquidem ille fertur directè & immediatè in bonum pertinens ad conseruationem animalis: hic verò immediatè tendit in remouens prohibēs. Item (quod in idem recidit) quia potentia, quæ proximè ordinatur ad finem, excellentior est, quàm quæ occupatur circa media: at concupiscibilis proximè ordinatur ad finem, quia tendit in bonum sensibile

*Solut. dub.*

secundum se: irascibilis in id, quod vtile est, & conducens ad illud obtinendum. Concedi tamen potest iuxta aliam considerationem irascibilem concupiscibili præstare, quatenus immoderata affectio ira, minus perniciofa est, quàm concupiscentia, vt D. Thomæ ratio suadebat.

## ARTICVLVS III.

*Solutio argumentorum primi articuli.*

Dilut. 2.



**R**ATIONES, quæ ostendere videbantur non dari duplicem appetitum sensitium, ita diluentur. Ad primam concessa propositione neganda est assumptio, & ad eius probationem dicendum, odium dici iram inueteratam, non quod temporis diuturnitate ita fiat odium, sed in sensu, quem causalem vocant, quia nimirum diuturna ira odium efficit. Similiter iram constare ex tristitia, non vt ex parte componente, sed nasci ex illa tanquam ex causa effectrice: quia ex concupiscibilis appetitionibus obueniunt affectus irascibilis. Postremò id, quod eodem argumento obiicitur de alteratione, quam ira & amor corpori inferunt, dissoluit S. Thomas 1. 2. q. 48. art. 2. hisce verbis. *Feruo, qui consequitur calorem alia ratione pertinet ad amorem, alia ad iram. Nam feruo amoris est cum quadam dulcedine & lenitate: est enim in bonum amatum, assimilaturque calori aeris & sanguinis: unde sanguinei sunt ad amatum propensiores, dicunturque ad amorem incitare iecur, in quo fit sanguinis generatio. Feruo autem ira est cum amaritudine ad consumendum, quia tendit ad punitionem contrarij: ideoque assimilatur calori ignis.* Hæc fere D. Thomas.

D. Thom.

Feruo amoris.

Feruo ira.

Dilut. 2.

**A**d secundum respondendum non eandem esse, quoad id, quod argumento petitur, rationem in inclinatione corporum ad propria loca, & in appetitu sensitiuo comparatione sui obiecti. Nam cum interdum irascibilis contra propensionem concupiscibilis, in obiectum feratur, cogimur fateri hos duos appetitus inter se necessariò distingui. Quod tamen non cernimus in corporibus vt ad loca propria tendunt, & itineris impedimenta remouent. Concessimus tamen in istiusmodi corporibus dari diuersa principia ad resistendum corrumpentibus, & ad naturalia loca petenda, vt in igni calorem, & leuitatem.

Dilut. 3.

**A**d tertium, concessa maiori & minori, dicendum, appetitum concupiscibilem tendere in vtrumq; nimirum in id, quod conueniens est, & in id, quod noxium: proindeq; non differre concupiscibilem ab irascibili, quòd ille in conueniens, hic in noxium tendat: sed quòd ille simpliciter inclinetur ad prosequenda conuenientia & declinanda noxia: hic verò feratur in arduum resistendo aduersariis, quæ conuenientia oppugnant & nocuum inuicunt, vt diximus.



A d quartum, sc̃pè ea quæ in superioribus vnita sunt, spargi, *Dilut. 4.*  
atque in plura membra secari in inferioribus, vt patet in poten-  
tia cognoscitiua immateriali, & in potentiis cognoscitiuis or-  
ganicis. Quare nihil mirum si appetitus, intellectuus sit vnus, &  
sensitiui duo, præsertim cum hi hæreant in corpore, & in eo di-  
uersam exigant dispositionem, vt paulò post dicemus.

## QVÆSTIO II.

An vterque appetitus sensitivus in corde  
sedem habeat.

## ARTICVLVS I.

*Platonis, & quorundam aliorum sententia.*



ALCINOVS in libro de Platonica doctrina, cap. 37.  
ait secundum Platonem iuniores Deos, qui tornadi  
humani corporis curam susceperant, cum in capite  
rationis & sapientiæ domicilium constituisent, ne  
pars illa diuina inquinaretur, mortalibus passioni-  
bus, hoc est vtrique appetitui proprias prouincias designasse:  
iracundiæ præcordia, cupidini locum præpè diaphragma, ibique  
vim eam quasi furiosum, & agreste animal ligasse: quin etiam  
condidisse pulmones cordis gratia molles & ventosos, atque in-  
star fistulæ cauos & spongiæ similes: vt cor iræ ardore nonnun-  
quam æstuans refrigeratione mitigaretur: simulque iccori ad  
excitandam concupiscentiam animæ, rursumque sedandam, dul-  
cedinem & amaritudinem indidisse. His similia scripsit Apuleius  
in lib. de Dogmate Platonis, statuens mentem capitis arcem te-  
nere; irascentiam procul à ratione ad domicilium cordis dedu-  
ctam esse: cupidinem, atque appetitus postremam portionem  
infernæ abdominis sedes occupasse, vt popinas qualdam & di-  
uersoria nequitiae, atque luxuriæ. Religatam verò iccirco lon-  
giùs à sapientia hanc partem videri ne importuna vicinitas ra-  
tionem desuper constitutam, ipsa cognitionum vicinitate per-  
turbaret.

*Plato de con-  
formatione  
corporis hu-  
mani.*

*Apuleius.*

ALII affectum iracundiæ in felle constitutum putant, pau-  
oris in corde, lætitiæ in splene. Cui distributioni ea ratio astipu-  
latur, quod è tribus humoribus recrementitiis, qui è chilo secer-  
nuntur, bilis ad vesicam fellis demandatur: constat autem bilim  
irritamentum esse iracundiæ; vnde & biliosi iracundi esse con-  
sueverunt. Itaque verisimile hinc fit iram in fellis conceptaculo  
residere. Inesse autem pauorem in corde, suaderi potest ex eo,  
quia qui timent confestim sanguinem & calorem euocant, ad

*Aliorum  
opinio.*

præcordia, vbi videlicet trepidatio potissimum est. Item, quia animalia, quæ pro sui corporis magnitudine maius habent cor, timidiore sunt, nimirum quod virtutem pauoris expultricem magis sparsam habeant: cùm tamen virtus vnita ætiosior, fortiorque sit, quàm dispersa. Postremò quod lætitia in splene locum obtinuerit argumento esse potest, quod, vt medici tradunt, iis, qui splene laborant, rarus ac difficilis sit risus, qui lætitiæ & hilaritatis comes est.

*Lege Arist. li. 3. de Partib. anim. c. 4. Pl. lib. 11. cap. 37. D. Thom. 1. 2. q. 45. art. 3.*

*Sententia  
Galen.*

GALENVS lib. 3. de Locis affectis, & in lib. qui inscribitur, Quod animi mores corporis temperamentum sequantur, existimat appetitum concupiscibilem residere in hepate, quod ij, qui multo abundant sanguine, suoque ingenio procliuiores sunt ad libidinem: appetitum verò irascibilem ponit in corde, pro qua parte confirmanda sunt etiam rationes, quas mox subiiciemus.

## ARTICVLVS II.

### *Vera opinionis explicatio.*

*Conclusio.*



IT tamen nostra conclusio. Vtrumque appetitum in corde sedem habere. Ita statuit Hippocrates, Zeno, Posidonius, Chrysippus, cæterique eiusdem familiæ alumnus. Item Aristoteles, Theophrastus, & alij Peripatetici, quos refert Vesalius & alij. Probatur autem huius sententiæ veritas ex eo, quia omnes affectus, siue iræ, siue cupiditatis, in corde perturbationem excitat, in eoque mox sentitur: tum verò quia cor Philosophorum cōsensu, est origo & fons omnium vitalium operationum, in quo proinde appetitus ad seruandam vitam, & pericula propulsanda à natura dati consistere debuerūt. Sciendum tamen non in eadem cordis parte vtrumque appetitum residere, sed locis aliquantulum discretis ob diuersam qualitatum compositionem, quàm ira, & cupiditas exigunt: ira enim affluentia caloris, & siccitatis gaudet: cupiditas abundantia humiditatis & caloris. Rationes autem, quæ in oppositum huius sententiæ adductæ fuerunt, non persuadent. Non enim biliosi propterea iracundi sunt, quod ira in vesica fellis resideat, sed quia flaua bilis calida est, & sicca, quæ qualitatum compositio iram mouet, nutritque. Nec iccirco, qui splenem male affectum habet, sese tristes exhibent, quod splen hilaritatis & lætitiæ habitaculum sit, sed quia vberior atræ bilis copia inibi collecta tristitiæ affectum inducit. Nec ij, qui plurimo sunt sanguine, idè frequentiores cupiditatū insultus experiuntur, quod concupiscencia in iecore, quasi hydra in lacu Lernæo incubet: sed quia calido & humido sunt temperamento, quod cupiditatis æstum ciet. Illa verò argumenta, quæ probabant pauorem inelle in corde, non est cur à nobis diluantur, cùm nostram sententiam confirment.

*Dilutio rationum in contrariam partem.*

## QVÆSTIO III.

Vtrum definitio passionis rectè se habeat.

## ARTICVLVS I.

*Explicatur passionis definitio.*

Lege D. Tho.  
de Verit. q. 26.  
art. 3. & in 1.  
2. q. 22. art. 1.



DEFINITVR passio à Philosophis, *Motus appetitus* *Passionis de-*  
*sensitui ex apprehensione boni, vel mali cum aliqua muta-*  
*fine.*  
*tionem non naturali corporis.* Vt autem hæc definitio in-  
 telligatur aduertendum erit passionem trifariam su-  
 mi: vno modo, pro receptione cuiuslibet rei, siue per  
 eam id quod patitur aliquid abiiciat, siue non: qua vsurpatione  
 scripsit D. Dionysius 2. cap. de Diuinis nominib. sanctissimum vi-  
 rum Hierotheum diuina patiètem multa didicisse. Sic etiam pati  
 àer dicitur, cum Solis luce collustratur. Secundò, pro receptione  
 cuiusque rei cum abiectione alterius: siue id, quod abiicitur, sit  
 conueniens rei naturæ, siue repugnans, quo modo aqua patitur,  
 cum refrigeratur, aut calefit. Tertiò, pro receptione cuiusque rei  
 cum expulsiōe eius, quod naturæ patientis accommodatum  
 erat: quæ acceptio propria, & germana est: id enim propriè pati  
 dicitur, quod à dispositione secundum naturam ad eam, quæ se-  
 cundum naturam non est, perducitur.

D. Dionys.

De hac motu  
scripsimus lib.  
7. Physic. c. 1.  
q. 1. art. 4. &  
in Paru Nat.  
lib. de Respir.  
cap. 7.

DEINDE aduertendum cor perenni dilationis & contractio-  
 nis motu cieri, motumque hunc naturalem esse, & animantium  
 naturæ conuenientem quandiu sit certa quadam intensiōe, quæ  
 cum eorum temperamento proportionem habeat: quod si ab ea  
 intensiōe per exuperantiam, aut defectum recedat, fieri non  
 accommodatum.

Cordis mo-  
tus.

Lege D. Tho.  
1. 2. q. 24. art.  
2. ad 2.

TERTIÒ aduertendum inter omnes actus potentiarum, tum  
 cognoscentium, tum appetentium, eos dumtaxat, qui ad appeti-  
 tum sensituum pertinent, suapte natura semper fieri cum aliqua  
 transmutatione corporis, quæ animal à sua naturali dispositione  
 deiciat. Cuius rei ea ratio est, quia hos tantum actus proximè,  
 ac per se cōsequitur incitatio, aut remissio motus, quo dilatur,  
 vel contrahitur cor. Enim verò si actus appetitus sensitui ad vi-  
 gam retractionemve spectent, vt timor, & tristitia, remissionem  
 efficiunt in motu dilatationis, proindeque maiorem contractio-  
 nem: si verò pertineant ad prosecutionem delectationemque, vt  
 amor & lætitia, maiorem inuehunt cordis dilatationem. Diximus  
 propriè, & per se, quia remotè & ex accidente, etiam ex actibus  
 aliarum potentiarum sequitur intensio & remissio in motu cor-  
 dis, vt ex apprehensione boni & mali, & ex actu voluntatis, re-  
 motè tamen & interuentu appetitus sensitui. In quam senten-  
 tiam

tiam lege Diuum Thomam in quaestionibus de Veritate, quaestione 6. articulo 3.

His ita explicatis iam liquidò constat cur passiones dicantur fieri cum mutatione non naturali corporis, videlicet quoniam iis distrahitur cor à motu sibi naturali: etsi inter passiones aliae motionem afferant minus, aliae magis à natura alienam: magis, ut dolor & tristitia, quae contractionem pariunt: minus, ut laetitia & delectatio, quae dilatationem cordis efficiunt: est enim magis naturae consentaneum dilatarì, quàm contrahi.

## ARTICVLVS II.

### *Confectaria quaedam.*



**X** dictis nonnulla inferuntur confectaria. Primum est, passiones non proprie ad appetitum rationalem pertinere, ut constat ex earum definitione, & ex iis, quae tradidit Aristoteles in proœmio librorum de Anima. Plato in Philebo, Cicero in 1. Tusculan. quaest. D Damasc. lib. 2. Fidei orhod. c. 22. D. August. lib. 9. de Civitate Dei, cap. 5. edisseritque sanctus Thomas in 1. 2. quaest. 22. articulo 3. Itaque gaudium, amor, & laetitia, alique eiusmodi affectus, prout in voluntate cernuntur, non proprie, sed similitudine quadam passiones vocari possunt.

*Revertitur  
Chrysippi  
sententia.*

**S**ECVNDVM est, abhorrere à veritate sententiam Chrysippi, qui (ut liquet ex iis, quae à Cicerone lib. 4. Tusculan. quaest. & à Galeno lib. 4. de Placitis, Platonis & Hippocratis cap. 2. prodita sunt) existimabat perturbationes esse iudicia, opinionésve: exempli causa ægritudinem esse recentem opinionem præsentis mali, in quo dimitti, contrahique animo rectum videtur: metum opinionem mali impendentis, quod intolerabile esse iudicatur. Deprehenditur autem huiusce dogmatis falsitas ex eo, quia obiecta passionum sunt bonum & malum, quae non ad vim cognoscentem, & eius actus, cuiusmodi sunt opiniones & iudicia, sed ad appetentem, eiusque munia spectant. Quòd si quis pro Chrysippo respondeat eum non in sensu formali perturbationes iudicia vocasse, sed in causali, quia nimirum ex opinione, siue apprehensione mali oritur, verbi gratia, passio timoris. Occurrit Galenus loco citato, eum re vera in sensu formali fuisse locutum.

\* \* \*

QVÆ



## QVÆSTIO IV.

Vtrum passiones cadant in animum sapientis.

## ARTICVLVS I.

*Philosophorum dogmata.*

NEGATIVAM partem huiusce quæstionis defendebant Stoici, contententes eum, qui verè sapiens sit, debere animi passionibus omni ex parte vacare. Pro his tamen habere tres *ἁρμῆας* (Cicero 4. Tusculanar. quæst. constantias nominavit) id est, pro cupiditate voluntatem, pro lætitia gaudium, pro metu cautionem. Pro ægritudine verò seu dolore negabant esse posse aliquid in animo sapientis. Voluntas enim bonum appetit, quod facit sapiens. Gaudium est de bono adeptum, quod sapiens adipiscitur. Cautio deuitat malum, quod debet sapiens effugere. At quia tristitia de malo est, quod iam accidit, & nullum malum existimabant posse accidere sapiēti: nihil in eius animo pro illa ponebāt.

Sentētia Stoicorum.

IDEO verò Stoici in eam sententiam adducti sunt, quia indignum iudicabant homine sapiente perturbationibus concuti: cum hæ animi morbi sint. Itaque hunc in modum disputabant, Qui morboſi sunt, sani non sunt: qui sani non sunt insipientes sunt. Igitur qui morboſi sunt, non sunt sapiētes: at ij, qui passiones sentiunt morboſi sunt: quandoquidem passiones sunt ægritudines animi: ergo, &c.

Ratio Stoicorum.

PLATONICI autem, & Peripatetici contrariam partem secuti sunt aientes non posse hominem quantumlibet sapientem passionibus omnino vacare. Cuius sententiæ fundamenta articulo secundo proponemus. Cicero in lib. de Finibus & D. Augustinus lib. 9. de Ciuitate Dei cap. 4. arbitrātur hos philosophos de verbis potius, quàm de rebus facere controuersiam. Nimirum Stoicos non quaslibet motiones appetitus, sed turbulentas, & quæ prodeunt extra limites rationes, animumq; ad vitia inflectunt, passiones vocare: alios autem philosophos passionū vocabulo indiscriminatim vti pro quouis motu appetitus sensitiui.

Opinio Plat. &amp; Perip.

## ARTICVLVS II.

*Veræ sententiæ explicatio.*

VERECUNQUE tamen Stoicorum mens fuerit, negari non debet passiones cadere etiam in eos, qui veræ sapientiæ, & magnarum virtutum ornamentis præditi sunt, cum illæ naturaliter obueniant, cumq; si eis rationem dominā (cui ciuili obedientia obsequuntur) perficiamus,

In lib. Ethic. Arist.

H æd

Lege Laetium lib. 6. c. 15 Senecæ lib. de tranquill. vita. Tullium in oratione pro Murena. Gale, in tract. de curat. affect.

Lege D. Tho. 2. 2. q. 123. ar. 10.

ad moderat onem & mediocritatem adduci possint , atq; ad virtutum officia reuocari , & laudem ac premium mereri. Itaque si passiones secundum se spectentur, id est, vt sunt motus quidam irrationalis appetitus, non conuenit eis malum aut bonum morale, quod à ratione pendet: conuenit tamen, si considerentur, prout subiacent imperio voluntatis & rationis. In quam sententiam D. Augustinus, lib. 14. de Ciuit. Dei cap. 8. *Cupiunt, inquit, iument, letantur & boni & mali: sed illi bene, isti male, sicut hominibus seu recta, seu peruersa voluntas est.* Denique si Stoicorum dogma ita intelligatur, vt omnem motum appetitus vitiosum esse, & à virtute alienum statuunt, haud dubie cœlestis disciplinae veritati repugnat, vt idem sanctus Doctor cap. 9. eiusdem libri multis sacræ paginæ testimoniis confirmat. Consule D. Ambrosium tract. de obitu Gratiani, & in lib. de incarnatione Domini cap. 7. D. Augustinû 14. de Ciuit. Dei cap. 9. D. Gregor. Nyssenum in disputatione de Anima, & Resurrectione, Laëtantium lib. 6. à cap. 15.

D. Ambro.

D. August.

D. Greg.

Nyss.

Obiect. 1.

- OBIECTA Tamen aliquis. Id quod ad peccatû inducit, habet rationem mali: atqui passiones inducunt ad peccatum: vnde à D. Paulo 7. capite epistolæ ad Romanos, passiones peccatorum
2. dicuntur: ergo. Item passiones sunt ægritudines animi: ac proinde vitia: igitur nulla earum poterit honesti rationem sortiri. Præ-
  3. terea iis, quæ non sunt in nostra potestate, nec laudem nec virtutationem meremur: sed passiones non sunt in nostra potestate: siquidem iis, vt docet D. August. 14. de Ciuit. Dei c. 9. inuiti cedimus: igitur iis non meremur: quod tamè paulò ante negauimus.

Dilat. 1.

Obiectio.

- Ad primum horum dicendum passiones, si sumantur, vt desistant à ratione, inclinare ad peccatum, si vt ordinantur à ratione, non ita se habere, sed ad virtutem spectare. Ad secundum passiones dici morbos animi siue ægritudines non prout à ratione gubernantur, sed quatenus ab eius regula moderationeq; desciscunt. Vnde patet quid Stoicorum argumento respondendû sit.
3. Ad tertium concessa maiori, neganda est minor, si ita intelligatur quasi nullo modo possimus passiones compescere, aut moderari: & ad eius confirmationem dicendum, nos cedere inuitis passionibus, non quoad consensum, cum eis non nisi voluntate consentianus, sed quoad aliquam corporis transmutationem, cuiusmodi est interdum commotio risus, fletus, aliæq; eiusmodi.

## QVÆSTIO V.

Vtrum animi passiones rectè à philosophis numerentur.

### ARTICVLVS I.

*Solutio questionis.*



L A T O in Theætero affirmat eas passiones, quæ nomen habent, multas esse, quæ carent nomine, innumeratis: lib. 9. de Republ. inquit hominem esse quasi monstrum, & sphynxem

sphingem quandam ex variorum animantium partibus conflaram : & cupiditatem esse partem latissimam multa bestiarum, id est passionum capita continentem : in Timæo sex enumerat perturbationes, voluptatem & dolorem tanquam principia, quibus accedant audacia & metus, ira & spes : In primo de legibus ait quemlibet nostrum esse vnum & habere in se consiliarios duos contrarios & amentes, voluptatem & dolorem : ad quos accedunt futurorum timor & confidentia.

QVI passionem in commune aptiori methodo distribuerūt, *Quatuor principia passionum.* eā in quatuor summa veluti capita partiti sunt, videlicet in gaudium, & tristitiam, spem & timorem. Quam diuisionem tradit D. Augustinus lib. 14. de Ciuit. cap. 3. D. Hieronymus in Commentariis ad cap. 1. Ezechielis. Cicero lib. 4. Tusculan. quæstio. Boëtius 1. de Consolat. Philosophiæ metro 7. *Gaudia pelle, Pelle timorem, Spemq; fugato, Nec dolor adsit.* Virgil. 6. Æneid. *Hinc metunt, cupiuntq; dolent, gaudentque.*

SOLENT autem hæ quatuor passionες comparari quatuor *Quatuor passionēs similes quatuor ventis.* principalibus ventis, quod vt hi mare tempestatibus sic illæ animum turbulentis motibus perturbent: quod ita quidā expressit.

*Spes leuat arreptos, metus alto à vertice fluctus  
Deicit: hinc animum pulsat furibunda voluptas:  
Inde dolor: fluctus ceu fracti fluctibus, altum  
Clamorem ingeminant: pices abscondita nimbis  
Nec radios fundit ratio, nec vela gubernas.*

Porro dicuntur ex quatuor passionēs omnium præcipuæ, quatenus aliarum complementum vel finis sunt: ideoq; alias omnes consequuntur, vt docet Aristot. 2. Ethic. cap. 1. timor autē & spes non simpliciter eiusmodi complementum obtinent, sed in genere motus appetitiui ad aliquid. Namq; respectu boni incipit motus in amore, progreditur ad desiderium, terminatur spe: comparatione mali mali incipit ab odio, tendit in fugam, finitur timore. Quo fit, vt numerus harum quatuor passionum secundum differentiam præsentis & futuri spectetur: motus enim futurū respicit, quies in aliquo præsentis est. Igitur de præsentis bono est gaudium: de præsentis malo tristitia: de bono futuro spes: de malo futuro timor. Cæteræ verò passionēs, quæ circa bonū, vel malum præsens, aut futurum versantur ad has completiuè reducuntur.

## ARTICVLVS II.

*Diuisio passionis in minutiōres species.*



I tamen passionū genus in suas species minutiū con-  
cidere velimus, vnde inueniemus, quatum nume-  
rus ita colligi potest. Passionum quædam respiciunt  
bonum aut malum simpliciter, pertinentq; ad appe-  
titum concupiscibilem, aliæ bonum aut malum arduum, spe-

stantq; ad irascibilem : illæ sex sunt, tres respectu boni, totidem respectu mali: oblata enim re bona excitatur primum in concupiscibili amor illius : quod si ea res absens sit, confurgit desiderium ; si præsens delectatio, seu gaudium. Similiter oblata re sub ratione mali, oritur primum in concupiscibili odium amor contrarium. Quod si res, quam odio prosequimur, absit, oritur statim fuga desiderio aduersa : si adest nascitur tristitia seu dolor delectationi inimicus. Passiones autem, quæ bonum, vel malum arduum respiciunt, & ad irascibilem spectant, sunt quinque; duæ respectu boni, tres respectu mali. Etenim si obiciatur res sub ratione boni ardui, quam quis obtinere se posse iudicat, provenit statim in irascibili spes, si putet eam se consequi non posse, existit desperatio. Non est in irascibili aliquis motus respectu boni, quod iam adest & possidetur, quia quod iam adeptum est non habet rationem ardui. Aliæ verò tres passiones irascibilis comparatione mali ardui hunc in modum colliguntur, malum arduum aut præsens est aut non est: si non est, oritur timor vel audacia, timor, si id formidemus, & refugiamus; audacia, si aggrediamur. Quod si præsens est, confurgit ira, qua animus exardescit ad summendam vindictam, & ad præsens malum depellendum.

R V R S V S eæ ipsæ passiones de quibus hæcenus egimus in alias distribuuntur. Nam v.g. amor respectu eius cui aliquod optamus bonum, dicitur amicitia : respectu verò ipsius boni, quod illi optamus, dicitur amor concupiscentiæ, &c.

S E R V A N T autem prædictæ passiones, hunc inter se ordinem; quædam sunt veluti motus principium, videlicet amor & odium, his enim inclinamur ad aliquid oprandum fugiendumve, sicuti lapis gravitate propendet ad descensum. Quædam sese habent veluti motus, nempe desiderium & fuga. Aliæ denique vt quies & terminus motus, veluti delectatio & tristitia : delectatio enim est vt quies in loco rei idoneo & conueniente, tristitia vt quies in opposito loco. Quoniam ergo principium motus ipso motu prius est, & motus prior quiete, ideo inter passiones appetitus concupiscibilis, quæ circa bonum versantur, amor est prior desiderio, desiderium delectatione. Inter eas verò, quæ ad malum tendunt, odium prius est fuga, fuga prior, quàm tristitia.

## DISPUTATIO SEPTIMA.

### *De virtutibus in commune.*

**R** E L I Q V V M est, vt de virtutibus differamus. Ac primò de iis in genere: postea verò particulatim. Quæ disputatio præcipui in morali Philosophia momenti est: propterea quod virtutibus boni efficiamur, & ab iis manent actiones studiosæ, sine quibus felicitas, quæ moralis disciplinæ scopus est obtineri non potest.



## QVÆSTIO I.

Vtrum definitio virtutis rectè habeat.

## ARTICVLVS I.

*Dubitationis explicatio.*

**V**ARIAS virtutis definitiones tradit Plato in Menone, Alcinous in libro De eius doctrina, Aristoteles lib. 2. Ethic. cap. 6. & in libello de Virtutibus, si eius est illud opus, & Plutarchus in libro de Virtute morum: multas etiam colligit Alexander Alensis 3. p. Summæ, quæst. 16. art. 1. Vt autem quænam ex iis probari debeat statuamus aduertendum est duo esse genera virtutum, vnum earum, quæ nostris actibus acquiri possunt, vt fortitudo, temperantia: alterum earum, quæ immediatè infunduntur à Deo, vt fides, spes, charitas. Item virtutum alias esse morales, quæ videlicet in appetitu, siue intellectuuo, siue sensitino insident, alias intellectuales, quæ in intellectu. Inter quas, vt nunc breuiter dicamus, illud est discrimen, quod morales non solum bonam actionem efficiant, sed benè, reddantque eius vsum bonum, ex parte finis, & aliarum circumstantiarum, quæ ad opus cohonestandum requiruntur, quæque dum adhibentur, dicitur opus non in eo tantum genere, sed absolute bonum, habentemque simpliciter bonum appellat. Ad rationem verò intellectualis virtutis sat est efficere actionem, siue opus bonum in suo genere, esto aliunde vitietur, verbi gratia, ad Metaphysicam, quæ est virtus intellectualis, pertinet considerare substantias separatas, esto quis in eam considerationem ob inanem gloriam incumbat: quâ tamen circumstantiam non ferret virtus moralis, quæ probam voluntatis affectionem requirit. Vnde talis scientia efficit bonum Metaphysicum, non tamen bonum virum.

*Varia diuisiones virtutum.**Discrimen inter virtutes intellectuales & morales.*

Hic ita constitutis, virtus in toto suo ambitu, vt tam acquiras, quàm infusas, tam morales, quàm intellectuales comprehendit, hoc modo definienda erit, *Virtus est habitus operatiuus boni. Intellectualis verò ita, virtus intellectualis est habitus operatiuus boni residens in intellectu.* At infusa ita definitur, vt ex D. Augustino lib. 2. de Libero arbitrio, cap. 8. aliisque in locis colligitur, *Virtus est bona qualitas mentis, qua rectè viuunt, qua nemo male vituit, quam Deus in nobis sine nobis operatur.* Dum enim Diuus Augustinus ait Deum in nobis sine nobis virtutem operari, planè indicat loqui se de virtute dumtaxat, quam Deus per se animam infundit. Denique moralem virtutem ita definiit Aristoteles lib. 2. Ethicor.

*Definitio virtutis in commune.**Definitio virtutis moralis.*

Habitu perfectè disponimur ad operandum.

Repentina sunt ab habitu.

cap. 6. *Virtus est habitus electivus in mediocritate consistens, ea, quæ ad nos est, definita ratione, & ut definierit ipse prudens.* Quæ definitio, quia præsentis instituit est propria, enucleatè à nobis explicanda erit. Est ergo imprimis virtus habitus, quia virtus (latè etiam sumpto eius nomine) est dispositio perfecti, ut docuit Aristoteles 7. Physicor. cap. 13. textu 17. habitu autem perfectè disponimur ad operandum. Potissimum verò ad tria, virtutum habitibus indigemus. Primum, ad uniformitatem actionum. Quæ enim ad agendum habituali propensione carent, instabilia sunt, facillèque mutantur. Secundò, ut actio in promptu sit. Vnde Aristoteles 3. Ethicor. cap. 8. ait repentina esse ab habitu. Certe nisi rationalis potentia interruptu habitus inclinatur ad vnum, oportebit ablata agendi occasione de re facienda priùs inquirere, cum tamen interdum negotia moram non ferant. Tertiò, ut cum voluptate actio perficiatur: quod præstat habitus. Nam cum modum quandam naturæ obtineat, operationem sibi propriam, quasi naturalem, atque aded iucundam reddit. Quare Aristoteles 2. Ethic. c. 3. docuit delectationem in opere obeundo signum habitus esse.

PATET igitur cur virtus dicatur *habitus*: obtinet autem hæc particula locum generis in definitione virtutis: ac per eam reiciuntur potentia & passiones, cæteraque id genus, quæ habitus non sunt. Dicitur etiam *habitus electivus*, id est, per electionem operans ad excludendam scientiam, & alios habitus intellectuales, ad quorum rationem non pertinet, ut actus ab iis profecti ex delectu, ac voluntariè fiant. Additur, *in mediocritate consistens*, ut reiciantur habitus vitiosi, qui à mediocritate deficiunt. Denique adiicitur, *ea, quæ est ad nos definita ratione*, ut intelligamus mediocritatem, in qua virtus consistit, non oportere esse ex natura rei, nisi fortè per accidens: sed comparatione subiecti, & ex arbitrio, iudicioque prudentis viri. Quæ de re in progressu plura.

## ARTICVLVS II.

*Virtutem ex sua intrinseca ratione esse habitum bonum.*

Opinio Scoti.



CONTROVERSIA tamen est utrum virtus secundum propriam essentiam sit habitus bonus, an non. Scotus in 1. distinct. 17. quæst. 2. negatiuam partem amplectitur asserens vnum eundemque habitum modò virtutem, modò vitium esse posse. Arbitratur enim virtutem formaliter consistere in relatione conformitatis ad rectam rationem fundata in habitu ex se indifferenti ad bonum & malum: vitium autem similiter in disformitate à recta ratione: posseque eundem habitum, qui antea priorem relationem obtinebat, posteriorem accipe

accipere: quemadmodum videmus eandem superficiem nunc imbui candore, nunc nigredine. Sentit proinde Scotus virtutem, qua virtus est, non esse operativam, cum ex sua natura sit relatio, cui nulla efficientia vel actioitas convenit: sed id, quod agit, dum ex virtute operamur, esse habitum ipsum, cui ratio virtutis accidentariò advenit, quod similiter de vitio intelligit. Addit præterea habitum poni in definitione virtutis, tanquam adiectitium quid, sicuti nasus in definitione simi.

PROBATVR autem hæc sententia ex eo potissimum, ut rationes alias omittamus, quia si is, qui obtinuit habitum abstinendi à cibo ob Mahometicam superstitionem: ad Christianam fidem converteratur, & ob veri Dei cultum à cibo abstineat, adhuc ex eodem illo habitu sentiet promptitudinem facilitatèque ad actus temperantiæ: ac proinde idem habitus, qui erat antea vitiosus ob prauum finem, nunc ex fine honesto, atque ex conformitate ad rectam rationem, & legem Dei, fiet studiosus: & qui antea rationem vitij, nunc virtutis rationem forietur.

CONTRARIA tamen opinio, quæ statuit virtutem ex sua natura esse habitum bonum, nec vnum eundemque habitum modo virtutem esse, modo vitium, Peripaterica est & vera, eamque defendit D. Thomas in 1. 2. quæst. 55. artic. 1. & 4. Gabriel in 3. distinct. 23. quæst. 1. art. 1. & alij. Probatur autem primum, quia Aristoteles 2. Ethicor. cap. 5. inquirens genus virtutis concludit esse habitum, eodemque libro cap. 8. docet virtutem & vitium esse inter se cõtrarij, quod etiam in Categoriis cap. de Oppositis, & alibi sæpè docuerat: hoc autem verum non esset, si virtus & vitium formaliter significarent relationes eidem habitui advenientes, nec enim relationes sunt habitus, nec inter se contrarietatem exercent.

*Sententia Peripaterica.*

PRÆTEREA virtus ex se, ut Aristoteles definiit, est habitus electivus in mediocritate consistens: igitur virtus ex sua natura inclinatur ad actum bonum, nullòque modo ad actum, qui recedat à medio per arbitrium prudentis definito: atque adeò virtus ex sua intrinseca ratione est habitus bonus. Postremò habitus pulsandi citharam non inclinatur ad qualemcumque motum fidum, sed ad motum harmonicum secundum artis regulas: ergo pari ratione habitus, verbi gratia, temperantiæ non inclinabitur solum ad abstinentiam à cibo, sed ad abstinenciam cum circumstantiis, quæ actum perfectè coherescunt: quod Scotus negabat.

IGITVR ad argumentum pro contraria parte adductum respondendum est eum, qui ita affectus convertitur ad verum Dei cultum, & religionis causa à cibo abstinet, sentire facilitatem in abstinendo, non quòd prior habitus inclinet ad eos actus, quos tunc exercet: sed quia habitus ille non solum inclinabat ad superstitiosè abstinendum, sed reprimebat etiam appetitum, ne ad cibi appetitionem effrenatè insurgeret. Quare cum duo munia præstent

*Dilut. arg. pro opinione Scot.*

*Duo munera, quæ præstent*

habitus studi.  
disti.

præstent honesti habitus in appetitu; videlicet cum inclinent ipsum ad actus rationi consentaneos, & passionēs, ne se immoderate efferrant, comescant: ratione huiusce posterioris officij facilitatem sentiet ad religiosè abstinendum is, qui antea superstitiose abstinebat, & si talis habitus priorem naturam retineat, proindeque adhuc vitiosus sit. Similiter dicendum de honestis habitibus, qui videntur concurrere ad actiones, quæ ob mutationem circumstantiarum vitiosæ sunt: ut si quis antea liberalitatis habitu præditus, nunc ad inopiam reductus, pecuniam, uti prius in magnis opibus, ultra quàm possit, distribuatur: non enim ad hunc actum eliciendum per se concurret habitus liberalitatis, sed dumtaxat eatenus facilitatem præstabit, quatenus passionem avaritiæ cohibet.

## Q V A E S T I O II.

Vtrum virtus moralis in mediocritate consistat.

### ARTICVLVS I.

*De duplici medio virtutis, & in quonam medio virtus omnis collocata sit.*

Medium quoad  
essentiam, &  
medium quoad  
obiectum.



Aristot.

Medium ex  
natura rei.

Medium com-  
paratione nos-  
tri.

IRTVTEM moralem in mediocritate positam esse asseruimus cum Aristotele in definitione virtutis: nunc id accuratius explicandum erit. Aduertendum igitur bifariam intelligi posse virtutem in medio esse: nimirum vel quoad essentiam, quia est habitus inter duo vitia contraria, vel quoad obiectum, quia id, in quod tendit, rationi consentaneum est, proindeque medium inter exuperationem & defectum: quod in definitione virtutis significauit Aristoteles illis verbis, *Ea quæ est ad nos definita ratione*: id est, virtus consistit in mediocritate secundum omnes circumstantias prudentiæ regulæ præscriptas. Deinde aduertendum medium, aut esse constitutum ex natura rei, aut sumi comparatione nostri. Medium ex natura rei, quod etiam medium rei vocatur, est quod æquè ab utroque extremo distat, quo actio senarius medius est inter denarium & binarium, quia totidem unitatibus ab utroque abest, nempe quatuor. Medium comparatione nostri est, quod ad nos collatum, neque exuperat, neque deficit: quomodo ea cibi portio, quæ Socrati pro eius temperamento conuenit, dicitur medium respectu illius. At enim quia non omnibus eadem temperamenti, & caloris ad decoquendum vis est, sæpè id, quod vnus collatione medium habetur, respectu alterius deficit, aut excedit.



SIT prima assertio. Omnis virtus moralis (cuius appellatio-  
 non comprehendimus hoc loco prudentiam) consistit in medio  
 quoad obiectum. Hanc assertionē tradit Aristoteles lib. 2. Ethic.  
 cap. 6. & lib. 5. cap. 3. & 4. eamq; approbant communi consensu  
 Theologi in 3. d. 33. Suadetur verò à D. Thoma in 1. 2. q. 64. art.  
 1. quia bonū eius, quod regitur & mensuratur, situm est in adæ-  
 quatione ad suam regulam. Quare cū bonum virtutis moralis  
 à ratione dirigatur: utique positum erit in adæquatione ad men-  
 suram rationis: quæ adæquatio est æqualitas seu commensura-  
 tio quædam inter excessum & defectum, id est, mediocritas, de  
 qua est illud poetæ:

Horat. 1.  
 Ser. Saty. 1.

*Est modus in rebus, sunt certi denique fines,  
 Quos ultra citraq; nequit consistere rectum.*

Quod non ita accipiendum est quasi ad rationem virtutis exiga-  
 tur, vt prædictam mediocritatem in diuisibili attingat: quod  
 Stoici falsò putabant: vnde etiam contendebant virtutem non  
 suscipere magis & minus: sed in maximo, hoc est in illius indi-  
 uidui medij adeptione constitutam esse. Ideoque neminem vir-  
 tute præditum iudicabant, nisi qui ad studiosas actiones obeun-  
 das in summo gradu esset dispositus. Peripatetica tamen & vera  
 sententia, vt constet ex iis, quæ tradit Aristoteles 2. Ethicorum,  
 decernit in medio virtutis latitudinem dari: posseq; obiectum  
 ipsum virtutis nunc perfectiori modo, nunc minùs perfectò at-  
 tingi. Nec sanè conuenit moralium actionum honestatem ad in-  
 sectilia mathematica reducere.

Stoicorū fal-  
 sum dogma.

Peripatetica  
 opinio.

Lege Plutar-  
 chum in lib.  
 de Stoicorum  
 contrarietati-  
 bus.

QVOD si quis pro Stoicis opponat virtutem constitutam  
 esse in recto: recto autem nihil rectius esse: proindeq; nullam  
 virtutem alia perfectiorem dari. Occurrendum recto in Mathe-  
 maticis nihil esse rectius, quia si recta linea tantulum ab extre-  
 mis subsulter, recta nō erit: cū id in essentia rectæ lineæ con-  
 tineatur. At in moralibus non ita res habet: quia v. g. actio eius,  
 qui ex affectu misericordiæ pecuniam egenti erogat, recta est,  
 vt pote consentanea rectæ rationi: actio verò illius, qui ex inten-  
 siori misericordiæ affectu, vberiore pecuniam largitur, haud  
 dubiè rectior est atque excellentior: cū perfectiori modo illud  
 officium virtutis præstet; tum quia plus, tum quia vehementiori  
 animi affectu confert.

Obiectio.

Dilutio.

SECUNDA assertio. Omnes virtutes morales, excepta iusti-  
 tia, consistunt in medio quoad essentiam, hoc est inter duos ha-  
 bitus vitiosos positæ sunt. Hæc inductione patet. Namque  
 fortitudo est inter vitium timiditatis, & audaciæ,  
 liberalitas inter avaritiam & prodigali-  
 tem, similiterq; res habet  
 in cæteris.

2. assertio.

## ARTICVLVS II.

*De medio iustitiæ.*

*Peccata contra iustitiam, sunt per defectum.*

**I**XCEPIMVS in prima assertione iustitiam, quia peculiare illi est non esse inter duo extrema vitia collocatam. Quod significare voluit Aristoteles lib. 5. Eth. cap. 5. cum docuit iustitiam non eodem modo, quo reliquæ virtutes, mediocritatem obtinere. Potestq; idem ex eo ostendi quia iustitia versatur inter plus & minus, quod est contra ius. Diximus, quod est contra ius, quia qui de suo plus dat, vel nullum committit peccatum, vel si quod committit, id non ad iniustitiam pertinet, sed ad prodigalitatem, quæ liberalitati opponitur. Quo fit, vt iustitia vnum tantum habeat extremum, cui aduersetur, nimirum iniustitiam: quia prædictum plus, & minus semper iniustitiam efficit.

**S**CIENDVM præterea est, cum virtutes morales, quæ circa passiones versantur, hominem ad se ipsum ordinent, necessariò constitutas esse in medio respectu nostri: iustitiam verò, quia operationes in ordine ad alterum dirigit in medio rei constitutam esse. Tantum enim iustitia reddere præcipit, quantum quis alteri debet, non plus minúsve: siquidem hoc modo altruitur æqualitas inter homines, quæ tunc demum existit, cum nullus ultra, aut citra id, quod suum est, obtinet: quam æqualitatem factam testamq; tueri & vindicare proprium iustitiæ munus est.

**P**ORRO cum iustitia duplex sit, vt docet Aristoteles lib. 5. Eth. cap. 2. vna distributiva, quæ cernitur in distributione bonorum Reipub. aut alterius communitatis iuxta proportionem meritum vniuscuiusque, ita scilicet vt quæ est proportio meritum vnius ad merita alterius, eadem sit proportio præmiorum ad præmia. Altera commutativa, quæ cernitur in commutationibus, & venditionibus, aliisq; eiusmodi, fit vt non idem in vtraque medium seruetur. Nam in commutativa seruetur medium secundum proportionem Arithmeticam, vt nimirum constituatur æqualitas inter rem acceptam, & id, quod per eam redditur: in distributiva autem tenetur medium secundum proportionem Geometricam, vt eadem in præmiis, quæ in meritis proportio sit. Exempli gratia, si duobus ciuibz loco præmij decem aureorum millia distribuenda sint, & ex iis vnus duplex habeat meritum, alter verò triplex: secundum Geometricam proportionem donanda erunt illi quatuor millia, huic autem sex: vt enim trium ad duo est proportio sesquialtera, ita sex ad quatuor.

## QVÆSTIO III.

Vtrum ne virtutes homini naturales sint, an eas propriis actibus acquirat.

## ARTICVLVS I.

*Virtutes in quodam sensu esse homini naturales,  
in alio non esse.*



RIOREM partem propositæ dubitationis (quæ de virtutibus acquisitis duntaxat intelligenda est) pertractauit multis in locis Plato, vt in Menone, in Protagora, in Euthydemo, etsi more suo disputans nihil ferè certi asseuerarit. De eadem quoque re varia philosophâtium dogmata refert D. Tho. in 1.2.q.63.art.1.& in disputatis q.vñica de virtutib. in commune art.8. Vt autem breuiter rem expediamus sciendum est dupliciter posse virtutes dici esse nobis naturales, vno modo, prout naturale est idem, quod conueniens naturali inclinationi, sicq; naturalis est homini cognitio veritatis. Secundò, vt naturale differt à voluntario. Quo pacto ea, quæ nobis à primæua origine, & ex principiis naturæ innata sunt & congenita, naturalia dicuntur, vt vis nutriendi.

*Bisariam vir-  
tutes dici pos-  
se naturales.*

SIT prima assertio. Virtutes sunt homini naturales priori modo. Probatur, quia homo natura sua est particeps rationis, estq; ei naturale secundum rationem viuere, vt docet D. Dionys. 4.cap. de Diu. nom. Quare cùm actiones virtutum sint consentaneæ rectæ rationi, consequens est vt hominis naturæ cōuenientes sint. Item, quia homo per naturā inclinatur ad cognitionem veri docente Aristot. 1. Metaph. c.1. & ad appetitionem boni teste eodem Aristot. 1. Ethico. cap.1. virtutes autem intellectuales feruntur in verum, morales in bonum. Postremò (quod eodem recidit) quia id, quo vnumquodque secundum naturæ suæ gradum perficitur, est illi secundum naturam conueniens, homo autem secundum gradum suæ naturæ virtutibus acquisitis perficitur & excolitur. Iuxta hanc considerationem dicuntur inesse homini virtutes à natura, non perfectè & cōpletè, sed inchoatione quadam, & tanquam in radice, è qua accedente disciplina & studio-sarum actionum exercitatione in actum prodeant.

*Aristot.*

SECUNDA assertio. Virtutes non sunt homini naturales posteriori modo. Hanc tradit Aristot. lib.2. Ethic. cap.1. Suadeturq; ex eo quia si virtutes eo modo naturales forèt, nemo iis laudem mereretur, cùm nemo nisi ex libero actu iure laudetur. Item quia non possent homines vitiis assuescere; siquidem vt docet etiam Aristot. lib.1. Magnorum Mor. cap.6. ad id, quod eo pacto est à natura

*2. assertio.*

tura inſitum, nihil proficit contraria aſſuetudo, vt patet in terra v. g. quæ quia natuam habet grauitatem, qua deorſum tendit, licet verbis locum ſuperiorem ſæpe iaciatur, nunquam ad aſcendendum aſſueſcit. Vnde etiam patet virtutes non eſſe contra naturam, alioqui non poſſent homines iis aſſueſceri.

## ARTICVLVS II.

*Virtutes acquiſitæ comparari noſtris actibus.*

3. *aſſert.*



**T**ERTIA aſſertio hæc ſit. Virtutes acquiſitæ comparantur noſtris actibus. Hæc ita ſuadet. Principia operatiua naturæ conuenientia, quæ non inſunt nobis à natura, ſed ex acquiſitione, comparantur noſtris actibus: atqui virtutes acquiſitæ ſunt principia operatiua conuenientia naturæ ad modum ſuperius explicatum: igitur comparantur noſtris actibus. Maior conſtat ex doctrina Ariſtotel. lib. 2. Ethicor. hoc enim eſt diſcrimen inter principia innata, & acquiſita, quod principia innata antecedunt actus, nec iis cõparantur: aſpectus enim antecedit actionẽ vidẽdi, nec per eam aſpectus acquiritur: at principia acquiſita ſequũtur actus, iſq; adipiſcũtur.

*Dubia.*

Vt autem pro poſitæ aſſertionis veritas magis eluceat, duæ quædam dubitationes explicandæ erunt. Prior eſt, Quonam cauſæ genere actus ſtudioſus concurret ad generandum habitus virtutis. Poſterior, Num ad comparandum eiſmodi habitum ſufficiat vnus actus, an neceſſariò plures exigantur. Priori dubitationi, omiſſa opinione Durandi, quæ lib. 9. Metaph. à nobis conſutanda erit, reſpondemus cũ Capreolo in 3. d. 33. q. vnic. art. 3. in ſolutione argumẽtorũ cõtra ſecundam conſolutionẽ, actus ſtudioſos cõcurrere, vt principia actiua ad generationẽ habituum. Enimuerũ cũ potẽtiæ, v. g. intellectus & volũtas, ſint cauſæ vniuerſales actiua habitũ, & in iis poſſint eſſe diuerſarũ ſpecierum habitus, neceſſariò danda erit aliqua cauſa particularis actiua, quæ potiẽtiã determinet ad hunc potiũs, quam illum habitum producendum, hæc autem cauſa eſt ipſe actus à potiẽtiã elicitus.

*Reſpon. ad 1. dub.*

*Ad 2.*

Ad poſteriorẽ dubitationem reſpõdemus cũ Gabriele in 3. d. 23. q. 1. dub. 4. Almaino ibid. q. 2. art. 3. & aliis per quẽlibet actũ morale bonum etiam remiſſum poſſe gigni habitum virtutis moraliſ, niſi ex parte ſubiecti aliquid impedimenti ſit. Probat, Nam quando cauſæ ſunt eiſdem rationis & ſpeciei ſi intenſior poteſt aliquem effectũ producere, etiam remiſſior eundẽ producere valer, etſi minus intenſum, modo reſiſtentia patiẽtis non exuperet agentis actiuitatem. Cũ igitur actus virtutis intenſus ac vehemens poſſit efficere habitũ virtutis, vtique etiã remiſſus habitũ cõſimilem gignet: nõ ſecus ac calor ſexto gradu intenſus producit calorẽ vt ſex, intenſus autẽ ſecundo gradu efficit calorẽ vt duo. Diximus, niſi ex parte ſubiecti aliquid impedimẽti ſit, quia



si vitiū contrarium, potentię inhæreat, & adiuitas studiosę actionis non superet illius vitij resistantiam, nequaquam per talem actionem habitus produceretur. Quod asserendum quoque est, cū iam potentia habitum virtutis summē intensum obtinet: tunc enim neque remissus, neque intensus actus, aut nouum habitum gignet, vt constat, aut maiora incrementa afferet habitui, qui totam, quam assequi potest, perfectionem assecutus iam est.

ILLVD tamē aduerſus licet per vnum actum gigni possit habitus virtutis, plerumque tamen non gigni habitum virtutis perfectę, nisi per multos actus, vt videre est in habitu temperantię. Nam cū illius materia multiplex sit, quandoquidem omnia ciborum & potuum genera comprehendit, cūque diuersis modis variari possit, nimirum pro loco, tempore, magnitudine, aliisque eiusmodi circumstantiis, nemo perfectum temperantię habitum assequetur, nisi circa istiusmodi materias & circumstantias plures actus elicerit.

*Habitus virtutis perfectę vt gignatur.*

## QVÆSTIO IV.

Virum virtutes morales sint inter se connexę.

### ARTICVLVS I.

*Argumenta partis negatiuę.*



ON excitamus quæstionem de virtutibus intellectualibus, quia certum est eas non necessariō connecti inter se, vt D. Thom. 1. 2. quæst. 65. art. 1. docet. Cuius ratio est, quia non dependēt à prudentia, cuius nexu, vt inferiūs planum fiet, inter se copulari debeant. Item, quia versantur circa materias & obiecta, quę inter se necessarium ordinem & coniunctionem non habent, vt patet in Mathematica & Theologia, variisque artium generibus. Est ergo in proposita controuersia intelligenda de virtutibus moralibus: ita tamen vt hoc nomine etiam prudentia, licet ad intellectum pertineat, comprehendatur. Aduertendum est autem ex Aristotele 7. Ethic. cap. 1. aliisque auctoribus virtutem moralem in vno trium graduum obrineri posse, videlicet in gradu continentię, in gradu temperantię, in gradu heroico. In priori gradu obtinetur virtus, cū adhuc passiões vehemētes sunt, & tamen iis resistimus. In secundō, cū passiões non ita sunt vehemētes, sed pacatiōres. In tertio, cū iam ita cohibitę ac refręnatę sunt, vt raro admodum & vix repugnent rationi. Alij hos gradus vocant incipientium, proficientium, perfectorum.

*Triplex gradus virtutis moralium.*

*De quibus  
virtutibus pro  
posita quæst.  
intelligenda sit.*

IGITUR de virtutibus in gradu heroico nulla est dubitatio, omnes enim fatentur virtutes morales in hoc gradu esse connexas, ita ut, verbi gratia, fortitudo perfectissima esse nequeat absque aliarum virtutum societate. Nam cum omnes virtutes morales mutuum sibi præstent auxilium, & aliæ aliis perfectionem adiungant: cumque virtutes in gradu heroico omnem postulent excellentiam & absolutionem, haud dubiè necessariò inter se iungantur, & coherentes erunt. Nec item de virtutibus in gradu continentiae disceptatio est: constat enim posse vnam absque aliis inueniri, quod ex iis etiam, quæ paulò post dicemus, planius euadet. Quare de virtutibus dumtaxat secundi gradus quæstio relinquatur.

*Prima opinio.*

SCOTVS in 3. dist. 36. quæst. 1. art. 1. Gabriel ibidem, Ockamus in 3. dist. 11. & 12. & quodlib. 4. quæst. 6. & Almainus tract. 3. cap. 7. arbitrantur eiusmodi virtutes non esse inter se connexas. Quæ sententia his argumentis videtur ostendi. Virtutes morales acquiruntur exercitatione: sed constat multos exercere sese in materia quorundam virtutum, non verò aliarum, ut in materia temperantiæ, non autem fortitudinis: ergo ij non omnes, sed eas tantum virtutes, in quibus se exercent, comparabunt. Præterea constat multos non posse virtutes quasdam assequi: igitur non omnes inter se sunt coniunctæ. Antecedens probatur, quia nemo nisi in magnis opibus exercet actum munificentiae, cum hæc virtus circa magnos sumptus versetur. Igitur ij, quibus magnarum opum affluentia non suppetit, haudquaquam virtutem munificentiae assequuntur. Quare perspicuum videtur non omnes virtutes etiam in gradu perfecto inter se coniungi.

## ARTICVLVS II

*Concluditur pars affirmatiua quæstionis.*

*Secunda opinio,  
qua defen-  
ditur.*



CONTRARIA tamen sententia amplectenda est, quam secutus fuit D. Ambrosius 5. lib. in Lucam explicans verba illa, *Beati pauperes spiritu*. D. Augustinus lib. 6. de Trinit. cap. 4. & in epistola 29. quæ est ad D. Hieronymum, D. Gregorius lib. 12. Moralium, cap. 1. D. Hieronymus super Esaiam, cap. 16. & 56. & 1. lib. contra Pelagianos, Arist. 6. Ethic. cap. 12. & 13. Plato in Protagora, & in lib. de Regno, Chrysippus apud Plutarchum in lib. de Stoicorum contrarietatibus. Cicero lib. 2. Tusculan. quæst. 8. lib. de Officiis. Item è Doctoribus scholasticis D. Thomas in 1. 2. q. 65. ar. 1. Caietanus ad eundem locum, Durandus in 3. dist. 33. q. 3. Capreolus in 3. dist. 36. q. vnica. art. 1. Richardus eadem dist. quæst. 1.

*D. Th. in 3. d.  
36. q. 1. art. 1.  
Et in disput.  
q. de Virtutib.  
Card. art. 1.*

*Prima ratio.*

PROBATVR verò hæc opinio in hunc modum. Perfecta liberalitas cohibet appetitum pecuniæ in omni euentu, alioqui  
non

non esset perfecta: sed hoc præstare non potest absque præsidio aliarum virtutum. Igitur liberalitas perfecta requirit aliarum virtutum coniunctionem. Minor probatur, quia si cui, verbi gratia, ex vna parte mors, ex alia pecunia proponatur ad inferendam iniuriam patriæ: certè nisi virtute fortitudinis munitus sit ad contemnendam mortem, & iustitiæ ad non inferendam iniuriam, facilè succumbet pecuniæ cupiditati. Quare non potest liberalitas absque fortitudine & iustitia, similiterque absque aliis virtutibus inueniri.

ITEM perfecta virtus moralis requirit perfectam prudentiam: atqui perfecta prudentia non potest esse absque aliis virtutibus: igitur omnes virtutes quasi communi vinculo prudentiæ inter se copulatæ sunt. Maior patet tum ex doctrina Aristotelis lib. 6. Ethicor. cap. ult. tum ex ipsa definitione virtutis, in qua virtus dicitur consistere in mediocritate, ut prudens definierit, hoc est in mediocritate præscripta secundum regulas prudentiæ. Quod verò ad vnam aliquam perfectam virtutem non sufficiat prudentia circa vnam materiam, sed perfecta & integra, atque adeo circa omnes, ex eo conuincitur, quia ut quis temperans sit, non sat est si rectè iudicet in iis difficultatibus, quæ ad temperantiam materiam spectant: sed oportet, ut in quavis re, quæ sese obtulerit, rectè sentiat, atque integrum ferat iudicium: alioqui, ex affectu auaritiæ, aut timiditatis iudicabit intemperatè agendum esse. Minor suadetur, quia similiter nisi prudens omnium virtutum ornamentis excultus sit, non potest ferre perfectum sanumque iudicium de rebus agendis, nec quid fugiendum, aut amplectendum sit, ut oportet, decernere: cum liquidò constet passionum impetus, nisi virtute cohibeatur, rationem excæcare, rerumque æstimationem, sine qua prudentia nulla est, peruertere. Constat igitur nec alias virtutes sine prudentia, nec prudentiam absque aliis virtutibus posse consistere.

SOLET etià quæri num ut omnes morales virtutes connexæ sunt, ita omnes in eodem homine inter se æquales sint. Cui dubitationi breuiter occurrendum, si de perfectione essentiali loquamur constare non esse omnes inter se æquales, cum ea, quæ specie distinguuntur, disparem habeant essentiali perfectionem. Quod similiter pronuntiandum erit de perfectione intensiua, quæ per actuum repetitionem habitibus aduenit: cum planum sit eundem hominem nõ æquè frequenter sese in omnibus exercere virtutibus: ac proinde non omnium virtutum habitus æquè intendere. Si tamen sermo sit de perfectione, quam vnaquæque virtus in eodem homine ex coniunctione & societate aliarum virtutum assequitur, dicendum erit omnes virtutes hac consideratione æquè perfectas haberi: quandoquidem non minus perficitur fortitudo ex consortio temperantiæ, quàm iustitia ex consortio eiusdem: nec minùs perficitur liberalitas ex consortio sobrietatis,

*Dub.  
Respon.*



brietatis, quàm alterius virtutis: similiterque res habet in ceteris, cum istiusmodi perfectio in singulis virtutibus ex coniunctione vniuersatum, & in vniuersis ex singularum copulatione efflorescat. Consule Durandum in 3.d.36.q.5.

## ARTICVLVS III.

*Dissoluntur primi articuli argumenta.*

Sol.1.



RGVMENTA, quibus ostendi videbatur non omnes virtutes inter se colligatas esse, hunc in modum explicanda erunt. Ad primum dicendum si quis se in materia vnius dumtaxat virtutis, V. G. temperantiæ exercuerit, solam temperantiam consecuturum: non tamen perfectam, quousque cæteras virtutes compareret, cum sine earum præsidio non possit firmitatem & constantiam habere ad seruandam in quolibet euentu moderationem. Adde neminem posse diu in omnibus euentis temperatè viuere, nisi passiones, quæ proximè remotèue temperantiam oppugnant, aliarum virtutum actionibus cohibeat: atque adeò quin simul virtutes alias adipiscatur.

Sol.2.

AD secundum respondendum est cum D. Thoma in 1.2. q.65. art.1. Durando in 3. d.36. q. 3. & Capreolo loco citato virtutum moralium quasdam perficere hominem secundum communem vitæ statum, id est, quo ad ea, quæ passim & communiter agenda occurrunt, cuiusmodi sunt fortitudo, iustitia, liberalitas, abstinencia, cæterarumque huiusmodi: alias hominem perficere secundum aliquem eminentem statum, & ad quædam præclara munia obeunda, cuiusmodi sunt magnanimitas, quæ in magnis honoribus: & magnificentia, quæ in magnis sumptibus versatur. Igitur virtutes prioris generis sic inter se colligatæ sunt, vt nemo vnā perfectè sine aliis obtinere queat: virtutes verò posterioris generis non oportet, vt actu habeat is, qui reliquis omnibus sit præditus: obtinet tamen eas in potentia propinqua, & animi præparatione. Nam qui in mediocri pecunia ita gessit, vt liberalitatem seruarit, is si ad magnam rerum affluentiam & abundantiam venerit, facillè magnificentiam consequetur. Item qui in mediocribus honoribus sese modestum exhibuit, cum ad maximos euectus fuerit, facillè magnanimitatem comparabit. Quare cum id, ad quod proximam obtinemus dispositionem, iam habere dicamur, iuxta illud Aristotelis 2. Physicor. cap.5. textu 56. Quod parum abest nihil abesse propemodum videtur, sit, vt non sit absolute negandum etiam magnificentiam, & magnanimitatem cum reliquis virtutibus copulatas esse.



## QVÆSTIO V.

Vtrum in appetitu sensitivo aliquæ virtutes insint.

## ARTICVLVS I.

*Sententia Scoti & aliorum.*

**P**ROPOSITA quæstio non de omni virtute morali, sed de sola temperantia & fortitudine excitari solet. Nam quod iustitia in voluntate hæreat communis est philosophorum & theologorum consensus. Scotus in 3. d. 33. q. 1. duo statuit pronuntiata. Alterum est fortitudinem & temperantiam, vt propriè ac simpliciter virtutes morales sunt, residere in volūtate. Alterum, dari in appetitu tam irascibili, quàm concupiscibili aliquos habitus, quibus circa fortitudinis & temperantiæ materiam recte afficiantur, qui tamen habitus ad virtutis dignitatem non pertingant. Scoto assentiuntur non eius tantum discipuli, sed plerique alij, vt Gabriel in 3. d. 23. q. 1. & d. 33. q. 1. Ochamus in 3. q. 10. & 11. & Quodlib. 2. q. 16. Almainus Moralium tract. 3. cap. 6. Buridanus 1. Ethic. q. ult.

*Opinio Scoti.*

PRIMUM pronuntiatum hisce argumentis ostenditur. Virtutes morales insunt in ea potentia, ad quam pertinet electio, & libertas: cum virtus moralis definiatur habitus electiuus, & eius bonitas in actione duntaxat libera inueniatur: atqui electio est actus voluntatis, non appetitus sensitivi, & voluntariis actiones propriè ac simpliciter liberæ sunt: non autem quæ ab appetitu sensitivo exercentur. Igitur virtutes morales non in appetitu, sed in voluntate hærent.

*Virtus moralis habitus electiuus.*

SECUNDÒ. Negari non potest nos à voluntate elicere actus circa materiam temperantiæ & fortitudinis, vt cum moderatum cibum eligimus: cum, etiam repugnante appetitu, constanter dolores perferimus, & pericula adimus: igitur per istiusmodi actus gignentur in voluntate habitus fortitudinis & temperantiæ.

TERTIÒ. Voluntas eget harum virtutum habitibus: sed vt proxime ostensum fuit, potest eos suis actibus comparare: non est ergo cur negemus inesse illos voluntati. Maior suaderetur, quia voluntas magnam experitur difficultatem in amplectendo bono contra passionum impetus, adeò vt iis non alliciatur solum, sed interdum quasi inuita rapiatur iuxta illud D. Iacobi 1. vnusquisque tentatur à concupiscentia sua abstractus, & illectus.

ALTERVM Scoti pronuntiatum ex eo ostenditur, quia ad cohibendas effrenatas appetitiones vtriusque appetitus tam irascendi, quàm concupiscendi, ne rationem turbent, voluntatemq; ad se trahant, opus est habitibus, qui in vtroque appetitu insint,

In lib. Ethic. Arist.

K

&

& eiusdem actibus comparentur : at quod ij nequaquam perfectæ virtutis rationem obtineant ex eo constat , quia vt paulò antea diximus , neque electio , neque perfecta libertas , quas perfectæ virtutis notio requirit , in inferiorem appetitum conueniunt.

## ARTICVLVS II.

*Defenditur opinio D. Thomæ eiusque sectatorum.*

**F**IVVS THOMAS in 1.2. q. 56. art. 4. & Caietan. ibid. Capreolus in 3. d. 33. q. 1. ad argumenta contra 1. conclusionem, Fetrat. 1. cōtra gentes cap. 92. Egidius Quodlib. 4. q. 18. Sotus lib. 3. de Iustitia & iure, q. 21 art. 4. & alij aduersam opinionem defendunt, quæ hac assertionem continetur. Fortitudo & temperantia non inhaerent in voluntate, sed in appetitu sensitivo. Huiusce assertionis prior pars eo potissimum fundamento nititur apud D. Thomam, quia pro certo statuit nullam potentiam indigere aliqua qualitate, qua inclinetur ad id, ad quod suoptè ingenio propensa est, quo modo se habet voluntas tum ad bonum in commune, tum ad quodlibet particulare bonum proportionatum supposito ipsum expetenti, cuiusmodi est inquit omne bonum rationis, quod est ordinis naturalis, & proprium tali supposito, eiq; commensuratum. Cum igitur rationis bonum, quod cernitur in cohibendis passionibus appetitus sensitivi, sit bonum quoddam ordinis naturalis ipsi expetenti proprium, nec eius vires excedens, sit vt voluntas non egeat habitu, quo in tale bonum feratur, egeat tamen appetitus sensitivus, qui ex sua natura non tendit in bonū rationis, vrpote illius mensuram & captum exuperans, sed in bonum delectabile. Dabitur nihilominus in voluntate habitus iustitiæ, quia hæc virtus ordinat immediatè affectum hominis ad bonum alterius: siquidem iubet reddere unicuique suum.

*Obiectio.*

QVOD si quis opponat, etiam intellectum inclinari ad verum, & tamen dari in eo habitum, quo primis principiis assentitur. Occurrendum diuersam esse utrobique rationem, quia intellectus non potest ferri etiam in propositiones notissimas, quin in se prius extremorum species recipiat. Quare sicuti per notitias extremorum determinatur ad assentiendum, neque ei sufficit inclinatio naturalis, ita nihil mirum si admittat habitū relictum ex assensu, quò melius inclinetur: at voluntas nihil intra se deponit, vt propendeat in obiectum sibi prædicto modo commensuratum. Adde diuersum inclinandi modum utrique potentie conuenire. Nam voluntas per inclinationem tendit quodam modo extra se in rem amatam: vnde est quod anima magis dicitur esse vbi amat, quàm vbi animat. At intellectus trahit ad se rem cognitam. Vnde ex hac inclinationis diuersitate fieri videtur, vt voluntas

*Fundamentum  
opinionis D.  
Tho.*

*Anima magis  
vbi amat, quàm  
vbi animat.*

voluntas suo quasi pondere absq; ope aduentitia habitus feratur per se in obiecta, de quibus antea diximus, nō ita verò intellectus.

POSTERIOR pars assertionis, videlicet quod fortitudo, & temperantia insint in appetitu sensitivo, confirmatur in primis testimonio Aristot. qui lib. 3. Ethicor. cap. 10. ait fortitudinem & temperantiam esse partium animæ irrationalium, hoc est ad appetitum sensitivum pertinere, & lib. 2. c. 3. ex instituto probat has virtutes versari in moderandis voluptatibus & doloribus, quæ sunt affectiones appetitus sensitivi. Nec satisfaciunt qui respondent Aristotelem intelligendum de habitibus illis bonis in appetitu sensitivo inhaerentibus, qui à perfecta propriaq; virtutis ratione degenerant, nec sunt illa fortitudo vel temperantia, quæ in virtutibus Cardinalibus censentur. Non, inquam, satisfaciunt, quia si Aristoteles aliam temperantiam, aliamq; fortitudinem in voluntate collocandas putasset, profectò earum mentionem in tradendis virtutibus fecisset, quam tamen nullibi fecit. Secundo probatur institutum hac ratione. Cum virtus circa difficile versetur, vt Aristoteles in 2. Ethicorum communi assensu docet, oportet illam in ea potentia residere, in qua difficultas ad eius materiam pertinens viget. At difficultas seruandi mediocritatem in passionibus oritur ex appetitu sensitivo, cuius actus sunt ipsæ passiones, vt satis indicât verba illa D. Pauli ad Rom. 7. video aliâ legem in membris meis repugnantem legi mentis meæ: ergo &c.

*Consultatio  
responsionis.*

*Virtus circa  
difficile.*

Hic ita disputatis etsi vtraque pars controuersie admodum probabilis sit, libet tamen posteriorem defendere, quæ magis Peripatetica est, vt constat ex testimoniis Aristotelis paulò ante citatis, fateturq; D. Bonaventura in 3. d. 3. q. 3.

## ARTICVLVS II.

*Dissoluuntur argumenta, quæ priorem sententiam  
confirmabant.*



VARE rationes prioris sententiae hunc in modum explicandæ erunt. Ad primam, quæ primum pronuntiatum ostendere nitebatur, dicendum, etsi libertas & electio prius perfectiusq; voluntati, quàm appetitui conueniant, tamen suo etiâ modo cadere in actus appetitus sensitivi, quatenus mouetur à voluntate, & ei ciuili obsequio parendq; sat esse vt eius habitus electiuus nuncupetur. Ad secundam respondendum est per eiusmodi actus non gigni in voluntate temperantiam, aut fortitudinem, cum voluntas iis habitibus non egeat, vt paulò ante exposuimus. Ad tertiam dicendū esto in bono rationis contra insurgentes passionum impetus tuendo amplectendq; difficultatem sentiamus: eam tamen difficultatem non ex ipsa voluntate, sed ex appetitu sensitivo provenire:

*Sol. 1.*

*Sol. 2.*

*Sol. 3.*



ad quam propulsandam sat est appetitus opera beneficioq; virtutum rectè disponi ac mitigari. Faretur tamen Aristoteles lib. 7. Ethico. dum appetitus prælidio virtutum communitus non est, egere voluntatem ad repugnandum effrenatis passionum motibus qualitate quadam, quæ continentia dicitur, quæ tamē qualitas non mereatur absolutè virtutis nomen, (et si ad habitus studiosos pertineat) quia non tam voluntatem firmat & corroborat, ut passiones oppugnet ac vincat, quàm ut ne ab illis capiat, sed in arce rationis sese contineat: unde & continentia nomen habet: tum præterea, quia non reddit voluntatem simpliciter expeditam promptamque ad actiones studiosas (quod virtutis proprium est) cum se tantum exerceat & in actum prodeat, dum in appetitu vehementes passionum motus oriuntur, quibus voluntas difficilè resistit, iis enim postea virtutum habitu edomitis & cohibitis, nullus iam est continentia vsus, sed illos iam multò languidiore voluntas ipsa per se retardat.

Ex his patet quid respondendum sit ad eam rationem, qua secundum aduersariæ sententiæ pronuntiatum nitebatur. Nec enim voluntarij necessarij sunt habitus virtutum in ea insidentes ad refræandos motus appetitus sensitiui: & habitus, quos in eodem appetitu ad hoc munus præstandum constitumus, propriè virtutes sunt.

*In Angelis nõ  
esse fortitudi-  
nem aut tem-  
perantiam,  
Obiect. 1.*

Ex dictis facilè quivis intelliget, cum in Angelis non sint appetitus sensitiui, non competere eis habitum fortitudinis aut temperantiæ, et si contrarium admitti posse dicat Scotus in 3. distinct. 33. quæst. vnica. Quod si quis obiiciat Angelum oblatum temperantiæ aut fortitudinis obiecto posse rectè eligere quid esset acturus, & ex hisce electionibus repetitis debere talium virtutum habitus comparare. Occurrendum erit eiusmodi conditionatas electiones, (quas quidam in Angelis dari negant) si dentur, non sat esse ad generandos earum virtutum habitus, qui non nisi per actus sibi proprios gignuntur: ij verò elici nequeunt vbi deest ipsorum materia, ratioque obiectiva in ordine ad subiectum, quod operatur: constat autem deesse respectu angelorum.

*Solut.*

Non proinde tamen desinent in beatis esse post resurrectionem prædicti habitus; esto in eo statu non iam possint insurgere immoderatæ passiones, quarum impetum debeant colibere: sat enim est convenire eis appetitum sensitiuum, nec alienam esse ab eorum natura materiam, rationemq; formalem: alium virtutū, nec earum possessionē dedecere felicē illam virā omnibus bonis cumulatam, quin potius ad illius perfectionē inagnopere requiri, cum vnū ē potioribus appetitū ornamentis sint virtutes. Quæ propter erunt in beatis reliqui etiā habitus moralium virtutū, nec ij tantum, quorum actus ibi exerceri poterunt, sed etiam reliqui omnes: ante resurrectionem quidem illi, qui in animo hærent, postea

*Ita sentit D.  
Th. 1. 2. q. 67.  
artic. 1. ad 1. q.  
le. an 3. d. 33.*

*In beatis erunt  
habitus moraliū  
virtutum.*



postea verò tum hi, tum reliqui, qui in appetitu sensitiuo insident. In quam sententiam lege quæ scripsit D. Augustinus lib. 14. de Trinitate, cap. 9. Beda ad cap. 26. Exodi. Magister Sententiar. in 3. dist. 33.

## QVÆSTIO VI.

Sit ne apta virtutum diuisio, an non.

### ARTICVLVS I.

*De diuisione virtutum in intellectuales & morales.*



MISSA opinione Menedemi Eritriensis, Aristochij, & Zenonis Cittici, qui vnā tantū virtutem esse contendebant, variæ multiplicēsque virtutum non solo nomine, sed natura etiā differentium sectiones traditæ à Philosophis sunt, ab Aristotele passim in libris de Doctrina Moraliū, à Platone in 4. lib. de Repub. ab Alcinoō in libro de eius Doctrina, Plotino in lib. de Virtutibus, cap. 3. Iamblichō in lib. de Mysteriis Ægyptiorum, Porphyrio in lib. de Occasionibus, Theage Pythagoreo in lib. de Virtutibus, Macrobio in lib. de Somnio Scipionis. Item à Scholasticæ Theologiæ professoribus in 2. distin. 27. Primum igitur virtus, vt iam suprà attingimus, in commune sumpta distribuitur in intellectuales, & morales docente Aristotele 2. Ethic. cap. 1. Virtutes intellectuales sunt, quæ in intellectu inhaerent: morales, quæ in appetitu sedem obtinent. Rursus virtutum intellectualium alię sunt contemplatiuę, alię practicę. Contemplatiuę, quæ in contemplatione, & cognitione veritatis positę sunt, neque praxim respiciunt. Practicę, quæ praxim spectant, & in opus incumbunt. Contemplatiuę sunt tres, vt Aristoteles tradit 6. Ethicor. cap. 3. intellectus, scientia, & sapientia. Intellectus est habitus contemplatiuus, quo quis inclinatur ad assentiendū firmiter, & euidenter primis principiis, cuiusmodi sunt hæc: Omne totum est maius sua parte. Si ab æqualibus demas æqualia, quæ remanent æqualia sunt. Scientia, vt à sapientia distinguitur, est habitus contemplatiuus, quo quis inclinatur ad assentiendū firmiter, euidenterque necessariis conclusionibus non tamen per supremas causas. Denique sapientia est habitus contemplatiuus, quo quis inclinatur ad assentiendū conclusionibus necessariis per primas & supremas causas, qualis est prima philosophia.

PRACTICÆ tres numerantur, nempe synderesis, prudentia, & ars. Synderesis est habitus practicus, quo quisque redditur propensus ad assentiendum primis & communissimis principiis

*Virtus intellectus.*

*Intellectus quid sit.*

*Scientia.*

*Sapientia.*

*Synderesis.*

*Lege Arist. 6. Ethic. c. 3. 6. 11. & 11. Metaphysic. c. 1. & 1. Magno, Mor. cap. 33.*

*Arist. 6. Ethic. c. 6. D. Th. 1. p. q. 79. ar. 12.*

moralibus; quale est illud, Bonum amplectendum est, malum vitandum. Item illud, Quod tibi vis, alteri facias: quod tibi non vis, alteri ne feceris. Prudentia est recta ratio agibilium, id est, actuum humanorum in nobis immanentium. Licet enim prudentia etiam externos actus regat, circa internos tamen, unde  
*Prudentia.* *Ars.* externi manant, præcipuè versatur. Ars est recta ratio factibilium: factibilia verò appellantur, quæ fiunt per actionem transeuntem in externam materiam, ut domus. Accipitur autem hîc ars presens, alioqui etiam scientiæ, tam contemplatiuæ, quàm practicæ, artis nomine comprehenduntur.

*Virtus moralis unde nomē comparauit.*

Quod ad virtutes morales spectat, dicitur virtus moralis à more prout mos naturalem, vel quodammodo naturalem inclinationem ad aliquid agendum significat: talem enim inclinationem potentiis conferunt habitus virtutum moralium, quibus peculiaris est huiusmodi ad actum propensio, quatenus facultas appetens, in qua inhærent, alias potentias ad agendum mouet, ut explicat D. Thomas in 1.2.q.18.art.1.tum verò quia appetitus ita in rem desideratam propendet, ut in eam quasi extra se feratur, atque adeò peculiari modo in eam inclinetur.

*Lege Aristot. lib.1. Magna-Moral. c.5.*

*Triplex appetitus.*

Porrò quemadmodum facultas appetens est triplex, voluntas, appetitus concupiscendi, & appetitus iræ: ita ad has animi facultates in officio continendas, ornandasque tres oportet dari morales virtutes, iustitiam in voluntate, temperantiam in appetitu concupiscendi, fortitudinem in appetitu iræ. Quod si nomen virtutis moralis laxiori significato usurpetur, hisce tribus annumeranda erit prudentia, licet non in appetitu, sed in intellectu inhæreat. Iure autem illis annumeratur, quod earum regula sit, & ad eius normam præscriptionemque suos actus componant appetitus, quoties ex illarum trium virtutum habitu operantur. Tum quod perfectio prudentiæ non absoluitur intra fines intellectus, antequam rectitudo in appetitu inueniatur, quidquid in aduersam partem scripserit Scotus in 3. distin. 36. quæst. vnica. Dicuntur autem hæ quatuor virtutes, Cardinales, quo nomine eas appellauit D. Ambrosius ad cap.6. Lucæ, & D. Hieronymus ad cap.1. Matthæi, propterea quod ut fores Cardinibus, sic illis omnis moralis vitæ honestas & sanctitas fulciatur. Lege etiam D. Ambrosium in libro de Paradiso, cap.3. D. Augustinum lib.13. de Ciuitate Dei, cap.21. D. Gregorium libro2. Moral. cap.36. & Philonem lib.1. Allegoriarum, vbi quatuor Paradisi fluminibus totam terram interfecantibus comparant has quatuor virtutes, quæ vberissimis fluentis honestarum actionum vitam nostram irrigant.

*Quatuor virtutes Cardinales.*

*Remotio obiecti.*

115, quæ diximus non obstat, quod D. Augustinus in lib. de Moribus Ecclesiæ, cap.15. affirmat quatuor virtutes morales nihil esse aliud, nisi amorem rectè compositum: nec quod lib.15. de Ciuitate Dei, cap.22. docet, veram virtutem esse ordinem amoris, quibus

quibus verbis omnes virtutes in appetitu, ad quem amor pertinet, videtur constituere. Nec enim aliud indicat, quàm virtutem præstare, vt rectè amemus: siquidem quisquis virtutum præsidio sepius est, & ex earum regula agit, nihil præposterè, aut inordinatè expetit.

## ARTICVLVS II.

*De virtutis distributione in acquisitas & infusas.*

**S**OLET etiam virtus latè accepta in acquisitam & infusam diuidi. Virtus acquisita, est quæ nostris actibus comparatur. Infusa, quæ non acquiritur nostris actibus, sed à Deo infunditur. Sciendum verò est ex D. Thoma in 1.2. quæst. 52. art. 4. dupliciter habitus dici infusos, per se, vel per accidens. Etenim qui nostris actibus acquiri possunt, & tamen diuinitus tribuuntur, per accidens infusi vocantur, cuiusmodi fuit scientia Adamo, & Salomoni munere cœlesti concessa: qui verò non aliter, quàm diuina infusione adipisci queunt, infusi per se dicuntur, vt gratia.

*Virtus acquisita.  
Virtus infusa.*

VERSATUR autem in disceptatione vtrum aliquæ sint virtutes morales per se infusæ. Negat Durandus in 3. dist. 33. quæst. 6. Argentinas eadem dist. quæst. vnica, art. 1. Ochamus in 4. quæst. 3. artic. 3. in eandemque partem magis inclinat Scotus in 3. dist. 36. quæst. vnica, artic. 3.

OPPOSITVM tamen asserendum est cum D. Thoma in 1.2. quæst. 63. art. 3. Caietano ibidem. Capreolo in 3. dist. 33. quæst. 1. aliisque compluribus. Cuius sententiæ veritas paucis concludi potest hùc in modum. Virtutes morales acquisitæ versantur circa medium per comparisonem ad rectam rationem, regulamque humanam, & in ordine ad vltimum finem naturalem. Atqui in ordine ad supernaturalem finem, & secundum diuinam regulam sæpè medium aliter statui oportet (multa enim sunt respectu beatitudinis supernaturalis, quæ non ita fierent si naturalis duntaxat beatitudinis ratio haberetur.) Igitur necessario præter virtutes morales acquisitas, quæ cum naturali fine regulæque humana proportionem habent, dandæ erunt aliæ virtutes infusæ ab iis specie distinctæ, quæ supernaturali beatitudini & diuinæ regulæ apte congruentèrque respondeant.

*Dari virtutes morales per se infusas.*

NEC satisfaciunt aduersarij dum inquirunt ad hoc præstandum sat esse charitatem infusam, à qua virtutum actus imperentur, & lumen fidei, quod ostendat quonam pacto ij elici debeant, vt ad supernaturalem finem accommodati sint. Etenim virtutes Theologicæ, cum habeant Deum pro obiecto, ordinant hominem ad beatitudinem respectu Dei immediatè, non autè respectu aliorum obiectorum, quæ ad eandem beatitudinem referri oportet.

*Dilutio argumenti aduersariorum.*



ter. Quare ponendæ erunt aliæ virtutes eiusdem ordinis cum charitate & fide, proindeque infusæ, quibus homo tanquam idoneis & perfectis instrumentis utatur, & pro dignitate priuatim atque ex officio in supernaturalem beatitudinem ordinetur.

## DISPUTATIO OCTAVA. DE PRUDENTIA.

### QVÆSTIO I.

Vtrum prudentia rectè ab Aristotele definita sit.

#### ARTICVLVS I.

*Approbatur, particulatimque exponitur definitio  
prudentia.*



**N**UNC de singulis virtutibus moralibus differendum erit, ac primum de prudentia, quæ inter eas principem locum obtinet, tum quia residet in intellectu, qui appetitu nobilior est, tum quia cæteras regit. Vnde D. Gregorius lib. 2. in Ezechielem, homil. 22. docet alias virtutes nisi quæ agunt prudenter agant, virtutes esse nequaquam posse, & Plato virtutes omnes ad prudentiam reuocabat, illasque sine huius præsidio quasi Dædali statuas solutas, fugaces, & instabiles esse aiebat. Disputat autem de prudentia Aristoteles 6. Ethicor. cap. 5. Diuus Augustinus cap. 4. Plutarchus in libro de Fortuna. Cicero lib. 5. de Finibus. Diuus Thomas in 2. 2. à quæst. 47.

*Stobæus ser.  
3. & 4.*

*Prudentia  
quid sit.*

**I**CITVR prudentia communi Philosophorum assensu hunc in modum definiit Aristoteles lib. 6. Ethicor. cap. 5. Prudentia est habitus agendi vera cum ratione circa ea, quæ homini bona, aut mala sunt. Dicitur habitus vera agendi, id est, verus, ut reiciantur non solum habitus perpetuò falsi, cuiusmodi est error, sed etiam ij, qui interdum in falsitatem incurrunt, ut opinio & suspicio. Dicitur agendi, id est, ad actionem dirigens, ut excludantur non modo habitus contemplatiui, verbi gratia, scientia & sapientia, qui sola inspectione veritatis contenti sunt, nec ad actionem proximè diriguntur: sed etiam ars, quæ licet habitus verus sit, non est tamen habitus agendi, id est, ex eorum numero, qui in interna actione versantur (sic enim actio eo loco sumi debet) sed faciendi, hoc est, qui in effectiōnem, siue externum opus incumbunt. Additur, circa ea, quæ homini bona, vel mala sunt, ut remouean

*Alias prudentia definitio-  
nes tradit D.  
Aug. 1. lib. de  
Lib. arb. c. 13.  
& li 83. qua.  
q. 31. D. Hier.  
ad 1. c. epistolæ  
Ephes.*

*Prudentia ha-  
bitus practi-  
cus.*

mouean



moueantur nonnulli habitus, qui licet veri sint, & immanentes actiones præcipuè spectent: non tamen humanarum actionum probitatem curant, vt Dialectica: id enim prudētiz munus est, vtpote quæ rectè viuendi rationem tradit, & quid fugiendum amplectendūve sit præscribit.

A superiori definitione nihil re ipsa differt ea, quam proxima quæstione attulimus ex D.Thoma in 2. 2. q. 47. artic. 5. videlicet, prudentia est recta ratio agibilium, seu habitus verus, agibilia, id est, immanentes vitæ humanæ actiones, dirigens. Quoniam verò de iis, quæ agenda sunt, rectè iudicare nemo potest nisi circa ea, probè affectus sit, vt alibi hoc opere monuimus: constat prudentiæ dictamina requirere probam voluntatis affectionem. Ideoq; cū prudentia dicitur recta ratio, non intellectus solum, sed voluntatis etiam reſtitutio significatur. Quam tamen reſtitutionem voluntatis non exigit moralis philosophia. Vnde est quod habentem non simpliciter bonum facit, proindeq; nec perfectam virtutis rationem obtinet, vt prudentia.

*Moralis Philosophia cur non sit perfecta virtus.*

## ARTICVLVS II.

*Qua ratione intelligendum sit prudentia non subesse falsum.*



**I**VR tamē quæſierit aliquis quo nam modo prudentia dicatur ab Aristotele habitus agendi vera cum ratione, si versatur circa contingentia, quæ, vt suapte natura in vtramque partem cadunt, ita iudicium intellectus fallere possunt. Pro explicatione huiusce difficultatis aduertendum est quemadmodum intellectus diuiditur in speculatiuum & practicum, vt ex Aristotele 3. de Animac. 10. tex. 49. docuit S. Thomas 1. p. q. 79. artic. 1. ita duplicem esse veritatem, alteram speculatiuam, alteram practicam. Prior spectatur penes conformitatem cognitionis siue intellectus cognoscentis ad rem cognitam: de eaq; intelligitur illud Aristotelis in lib. 1. Periherm. cap. 8. quia res est aut non est ideo enuntiatio vera est, aut falsa. Posterior autem, vt ad præsentem locum spectat, consistit in adæquatione rationis ad appetitum rectum, vt constat ex iis, quæ tradit etiam Aristoteles lib. 6. Eth. cap. 2. Quam appetitus reſtitutionem virtutes in eo residentes præstant. Ex hac duplici veritatis notione fit, vt nullus habitus speculatiuus sit absolute verus, nisi circa obiectum necessarium, & quod aliter se habere non possit, verſetur: cum eius veritas à conditione obiecti dependeat. Practicus verò quamuis tendat in obiectum contingens possit nihilominus esse veritati consentaneus, si recto appetitui adæquetur, quicquid sit de conformitate ad obiectum secundum se & ex sua natura spectatum.

*Duplex veritas.*

*Veritas circa  
quam versa-  
tur prudentia.*

Hinc non difficile iam erit perspicere cur prudentia circa verum perpetuò insistat, neque vnquam erret. Nam cum supponat voluntatis rectitudinem, oportet eius actum esse verum practicè, prout habet ordinem ad voluntatem rectam, cui cõformatur: & si in obiectum contingens tendat, atque adeo speculatiuè falsus deprehendi possit. v.g. quod mediocritas, quam temperantia requirit, sit in hac aut illa cibi quãtitate, ex accidente est, cum in maiori, aut minori pro ratione circumstãtiarum seruari queat: si tamen hæc definita quantitas sit recto appetitui conformis, vtique certum est indicium, quo intellectus eam quantitatè esse mediocrem, atq; aded eligendam præscribit, esto contingat speculatiuè falsum esse ob aliquem errorem citra culpam iudicantis.

## QVÆSTIO II.

Vtrum actus prudentiæ cuiusque partes rectè tradantur.

### ARTICVLVS I.

#### *De actibus prudentiæ.*

*Prudentia non  
statuit finem  
virtutibus.*



N hac dubitatione sciendum primò est prudentiam non præstituire finem virtutibus moralibus ad enim pertinet ad naturalem rationè & synderesim, quæ se habet ad prudentiam vt intellectus principiorum ad scientiam. Itaque prudentiæ munus est per se de medijs tantum, seu de iis, quæ ad finem sunt, disponere, dirigendo nimirum alias virtutes morales circa media ad earum fines obtinendos accommodata, vt docet Aristoteles lib. 6. Ethic. c. 13. & D. Tho. in 2. 2. quæst. 47. art. 8. vbi lege Caietanum Scoto pro D. Thoma respondentem.

*Tres actiones  
prudentiæ.*

Sunt autem tres actus ad prudentiam spectantes, vt docet Arist. 6. Ethic. c. 9. & 10. quorum primus est consultare & inquirere media. Constituto enim fine, ad quem quis obtinendū animum applicat, mouet voluntas intellectum, vt inuestiget media ad illum assequendum idonea. Secundus est, iudicare quæ nam è medijs inuentis ad finem adipiscendum magis conducant. Tertius, præcipere siue imperare vt ea, quæ iudicata sunt, perficiantur, qui est actus rationis siue intellectus dirigentis mouentisq; voluntatem ad executionem.

*Imperium quid  
sit.*

Quod vt planius intelligas aduerte facta mediorum inquisitione ac iudicio, & consentiente voluntate efficaciterq; eligente mediū illud, quod ad finem consequendum magis conducere visum est, intellectum interna quadam locatione denuntiare atque intimare quid agendum sit. Itaq; imperium consistit in hac dēnuntiatione & intimatione, qua intellectus voluntatem eius, cui

cui imperat, ad agendum permouet. Vbi cernis ad imperiū praequiri voluntatis consensum & efficacem electionem: rursusq; ab intellectu excitari voluntatem vi huiusce cōsensus & electionis. Nisi enim voluntas medium eligeret, nequaquam intellectus ad agendum impelleret.

Es r autem imperium actus ipsi prudentiæ peculiariter conueniens, vt progressu patebit, in quo ratio legis consistit, quicquid in contrariam partem nonnulli asseruerint existimantes legem non ad intellectum, sed ad voluntatem pertinere, quorum opinio ex eo breuiter confutatur, quia quantumlibet princeps aliquid à subditis fieri velit, etiam si de eius voluntate constet, non habet ea voluntas vim legis, nec ad eam implendam ciues alstringuntur, nisi deinde accedat præceptio illa, quæ per intellectum fit. Item quia lex est formaliter directio, & regula, dirigere verò pertinet ad intellectum, vt constat ex doctrina Arist. 10. Ethic. c. 9. Quod si quis obiciat legem diuinam naturalem esse verè legem, & tamen antecedere omnē actum voluntatis diuinæ, quemadmodum & scientia naturalis Dei, consideratione nostra, est prior omni actu diuinæ voluntatis: quare aut legem non consistere in imperio, aut imperium non supponere actum voluntatis.

OCCURRENDUM erit cum in illo imperio legem constituimus non loqui nos de lege naturali, quæ talis est, sed de lege positua. Re enim vera quāuis Deus non præciperet nequis mentiretur, quisque nostrum teneretur mendacium fugere, quia id suapte natura, & intrinseca ratione malum est: non teneretur, tamen lethalia peccata confessione expiare, nisi id Deus præciperet. Itaque si legis nomen accipjatur, prout tantum significat regulam seu mensuram actionis alicuius ad quam operas tenetur sese conformare, tunc etiam dictamina iuris naturalis, & si nullum actum voluntatis, aut intimationem supponat, leges dicuntur: non tamen si lex sumatur minus latè, sic enim cōsistit in illo imperio, quod diximus. Verū utrolibet modo lex sumatur semper est actus prudentiæ, atq; inter cæteros præcipua dignitate eminens.

## ARTICVLVS II.

*De partibus prudentiæ quæ integrantes vocantur.*



VOB ad prudentiæ partes attinet, sciendum ordinariè in qualibet virtute tria partium genera inueniri, nempe integrantes, subiectas, potentiales. Integrantes partes dicuntur, non quod virtutē ipsam integrēt & cōponant, sed quod ad perfectum illius actum omnes eas concurrere oporteat. Partes subiectæ virtutis appellantur, quæ sub ea continentur, quo etiam pacto homo dicitur pars subiecta animali. Potentiales partes dicuntur virtutes adiunctæ, quæ ideo poten

*Tria partium genera in virtutibus.*

tentiales nuncupantur, quia non totam principalis virtutis potestatem in se cohibent, quemadmodum singulæ partes animi potentiales, ut intellectus, & voluntas, non includunt in se totam animi vim, & facultatem.

*Partes integrantes prudentiæ.* Igitur partes integræ prudentiæ octo numerantur à D. Thoma in 2. 2. q. 48. videlicet memoria, intelligentia, docilitas, solertia, ratio, providentia, circumspectio, & cautio. Quarum quinque priores spectant ad prudentiam, ut est habitus cognoscendi: tres autem posteriores ad eandem pertinent quatenus præcipit applicando cognitionem ad opus. Cuius diversitatis ratio est, quia circa cognitionem tria consideranda occurrunt. Primum ipsa cognitio, quæ si præteritorum sit, dicitur memoria: si præsentium, siue ea sint contingentia, siue necessaria, vocatur intelligentia intellectusve. Non accipitur verò tunc intellectus pro ipsa potentia intelligendi præcisè, sed prout importat rectam æstimationem alicuius principij morales, à quo progressus rectæ rationis agibilibus, id est, prudentiæ deriuatur. Secundò occurrit ipsa cognitionis acquisitio, quæ vel fit per disciplinam, & ad hoc spectat docilitas, qua quis redditur promptus ac facilis ad audiendas aliorum sententias: oportet enim prudentem virum, vel rectè iudicet, expertorum & antiquorum audire sententias, ut sit per inuentionem, ad quod pertinet solertia, cuius est repentina mediocrum excogitatio. Tertio expendi potest vsus cognitionis, quo mens ex quibusdam antea cognitis ad alia cognoscenda iudicandæve progreditur, quod est officium rationis, quam ad prudenter agendum aptè dispositam expeditamque esse oportet. Et vero hæc, ut rectè præcipiat, tribus indiget, nimirum providentia, circumspectione, & cautione. Providentia, ut res futuras ad finem accommodare disponat & ordinet. Circumspectione, ut negotiorum circumstantias cautè diligentèrque attendat. Cautione, ut impedimenta, quæ accidere possunt, declinet, ac remoueat.

### ARTICVLVS III.

*De partibus subiectis, & potentialibus Prudentiæ.*



UEMADMODVM agibile in commune latè patet, & in varias distribuitur species: ita & prudentia, quæ circa illud versatur. Hinc prudentia in commune varias partes subiectas cohibet, quarum potiores sunt quinque, nimirum prudentia solitaria, æconomica, militaris, regalis, politica. Nam vel quis sese prudenter gerit erga seipsum tantum, & hæc prudentia dicitur solitaria: vel circa multitudinè gubernandam: Quæ quidem multitudo aut ab eo dirigitur ad aliquod speciale negotium pro certo tempore, ut multitudo militum ad bellum: in hac gubernanda versatur prudentia militaris. Aut ea multitudo sub eo regimine

*Prudentia Solitaria.*

*Militaris.*

toto



toto vitæ tempore duratura est, quæ si sit familia, prudentia quæ ad hanc regendam constituitur, dicitur Oeconomica: si autem sit Respublica; in Principe vocatur regalis ad subditos gubernandos: in ipsis verò subditis dicitur politica, qua prudenter se gerunt Principi obtemperando communis boni gratia. Sed, ut subditis erga Principem, ita & in aliis erga eos, à quibus reguntur, sua etiam prudentia necessaria est.

PARTES autem potentiales prudentiæ sunt Eubulia, Synesis, & Gnomi. Nam quemadmodum tres sunt actus prudentiæ, uti superius diximus, videlicet, inquisitio mediorum, iudicium de mediis inuentis, præceptio siue imperium, ut ea, quæ iudicata sunt efficiantur: in quorum ultimo prudentiæque maximè elucet: ita ad hæc tria facile exactæque præstanda tres sunt habitus, nimirum ad media accommodata facile inuenienda, Eubulia: ad bene iudicandum de iis, quæ lege aliqua definita sunt, Synesis: ad ferendum verò iudicium de iis, quæ non sunt lege aliqua determinata, & tamen in praxim veniunt, in quibus maior occurrit difficultas, Gnomi.

*Regalis.  
Politica.*

*Eubulia.  
Synesis.*

*Gnomi.*

## DISPUTATIO NONA, DE CÆTERIS VIRTUTIBVS Moralibus.

### QVÆSTIO I.

#### De Iustitia.

#### ARTICVLVS I.

##### *Quid sit iustitia.*

**I**NTER virtutes simpliciter morales principem locum obtinet iustitia, tum ratione subiecti, tum ratione obiecti. Ratione subiecti, quia cum reliquæ morales virtutes appetitui sensitivo inhereant, ut eius perturbationes moderentur & cohibeant, ipsa in appetitu rationali, hoc est, in voluntate insidet, ut tradit Aristoteles 5. Ethicor. cap. 1. Ratione obiecti, quia aliæ virtutes morales versantur per se dumtaxat, & ex proprio instituto circa bonum eius in quo sunt: at secundum iustitiam habet se quisque benè etiam erga alios, æqualitatem eis præstans, unde & iustitia bonum alterius dicitur ab Aristotele loco citato: virtutes autem, quæ aliis honestissimæ sunt, præstantissimæ habentur, ut idem asserit in 1. lib. Rhetor. cap. 9.

*Iustitia dignitas.*

*Iustitia quid sit.*  
*Ius quid.*  
*Ius quotu-  
 plex.*

DEFINITUR verò iustitia hunc in modum: iustitia est virtus, quæ suum cuique ius tribuit. Porro ius docente Aristotele 5. lib. Ethicor. cap. 2. nihil est aliud, quàm iustum & rectum: quod quidem in duo membra diuiditur, nempe in naturale & positivum, seu legitimum. Ius naturale, ut definit Aristoteles 5. Ethic. cap. 7. est, quod vtrique eandem vim obtinet, & non quia videtur, vel non videtur, seu quod ubique natura sua necessarium est, & non quia alicuius arbitrio iudiciove statuitur, quale est, ut innocens non occidatur. Ius positivum, seu legitimum est, quod quia tale, non ex ipsa natura, sed ex aliqua institutione pendet, ut quod frumentum tanto pretio vendatur. De alia iuris distributione in ius civile & gentium, herile, familiare, paternum, & dominativum, aliæque eiusmodi consule Arist. lib. 5. Ethic. c. 6. & 7. D. Thomam in 2. 2. quæst. 57. Dicitur ergo iustitia suum cuique ius reddere, quia iustitiæ munus est, ius & æquum servare. Ulpianus ff. de iustitia & iure, vberioribus verbis iustitiæ naturam explicans: *Iustitia, inquit, est constans & perpetua voluntas ius suum unicuique tribuendi.* in qua definitione tres conditiones omni virtuti communes posite ab Aristotele lib. 2. Ethicor. cap. 4. traduntur, nimirum ut sciens quis agat, ut ex electione, ut perpetuò seu constanter in actione studiosa versetur. Cum ergo Iuriconsultus ait, *Iustitia est voluntas, &c.* hoc est habitus, quo quis perpetua & constanti voluntate ius suum cuique tribuit: indicat in primis iustitiam inherere in voluntate: deinde eius actum scienter administrari, quia quod quis ignorans facit, voluntarium non est: item firmo stabilique animo exerceri: & denique ex electione propter honestum finem, cum honestum sit unicuique suum tribuere.

*Tres virtutis  
 conditiones.*

## ARTICVLVS II.

### *De partibus integrantibus, & subiectis iustitiæ.*

*Partes inte-  
 grantes.*



RES de hisce iustitiæ partibus, quàm de eius actibus agemus, propterea quod hi absque illorum perceptione commode explicari nequeant. Partes integrantes iustitiæ, si generatim loquamur, duæ sunt, ut tradit D. Thomas in 2. 2. q. 79. art. 1. nempe facere bonum, & declinare à malo. Vbi tamen bonum, & malum non in ea amplitudine sumi debent, qua omnibus competunt virtutibus. (Nam virtutes vniuersæ id commune habent, ut bonum, rectumque amplectantur, & malum effugiant) sed eo pacto sunt accipiendæ, ut bonum idem sit, atque alteri debitum: malum verò idem quod alteri noxium, aut incommodum est. Itaque facere bonum, ut est pars iustitiæ, est æqualitatem servare in iis, quæ ad alterum spectant: declinare autem à malo, est æqualitatem non corrumpere.

QVOD

QVOD ad partes iustitiæ subiectas attinet, distribuitur primum iustitia in generalem & particularem ex doctrina Iuriscultorum, & Arist.lib. 5. Ethicor. cap. 1. & lib. 3. Politicor. cap. 5. & D. Chrysostomi homil. 15. in Matth. Iustitia generalis, quæ etiam legalis dicitur, est, quæ quis iuste se habet circa bonum commune Principis, vel Reipub. quod Aristoteles citato loco vocat iustum legitimum, & legale, utpote quod leges præcipuè intendunt, cum boni communis gratia sanciantur. Iustitia particularis est, quæ quis iuste se habet circa bonum particulare alterius.

*Partes subiectæ.*

*Leges cõmune boni speciat.*

RVERSVM diuiditur iustitia in distributiua, & commutatiua. Distributiua est, quæ in rectè distribuendo versatur. Hæc autem in duo membra secatur, in remuneratiua, & punitiua. Remuneratiua est, quæ iubet honores, magistratus, munera, & beneficia, aliæque id genus pro cuiusque dignitate & meritis secundum Geometricam proportionem dispensare. Punitiua est, quæ similiter nocentes, ut patet, supplicis affici iubet. Commutatiua iustitia est, quæ quisque rectè se habet in cõmutationibus, sumum cuique reddendo secundum Arithmeticam proportionem. Ad hanc pertinent contractus, emptiones, vadimoniam, locationes, restitutiones, aliæque eiusmodi.

*Iustitia remuneratiua.*

*Punitiua. Cõmutatiua.*

*De hisce proportionibus supra disputat. 7. 2. art. 2.*

## ARTICVLVS III.

*De actibus iustitiæ commutatiuæ.*



MISSIS actibus distributiuæ iustitiæ, propterea quod nulla fere in eis dignoscendis sit difficultas. Commutatiuæ duodecim potissimum actus numerantur. Primus est emptio; secundus venditio; tertius ususfructus, quo quidem dicitur quis habere ius vtendi, ac fruendi rebus alicuius salua earum substantia, ut habetur ff. de Usufruct. & Instit. eodem tit. ut qui habet usumfructum agri, vel horti potest non solum fructus edere: sed etiam vendere, & agrum vel hortum alteri locare. Quartus est nudus usus, quo quis habet ius vtendi rebus alienis salua earum substantia, non tamen fruendi. Itaque, ut habetur Instit. de Usu & habit minus iuris est in usu, quam in usu fructuum. Namque ille uti dicitur, cui tantum illis vscii licet, vel sua alere armenta: non tamen illa aliter distrahare potest, ut vendere fructus, aut agrum locare. Quintus est locatio (passiuam intellige) quæ est acceptio rerum mobilium, quas non solum reddere tenetur is, cui locatio fit: sed etiam pro usu earum satisfacere. Sextus est conductio, quæ est acceptio rerum immobilium sub certo pretio: quas etiam restituere tenetur is, qui eas pretio vtēdas accepit. Septimus depositum, seu potius actio deponendi, quæ res alicui traditur, non ad usum, sed ad conseruationem. Octauus est pignoris acceptio, cum res traditur non ad usum,

*Emptio. Venditio. Ususfructus.*

*Nudus usus.*

*Locatio.*

*Conductio.*

*Deponendi actio. Pignoris acceptio.*

*Fideiussio.* vsum, sed cum obligatione restituendi soluto eo, cuius gratia pignus accipitur. Nonus est Fideiussio, cum sit promissio soluendi reddendique aliquid pro alio, si modo ille non soluat. Decimus est promissio simplex, quam videlicet non antecedit petitio promissionis. Undecimus est stipulatio, quæ est promissio alicuius præcedente promissionis petitione. Duodecimus est transactio, quæ est concordia circa rem litigiosam, seu in qua lis præcessit. Denique pacta omnia, & conventiones pertinent ad iustitiam commutativam, omnésque contractus innominati, quales sunt, Do ut des, Facio ut facias, Do ut facias, Facio ut des.

## ARTICVLVS IV.

*De partibus potentialibus iustitiæ.*

AM verò potentiales partes iustitiæ hæc potissimum numerantur, religio, pietas, obseruantia, obedientia, veritas, gratitudo, liberalitas, affabilitas, amicitia.

*Religio.*  
*Alus reli-*  
*gionis.*

RELIGIO est virtus, qua quis rectè afficitur ad Deum colendum ac venerandum. Eius duo sunt actus interni, Deuotio, & Oratio: externi sex, Adoratio, Sacrificium, Votum, Iuramentum, Adiuratio, Laus. Deuotio, est actus voluntatis parata ad præstanda ea, quæ ad Dei cultum & gloriam spectant. Oratio, est petitio decentium à Deo. Adoratio, est qua non solum mente, sed externa etiam corporis significatione Deo reuerentiam exhibemus. Sacrificium latè sumptum, quod varias species continet, est oblatio, qua Deo aliquid exterius offertur, ad eum placandum, siue ut eius nos imperio subditos esse profiteamur. Votum, est deliberata promissio de aliquo bono facta Deo. Iuramentum, est, quo Deum, ut testem assumimus in alicuius rei confirmationem. Adiuratio, est inuocatio diuini nominis, qua quempiam, deprecando, aut compellendo, ad aliquid faciendum non faciendumve inducimus. Laus, est assumptio diuini nominis in vocali cantu.

*Pietas.*  
*Obseruantia.*  
*Obedientia.*

PIETAS, est per quam sanguine coniunctis, patriæque beneuolis officia & cultum exhibemus. Obseruantia, est, qua dignitate præstantibus honorem, cultumque deferimus. Obedientia, est, qua voluntas prompta & facilis redditur ad superioris præcepta implenda. Veritas, est, qua quis verbis & factis talem se demonstrat, qualis in se est. Gratitudo est, qua iis, qui de nobis benemeriti sunt, gratiã non solum habemus & agimus, sed etiam, cum possumus, referimus. Liberalitas est, qua quis dispensat pecunias in vsus bonos sibi, suisque, & aliis. Intellige autem nomine pecuniarum omnia, quæ simile æstimantur, ut declarat Aristoteles lib. 4. Ethicor. cap. 1. Affabilitas, est qua quis in communi hominum consuetudine, & congressu mediocriter, & uti

decer,



vti decet, se haber, studetq; quatenus potest, omnibus benignè obsequi. Amicitia est, qua aliqui mutuam, apertamq; benevolentiam habent, & se vicissim bonis affici volunt ob aliquod bonum, & non ob solam iucunditatem. Definitionē hanc pertrahat Aristoteles lib. 8. Ethic. cap. 2. Vnde licet colligere discrimen inter affabilitatem, & amicitiam. Namque affabilitas est tam erga notos, quàm ignotos: amicitia erga notos dumtaxat. Itē affabilitas in sermone, & vitæ consuetudine versatur: amicitia potissimum in affectu. At verò Aristoteles amicitiam non esse propter solam iucunditatem, vtilitatemve, sed propter bonum virtutis: quia amicitia, quæ alia commoda & emolumenta consequatur, vera solidaq; amicitia non est.

Amicitia.

## QVÆSTIO II.

De fortitudine.

## ARTICVLVS I.

*Quid sit fortitudo, qui eius actus.*

DE fortitudine disputat Plato lib. 2. 1. qui inscribitur Laches. Arist. lib. 3. Ethic. à cap. 6. D. Ambrosius lib. 1. de Offic. à cap. 35. D. August. lib. de Beata vita. Philo ludæus lib. 1. Allegor. D. Thom. 2. 2. q. 123. Aduerte in primis fortitudinem dupliciter sumi. Vno modo, vt importat quandam animi firmitatem & constantiam ad honestas actiones obeundas: qua ratione est communis cōditio cuiuslibet virtutis, quia vt docet Aristoteles secundo Ethic. cap. 4. Virtutis est firmiter immobiliterq; agere. Secundum hanc vsurpationem agit D. Gregor. de Fortitudine lib. 7. Moral. cap. 9. Alio modo accipitur Fortitudo, prout designat firmitatem animi in suscipiendis periculis laboribusq; perferendis. Quo modo est specialis virtus vendicans pro obiecto timorem, & audaciam, quæ in prædictis rebus existunt. Proindeq; definitur ab Arist. lib. 2. Ethic. cap. 7. & lib. 3. cap. 6. Mediocritas circa metum & audaciam, hoc est, virtus, quæ in metu & audacia moderandis posita est. Vnde intelliges fortitudinem residere in appetitu irascendi: quandoquidem metus & audacia ad istiusmodi appetitum pertinent.

Fortitudo quid.

SUNT autē duo actus fortitudinis, sustinere, & aggredi. Nam cum fortitudo circa audaciam & timorem versetur: timorem reprimat, difficultatem sustinendo: audaciam verò, aggrediendo, moderatur. Ex his autē duobus præstantior est sustinentia, quàm aggressio: vt docet Aristoteles lib. 3. Ethic. cap. 9. Etenim magis arduum est timorem reprimere: quod fit sustinendo, quàm audaciam refrenare, quod aggrediendo fit. Nam ipsum periculū, quod

Duo actus fortitudinis.

est obiectum audaciæ, & timoris, cùm ex se conferat aliquid ad reprimendam audaciam, nihil tamen iuvat ad cohibendum, sed ad augendum potius timorem.

*Martyriū a-  
ctus fortitu-  
dinis.*

*Obiecto.*

*Solut.*

INTER particulares verò actus fortitudinis principē locum obtinet martyrium. Nam fortitudinis est firmare animum in bono contra timorem : martyr autem firmatur in bono fidei, ac religionis contra timorē rei omnium acerbissimæ, maximeq; formidolosæ, videlicet mortis. Quod si quis obiciat, martyrium videri potius actum charitatis, quàm fortitudinis, iuxta illud Ioannis 5. Maiorem hac dilectionem nemo habet, vt animam suam ponat quis pro amicis suis: tum quia est actus omnium virtutum perfectissimus : cæteris autem virtutibus excellentior est charitas. Occurrendum, martyrium esse actum fortitudinis, tanquam eius à qua immediate, & vt à suo proprio motiuo seu habitu elicitur : charitatis autem tanquam illius, à qua vt à motiuo principali, ac per modum virtutis imperantis progreditur. Ac secundum hanc posteriorem considerationem attribui charitati, esseq; præstantissimum actum omnium virtutum, & in quo perfectio charitatis maximè enitescit, propterea quòd tunc quisq; maiorem sui amoris significationem det, cùm eius, quem amat, causa rem sibi chariorem contemnit, qualis est vita, quam homines inter omnia alia præsentis vitæ bona plus amant. Lege D. Cyprianum in Epist. ad martyres & confessores D. August. in lib. de sancta virginitate.

## ARTICVLVS II.

### *De partibus fortitudinis.*

*Partes inte-  
grantes forti-  
tudinis.*



*Fiducia quid.*

*Magnificētia  
quid.*

**H**ABET fortitudo partes integrantes potissimū quatuor, fiduciam, magnanimitatem, magnificentiam, patientiam ad quam spectat longanimitas : & perfectuerantiam ad quam pertinet constantia. Harum numerus ita colligitur. Actus fortitudinis, vt supra dicimus, duo sunt, aggredi & sustinere. Ad aggrediendum verò duo sunt necessaria: vnum ad animi præparationem, ob quam ponitur fiducia seu magnanimitas. qua quis parato promptoq; animo est, ad res arduas & difficiles aggrediendas. Vnde fiducia, siue fidentia, vt Cicero lib. 2. de Inuentione definit est, per quam magnis & honestis in rebus multum ipse animus in se fiduciæ certa cum spe collocavit. Exigitur quoque alterum in aggrediendo, idq; ad operis administrationem: nimirum vt animus in re, quam semel est aggressus, non succumbat. Ob idq; additur magnificentia, quæ, vt idem auctor explicat, est rerum magnarum & excellentium cùm animi ampla quadam & splendida propositione agitatio & administratio. Porro, si hæc duæ virtutes ad materiam fortitudinis

titudini peculiarem, vt ad mortis pericula referantur, erunt partes integrantes fortitudinis : quia sic ipsam fortitudinem quasi integrant & componunt. Quod si alias spectent materias, in quibus minor est difficultas, vt magnos sumptus & honores: erant tunc partes fortitudinis potentiales : propterea quod non in se includunt totam fortitudinis vim & potestatem, & tamen ad perfectum illius habitum exiguntur: sicq; magnanimitatem circa magnos honores versari affirmat Aristoteles lib.4. Ethicor. capit.3. magnificentiam verò circa magnos sumptus, eodem libro cap. 2.

IA M verò ad alterum fortitudinis actum, videlicet ad sustinendum, duo similiter requiruntur. Alterum est, ne animus propter impendendum malorum difficultatem tristitia frangatur: & ob id constituitur patientia, quæ vt Cicero loco ante citato definiit, est honestatis, aut vtilitatis causa rerum arduarum, ac difficultium voluntaria & diuturna perpassio. Huic autem iungitur longanimitas, qua quis res magnas, quæ procul absunt, sperat. Vnde fit, vt longanimitas cum magnanimitate, secundum quam quis res magnas, quibus dignus sit, deberi sibi (citra omnem tamen iactantiam) iudicat, magnam habeat cognationem. Conuenit tamen cum patientia, quia diuturna rei magnæ expectatio tristitiam parere consuevit : ad quam æquo animo ferendam patientia indigemus. Alterum, quod ad prædictum actum requiritur, est, ne ex diuturna rerum difficultium perpassione ab incepto animus desistat : ideoque perseuerantia additur, quæ definitur in ratione bene considerata, stabilis & perpetua permanensio. Perseuerantiæ denique iungitur constantia : quæ inter se partim conueniunt, partim differunt. Conueniunt, quatenus beneficio vtriusque in bono aliquo permanemus : differunt, quia perseuerantia resistit difficultati, quæ ex diuturnitate temporis oritur: constantia verò difficultati, quæ ex aliquouis externo impedimento proficiscitur. Hæ quoque duæ virtutes si ad specialem fortitudinis materiam referantur, erunt partes quasi integrantes fortitudinis : si ad res alias difficiles, in quibus tamen minus est negotij, erunt partes potentiales eiusdem, videlicet à fortitudine distinctæ, & tamen ei coniunctæ, sicuti secundariæ principali, vt explicat D. Thomas in 2. 2. quæst. 128. artic. 1. Partes autem fortitudini subiectæ, nullæ traduntur, quia versatur circa materiam valde specialem, quæ plures virtutes specie distinctas constitutuere nequit, vt eodem loco S. Thomas docet.

*Patientia.**Longanimitas.**Perseuerantia.**Constantia.*



## QVÆSTIO III.

## De Temperantia.

## ARTICVLVS I.

*Quid sit temperantia, & quæ eius partes integrantes.*

**T**E temperantia differuit Plato in Charmide, Aristoteles lib. 3. Ethic. à cap. 10. & lib. 1. Magn. Moral. cap. 22. D. Ambrosius lib. 1. Officiorum à cap. 43. Clemens Alexandrinus lib. 2. Strom. D. Isidor. lib. Etym. Seneca libro de quatuor virtutibus, D. Thomas in 2. 2. quæst. 141. Porro quemadmodum fortitudo circa timorem & audaciam, præcipue verò circa mortis pericula versatur, ita & temperantia in voluptatibus sensuum & doloribus moderandis posita est: sed præcipue in temperandis tactus & gustus delectationibus, quæ maiores sunt. Itaque temperantia ex doctrina Aristotelis lib. 3. Ethic. cap. 10. sic definitur. Temperantia est mediocritas circa tactus gustusq; voluptates, & circa dolores.

SUNT autem partes temperantiæ quasi integrantes duæ, verecundia, & honestas. Verecundia, de qua Aristot. lib. 4. Ethic. c. 9. licet propriè virtus non sit, quia passioni magis, quàm habitui similis est: virtus tamen appellatur ea significatione, qua quidquid in humanis actibus, vel affectibus laudabile est, virtutem dicimus: quæ hunc in modum definitur ab Aristotele loco citato. Verecundia est metus quidam dedecoris & infamiæ: quo nimirum ad id, quod turpe, & temperantiæ contrarium est, fugiendum inducimur. Honestas verò est excellentia quædam honore digna ob spirituales pulchritudinem, qua quis id, quod turpe & indecorum est, repellit.

## ARTICVLVS II.

*De partibus subiectis, & potentialibus temperantiæ.*

**A**RTEs temperantiæ subiectæ quatuor numerantur, abstinencia, sobrietas, castitas, & pudicitia: quarum duæ priores in iis voluptatibus, quæ cibo & potu capiuntur, mediocritatem constituunt: posteriores verò duæ in iis, quæ ad generationem pertinent: de quibus D. Thomas in 2. 2. q. 141. & sequentibus. Igitur abstinencia est virtus, quæ in ciborum delectatione mediocritatem constituit. Sobrietas est virtus, quæ delectationes potus moderatur. Castitas est virtus, quæ veneris con-

*Temperantia  
obiectum.*

*Temperantia  
quid sit.*

*Verecundia.*

*Honestas.*

*Abstinencia.  
Sobrietas.  
Castitas.*

con



concupiscentiam, rationis moderamine cohibet. Ea verò triplex est, virginalis, vidualis, & matrimonialis. Pudicitia est virtus cohibens voluptates eas, quæ reperiuntur in Venereorum signis, qualia sunt impudici aspectus & oscula. *Pudicitia.*

POTENTIALES autem partes temperantiæ, decem potissimum sunt. Continentia, consuetudo, clementia, modestia, humilitas, studiositas, moderatio, eutrapelia, ornatus, simplicitas. Continentia, de qua Arist. lib. 7. Ethicor. est per quam pravis ac vehementibus cupiditatibus ad tactum spectantibus aliquis resistit. Sic autem sumpta continentia non est perfecta virtus, ut alibi monuimus. Mansuetudo, de qua Aristoteles libro quarto Ethicor. cap. 5. est virtus, quæ iram moderatur. Clementia est virtus, quæ externis punitionibus modum adhibet. Cum hac iungitur misericordia, quæ est virtus, qua alienæ miseriæ, quantum possumus, subuenimus. Itaque dissident clementia & misericordia, quòd ad illam spectet pœnarum subtractione, ad hanc beneficiorum collatione, alicuius miseriæ subuenire. Modestia est virtus, quæ circa mediocres honores moderandos versatur. Humilitas est virtus, quæ hominis cupiditatem cohibet, ne in res magnas & excelsas immoderatè tendat, sed potius ad infimas se deliciat. Studiositas est virtus, quæ sciendi cupiditatem temperat. Moderatio, quæ modestia etiam dicitur, est virtus, quæ corporis motum gestumque componit. Eutrapelia est virtus, qua quis in ludis & iocis moderatè, atque ut decet, sese habet. Ornatus est virtus, quæ corporis habitum, vestitumque moderatur. Huic adiungitur simplicitas, quæ nimix in hisce rebus inquirendis, & concinnandis sollicitudini modum ponit. Ex quibus etiam iam patet, qui sint actus temperantiæ. Hæc cursim breuiterque hoc loco dicta sint, quæ si enucleatè, & prout rerum dignitas postulat, explicanda forent, haud dudè multò longiores essemus, quàm necessaria, & ob eas causas, quas alibi exposuimus, affectata breuitas patiatur.

*Laus Deo, & B. Virgini matri.*



I N D E X

SVPERIORVM

DISPV TATIONVM, ET

QVÆSTIONVM IN ETHICA

Aristotelis ad Nicomachum.



DISPV TATIO I.

De bono.



*Q*uestio I. Vtrum bonum rectè definiatur id, quod omnia appetunt. pag. 6

*Q*uestio II. Vtrum omnis appetitus feratur in bonū.

p. 11

*Q*uestio III. De diuisione boni in commune. p. 13

DISPV TATIO II.

De fine.

*Q*uestio I. Vtrum finis & bonum, idem sint. p. 15

*Q*uestio II. Vtrū omni ac soli nature intellectuali conueniat agere propter finem. p. 17

*Q*uestio III. Sic ne aliquis vltimus finis humanarum actionum an non. pag. 19

DISPV TATIO III.

De felicitàte.

*Q*uestio I. Vtrum felicità consistat in bonis externis. p. 21

*Q*uestio II. Vtrum felicità consistat in bonis corporis. p. 23

*Q*uestio III. Vtrum beatitudo consistat in animi operatione. p. 26

*Q*uestio IV. Vtrum ad felicitàtem externa bona requirantur. p. 31

DISPV TATIO IV.

De tribus principiis humanorum, actuum, voluntate, intellectu, & appetitu.

*Q*uestio I. Vtrum omnes actus humani à libera voluntate proficiantur. p. 33

*Q*uestio II. Vtrum voluntas intellectum, an intellectus voluntatem moueat. p. 35

*Q*uestio III. Vtrum voluntas moueat omnes alias potentias ad actus suos exercendos. p. 37

*Q*uestio IV. Vtrum appetitus sensitivus moueat voluntatem. p. 42

DISPV TATIO V.

De bonitate & malitia humanarum actionum in genere.

*Q*ue

# I N D E X.

- Quæstio I. Vtrum bonitas & malitia humanarum actionum petenda sit ab obiecto, an non.* p.43  
*Quæstio II. Vtrum bonitas & malitia humanarum actionum pendeat etiam à circumstantiis.* p.46

## DISPUTATIO VI.

De affectibus animi, qui passionibus vocantur.

- Quæstio I. An appetitus sensitiuus rectè diuidatur in concupiscibilem, & irascibilem.* p.49  
*Quæstio II. An vterque appetitus sensitiuus in corde sedem habeat.* p.53  
*Quæstio III. Vtrum definitio passionis rectè se habeat.* 54  
*Quæstio IV. Vtrum passionibus cadant in animum sapientis.* p.57  
*Quæstio V. Vtrum animi passionibus rectè à Philosophis numerentur.* p.58

## DISPUTATIO VII.

De virtutibus in commune.

- Quæstio I. Vtrum definitio virtutis re-*

*ctè se habeat.* p.61

*Quæstio II. Vtrum virtus moralis in mediocritate consistat.* p.64

*Quæstio III. Vtrum ne virtutes homini naturales sint, an eas propriis actibus acquirant.* p.67

*Quæstio IV. Vtrum virtutes morales sint inter se connexæ.* p.69

*Quæstio V. Vtrum in appetitu sensitiuo aliquæ virtutes insint.* p.72

*Quæstio VI. Si ne apta virtutum diuisio, an non.* p.77

## DISPUTATIO VIII.

De prudentia.

*Quæstio I. Vtrum prudentia rectè ab Aristotele definita sit.* p.80

*Quæstio II. Vtrum actus prudentiæ eiusque partes rectè tradantur.* p.82

## DISPUTATIO IX.

De reliquis virtutibus moralibus.

*Quæstio I. De iustitia.* p.85

*Quæstio II. De fortitudine.* p.89

*Quæstio III. De temperantia.* p.92

## INDEX





I N D E X

# RERVM PRÆCI-

## PVARVM, QVÆ SVPERIO-

### RIBVS QVÆSTIONIBVS IN

Ethica Aristotelis ad Nicomachum  
continentur.

In quo numerus paginam indicat, p. principium,  
nr. medium, f. finem.



Actus.

CIVM dici humanum  
dupliciter. p. 34.p

Actus humani profici-  
untur à libera homi-  
nis voluntate. p. 34.m

Actus, quos somniantes & mente capti  
edunt, licet sint hominis, non tamen  
dici humanos. ibid.

Actus humani num bonitatem & mali-  
tiam ab obiecto capiant. p. 44.p

Actus humanus in commune spectatus  
diuiditur in bonum, malum, & indiffe-  
rentem. p. 45.m

Actus humanus in singulari indifferens  
ad bonū & malum non datur. p. 45.f

Vnus, idemq; actus internus num succe-  
sive bonus, & malus esse queat. p. 49.p

Actuum moralium honestas non est re-  
ducenda ad insectilia Mathematica.  
p. 65.p

Actus prudentie qui. p. 82.p

Actus temperantie qui. p. 91.f

Actus fortitudinis qui. p. 89.p

Appetitus.

Appetitus triplex. p. 10.m

Appetitus sensitivus quo sensu dicatur  
inclinari ad malum. p. 11.m

Quo appetitu omnia bonum appetant  
p. 10.m

Appetitus num possit in malum tendere.  
p. 12.m

Appetitus sensitivus num possit per se  
movere membra, absque motione vo-  
luntatis. p. 41.p

Appetitus quo pacto à voluntate mo-  
ueatur. p. 40.m

Appetitū sensitivum recte diuidi in con-  
cupiscibilem & irascibilem. p. 50.m

Appetitus concupiscibilis nobilior irasci-  
bili. p. 51.f

Appetitus irascibilis minister concupis-  
cibilis. ibid.

Appetitus concupiscibilis obiectū. p. 50.f

Appetitus sensitivus, cur duplex, cum  
intellectivus vnus sit. p. 53.p

Appetitus ira & concupiscentie resi-  
dent in corde, nō tamen in eadem eius  
parte. p. 54.m

Appetitum concupiscibilem ubi colloca-  
rit Plato. p. 53.m

Appetitus sensitivi motus semper habet  
adiunctam corporis transmutationem.  
p. 55.f

In appetitu sensitivo quæ virtutes insint.  
p. 75.p

Bonitas



## Bonitas &amp; bonum.

Bonitas & malitia humanorum actuum  
vnde petenda. pag.44.p

Bonitas & malitia humanorū actuum,  
an pendeat à circumstantiis pag.46.f

Bonum an recte definiatur id, quod om-  
nia appetunt. pag.7.p

Boni variae definitiones. pag.7.f

Bonum quid formaliter significet. p.9.f

Bonum, & perfectum quo differant. ibi.

Bonum qua ratione dicatur diffusivum  
sui. ibid.

Nun in bonum omnis appetitus feratur.  
pag.11.m

Bona animi. p.26.f

Boni variae divisiones. p.13.f

Bonum & finis quo differant. p.15.p

Bonum, & malum morale sunt differen-  
tie essentialis actuum humanorum.

p.44.f

Bonum arduum obiectum appetitus ira-  
scibilis. p.50.f

Bonum quodlibet particulare, est que-  
dam participatio summi boni. p.20.f

## Circumstantia.

Circumstantiae humanarum actionū quot  
sint. p.46.f

Circumstantiae vnde dictae. ibid.

Numerus actuum non est circumstantia.  
p.47.m

Circumstantiarum quaedā notabiliter au-  
gent bonitatem vel malitiam actio-  
num moralium, quaedam non. ibid.

Quenam circumstantiae specie differant.  
ibid.

Circumstantia mutans speciem non est  
circumstantia respectu actus, cui spe-  
ciem tribuit. p.48.m

## Ethica.

Ethica subiectum. p.3.f

Ethica ordo inter ceteras partes mora-  
lis philosophiae. p.4.m

Controversia de auctore Ethicorum ad  
Nicomachum. p.5.m

Distributio librorum Ethicorum ad Ni-  
comachum. p.6.m

Index lib. Ethic. Arist.

## Felicitas.

Felicitas quid sit. p.21.m

Veterum dissensio circa felicitatem. ibid.

Felicitatem non consistere in dinitiis.

## p.22.m

Non in potentia. p.22.m

Non in bonore. p.23.p

Non in gloria, seu fama. ibid.

Non in bonis corporis. p.24.f

Non in voluptate. p.25.p

Felicitas consistit in operatione. p.26.f

Quae sit haec operatio. p.28.p

Felicitas supernaturalis huius vitae in

quo sit posita. p.29.p

Felicitas supernaturalis alterius vitae est

in intuitiva contemplatione divinae

naturae. p.28.f

Felicitas naturalis huius vitae duplex,

speculativa & practica. p.28.m

In quo utraque consistat. p.29.m

Felicitatis definitio ab Aristotele tradi-  
ta. p.30.p

Ad felicitatem politicam quo pacto ex-  
terna bona requirantur. p.32.m

## Finis.

Finis & bonum quo discrepent. p.15.f

Finis & bonum quot modis inter se com-  
parari queant. p.15.f.16.p

Agere propter finem quo pacto toti na-  
turae conveniat. p.17.m

Agere propter finem quo modo solina-  
turae intellectuali competat. p.18.p

Res cognitionis expertes ut tendant in  
finem. ibid.

Dari aliquem finem ultimum humana-  
rum actionum, quo pacto demonstre-  
tur. p.18.f

Finis duplex, obiectivus, & formalis.

## p.18.m

Omnis appetitus tendit in finem vlti-  
mum. p.19.f

Non esse incommodum dari progressum  
infinitum in finibus accidentaliter  
subordinatis. p.18.f

## Fortitudo.

Fortitudo dupliciter sumitur. p.39.m

N

Forti

Fortitudinis presse acceptæ definitio.

p.88.m

Fortitudinis duo principes actus p.90.p

Fortitudinis actus martyrum. ibid.

Fortitudinis partes integrantes. ibid.f

Fortitudinis partes potentiales. p.91.f

Fortitudo non habet partes subiectas.

p.92.

Habitus.

Habitibus ad tria indigemus, ad vniformitatē actionū: vt actio in prōptu sit: vt cum voluptate operemur. p.62.p

Repentina ex habitu. ibid.

Ratio habitus ex intrinseca ratione conuenit virtuti. — p.62.f

Non in habitu, sed in operatione felicitas consistit. p.26.m

In naturalibus nobilior est actus habitu.

p.27.f.

Habitus vitiosus non concurrit per se ad actionem studiosam. p.64.p

Habitus honesti in appetitu duo præstāt munia. ibid.

Habitus fortitudinis, & temperantiæ non sunt in Angelis. p.76.m

Habitus virtutum moralium in beatis.

p.77.p

Habitus virtutum intellectualiū p.77.m

Ius, & iustitia.

Ius quid. p.86.p

Ius quoduplex. ibid.

Ius naturale. ibid.

Ius positium. ibid.

Iustitiæ dignitas. p.85.f

Iustitia quid sit. p.86.p

Iustitiæ partes integrantes. p.86.f

Iustitiæ partes subiectæ. p.87.p

Iustitia legalis. ibid.

Iustitia particularis. ibid.

Iustitia remuneratiua, & punit p.87.m

Iustitia commutatiua. ibid.

Iustitiæ commutatiuæ actus. ibid.

Iustitiæ partes potentiales. p.88.p

Iustitia residet in voluntate. p.74.m

Mediocritas.

Mediocritas duplex. p.64.f

In mediocritate virtus. p.65.p

Mediocritas aliter in iustitia atq; in ceteris virtutibus spectanda. p.66.p

Mediocritas virtutum non est inindivisibili, vt Stoici putabant. p.65.p

Mediocritas iustitiæ. p.66.p

Passio.

Passio quot modis accipiat. p.55.m

Passio pro affectione appetitus sensitiui, quo pacto definiatur. p.56.p

Passiones non propriæ ad appetitum rationalem pertinere. p.56.m

Passiones non esse iudicia, opinionemve, vt Chrysippus aiebat. ibid.

Passiones etiā in animum sapientis cadere cōtra Stoicorum dogmata. p.58.m

Peripateticorum & Stoicorum dissensio de passionibus animi. p.57.p

Passiones utrū sint agitudines. p.58.m

Passiones quot sint. p.59.p

Quæ passiones pertineant ad appetitum concupiscibilem, quæ ad irascibilem. p.59.f.60.p

Philosophia moralis.

Philosophiæ moralis necessitas. p.3.p

Philosophiæ moralis institutū & finis. ib.

Philosophiæ moralis partes. p.3.m

Philosophiæ moralis subiectum. p.3.f

Philosophiæ moralis libri ab Aristotele editi. p.5.p

Philosophia morali quantum excelluerit Aristoteles. ibid.

Philosophia moralis cur non sit perfecta virtus. p.81.p

Prudentia.

Prudentiæ encomium. p.80.m

Prudentiæ definitio. ibid.

Prudentia habitus practicus. ibid.

Prudentiæ cur non subsit falsum. p.81.p

Prudentia circa quam veritatem versetur. p.81.f

Prudentiæ actus, tres præcipui. p.82.f

Prudentia non statuit sinem virtutibus. ibidem.

Prudentia, actus sex. p.83.p

Prudentiæ partes integrantes. p.83.f

Pruden

Prudentia partes subiectæ, & potentia- les. <u>p.84.f</u>	templative, alię practice. <u>p.77.m</u>
Prudentia vinculo necluntur virtutes morales. <u>p.71.p</u>	Virtutes practice quę sint. <u>p.77.f</u>
Prudentia circa internos actus præcipue versatur. <u>p.78.p</u>	Virtutes speculative quę. <u>p.77.m</u>
Temperantia. <u>p.92.p</u>	Virtutes cardinales quatuor <u>Paradisi</u> fluminibus significatæ. <u>p.78.m</u>
Temperantiæ obiectum. <u>p.92.p</u>	Voluntas.
Temperantia quid sit. <u>p.92.m</u>	Voluntas vnum è principiis humanorum actuum. <u>p.33.p</u>
Temperantiæ partes integrantes. <u>ibid.</u>	A voluntate est formalis libertas, licet radix libertatis sit in intellectu. <u>p.34.m</u>
Temperantiæ partes subiectæ. <u>p.92.f</u>	Non omnes actiones voluntatis sunt im- manentes. <u>p.38.m</u>
Temperantiæ partes potentiales. <u>p.93.p</u>	Voluntas quo pacto moueat intellectum. <u>p.35.m</u>
Temperantia residet in appetitu concu- piscibili. <u>p.74.m</u>	Voluntatem quomodo intellectus mo- ueat. <u>p.35.f</u>
Temperantiæ actus. <u>p.93.f</u>	Voluntate intellectus nobilior. <u>p.36.m</u>
Virtus.	Voluntas nihil appetit, nisi quod ei ab intellectu proponitur. <u>p.36.p</u>
Virtutis definitio tradita ab Aristotele explicatur. <u>p.61.f</u>	Non omni intellectu actioni præire mo- tum voluntatis. <u>ibid.</u>
Virtus ex sua intrinseca ratione est habi- tus, contra solum. <u>p.62.m</u>	Voluntas mouet actiue alias potentias, quę suapte natura eius imperio sub- duntur. <u>p.37.m</u>
Virtutum habitibus ad tria indigemus. <u>p.62.p</u>	Non tamen eas mouet per aliquam præ- niam excitationem. <u>p.37.m</u>
Virtus moralis consistit in mediocritate. <u>p.64.f</u>	Voluntas mouet alias potentias concur- rendo cum illis tanquam causa vni- uersalior. <u>p.38.p</u>
Virtutes quo sensu dici possint esse, aut non esse homini naturales. <u>p.67.p</u>	Voluntas vt mouet sensus internos. <u>p.38.m</u>
Virtutum variæ diuisiones. <u>p.77.m</u>	Voluntas vt mouet appetitum sensitium. <u>p.39.m</u>
Virtutes acquisitæ. <u>p.79.p</u>	Voluntas ordinariè non mouet appeti- tum sensitium immediatè. <u>p.40.p</u>
Virtutes infusæ. <u>ibid.</u>	Voluntas vt mouet mēbra externa. <u>p.40.m</u>
Virtutes acquisitæ, quo pacto nostris affectibus comparentur. <u>p.68.p</u>	Voluntas nū mēbra externa moueat absq; intervenitu appetitus sensitini. <u>p.40.f</u>
Virtus moralis vnde dicta. <u>p.78.p</u>	Voluntas quando mouet appetitum per redundantiam. <u>p.40.m</u>
Dantur virtutes morales infusæ per se. <u>p.79.f</u>	In voluntate q̄ virtutes insidēt. <u>p.74.m</u>
Virtutū moralium triplex gradus. <u>p.80.m</u>	Voluptas.
Virtutes morales inter se cōnexę. <u>p.70.m</u>	Veterum dogmata de voluptate. <u>p.25.p</u>
Virtutes morales num inter se æquales sint. <u>p.71.f</u>	qui in Voluptate felicitatem posuerint. <u>ibidem.</u>
Virtutum moralium quædam perficiunt hominem secundum communem vitæ statum, quædam non. <u>p.72.m</u>	Refellitur hic error. <u>p.25.m</u>
quæ Virtutes herent in appetitu sensi- tino, quæ non. <u>p.79.f</u>	Voluptatem parit habitus. <u>p.62.p</u>
Virtutum diuisio in intellectuales, & morales. <u>p.77.p</u>	
Virtutum intellectualium alię contem-	

